

Book Review

“Daghan kaayong makat-unan ang mga bag-ong Kristohanon aning libroha. Ang mga kamatuoran maayong pagka-plastar ug sayon kaayong basahon ug sabton. Dapat hatagan sa mga pastor ug copy aning libroha ang mga bag-ong believers. Dako gyud ni’g tabang sa ilang spiritual journey.”

— **PASTOR ROGER HUNT**,
Poplar Assembly Church, Fort Peck Indian Reservation, Montana

“Ganahan ko ani nga libro kay pirme ko niya ibalik sa akong Bible.”

— **BUD BRAATEN**,
82 years old, Montana Cowboy

“Kini nga libro nag-reveal sa kamatuoran ni Kristo, ug na-encouraged gyud ko ani.”

— **JOHN ATCHICO**,
Native American Shawnee Elder

“Sugod karon, mag-fasting na pud ko. Mag fasting ko ug 7 ka adlaw—walay pagkaon ug walay tubig—alang sa dugang nga wisdom ug harvest. Human ani, magsugod na pud ko’g travel from city-to-city ug village to village dala ang libro: *The Foundations of Our Christian Faith*. Sigurado ko nga makadasig ni sa mga tawo nga masayod sa Foundation ug mahimong tinuod nga disciple ni Jesus, ug kusganon nga mobarog batok sa kaaway.”

— **EVANGELIST SONIA QAMAR**,
Lahore, Pakistan

Book Review

“Kining libroha kay dako kaayo’g impact sa akong kinabuhi, ug dad-on nako ni sa among mga churches sa Bong ug Lofa Counties sa Liberia, West Africa aron akong ma-train sila didto ug magpadayon sa church planting.”

— **PASTOR ALEX KOLLIE**,
Kingdom Covenant Ministry, Liberia, West Africa

“Ganahan ko sa teachings aning libroha. Tinuod gyud ni nga teaching gikan sa Bible.”

— **PASTOR JAMES K. CISCO**,
Living Grace Lutheran Church, Bong County, Liberia West Africa

“Sa akong pag-libot sa tibuok kalibutan, sa mga mission trips sa mga villages sa Asia ug Africa, nakita gyud nako kung giunsa paggamit sa Ginoo ning libroha, *The Foundations of Our Christian Faith*, aron i-develop ang mga young believers ug workers, ug hatagan sila ug solid nga foundation sa Christianity ug ibalik sila sa ilang Bible. Tungod sa akong nakita nga impact, karon akong gi-translate ni nga libro sa Cebuano language sa Pilipinas, aron ipanghatag ni sa mga pastors ug workers sa mga baryo ug local areas diri sa Pilipinas.”

— **MISSIONARY RICK JASON SILVA**,
Equipping the Saints International Ministries

“Salamat Pastor. Nindot pud kay naay question and answer kada human sa lesson. Timing kaayo ni nga material kay magsugod mi ug lesson in a foundational way. Makatabang ni nga material para maglig-on sila sa pagtuo ug ma-share pud nila sa uban. Nag-hope ko nga ma-translate pud ni sa Khmer language. I-print nako ni ugma.”

— **PASTOR MELBERT FAJARITO**
AG Philippine Missionary now serving in Cambodia

*“Buhata ang kutob sa imong mahimo
aron malipay ang Dios kanimo,
sama sa nangalagad nga walay angay ikaulaw
sa iyang mga gibuhad.
Itudlo sa husto nga pamaagi ang pulong sa Dios
nga mao ang kamatuoran.”*

— 2 TIMOTEO 2:15 —




Kini nga Study Guide gihatag para nimo gikan ni
PASTORS JIM & DOLLY O’CONNOR

International Directors,
Equipping The Saints International Ministries

*Ang **Pundasyon sa Atong Kristohanong Pagtuo** (The Foundations of Our Christian Faith)*

**ANG MGA PUNDASYON
SA ATONG
KRISTOHANONG
PAGTUO**



PASTOR JAMES O'CONNOR

Founder and International Director,
Equipping the Saints International Ministries

Gi-translate ni

PASTOR RICK JASON FLORES SILVA

Pastor/Missionary,
Equipping the Saints International Ministries

*Ang **Pundasyon** sa **Atong Kristohanong Pagtuo** (The Foundations of Our Christian Faith)*

TABLE OF CONTENTS

Pasiuna	1
Maayong Pag-Abot.....	3
Jesú-Cristo.....	5
Gugma	27
Pagtuó.....	37
Bag-Ong Pagkatawo	45
Bautismo Sa Tubig	53
Ang Balaang Espiritu.....	57
Espiritu, Kalag, Ug Lawas	71
Panghuna-Huna Nga Angayng Usbon	77
Mamatay Aron Mabuhi	87
Kinahanglang Mokaon Ka	99
Kapahulayan	111
Ang Lawas.....	125
Ang Paghatag.....	151
Ang Pag-Ampo.....	157
Ang Kaaway.....	167
Ang Away.....	173
Ang Dako Nga Buluhaton	187
Ang Kataposan	191
Panapos	201

*Ang **Pundasyon sa Atong Kristohanong Pagtuo** (The Foundations of Our Christian Faith)*

PASIUNA

Kung si Hesu-Kristo nag-ingon nga “...ang nagtuo kanako magbuhat usab sa akong gibuhad ug mas labaw pa gayod ang iyang buhaton (John 14:12 APSD).” Nan unsa ma’y akong buhaton para mahimo nako na? Kung nag ingon pud Siya nga “Ang tanan mahimo sa tawo nga may pagtuo”, unsa ma’y buot ipasabot ana?

Para nako, mao ni ang rason nga dili gyud ko mo-tuo nga ang pinaka-maayong kabubut-on sa Dios sa Iyang tinun-an mao lang ang pagdawat sa mga ginagmay’ng mga butang kaysa sa pag-angkon sa kinatibuk-an nga kinabuhi nga atong nadawat diha ni Cristo dihang na-tawo ta pag-usab.

Ang atong buhi nga relasyon ni Jesu-Cristo mao ang maghatag nato ug kagawasan gikan sa sala, magluwas nato gikan sa atong kahuyang, ug magpadayag sa gahom sa Dios dinhi nato ug pinaagi nato.

Kining nagapadayon nato nga pagpakigrelasyon Kaniya maoy nagtawag nato palayo sa atong mga tradisyon ug relihiyon, ug nagpa-lalom sa atong relasyon diha ni Cristo.

Kung gitawag ka sa Dios para mahimong iyang tinun-an, kinahanglan nga mugawas ka gikan sa imong pagka-relihiyoso nga mga tinoohan paingon sa bag-ong kinabuhi diha ni Cristo—usa ka kinabuhi nga labaw sa imong kaugalingon diha sa imong pagpakig-relasyon sa Espiritu Santo.

Sulod ining bag-ong klase sa relasyon, ang tanang butang posible alang nimo. Tinuod ni para nato, para nako ug nimo, ug mao kini ang tawag ug pribilehiyo nga gihatag sa Diyos para sa tanan.

“Ang Bibliya nag-ingon nato nga ang plano sa Dios para sa iyang mga kaanakan mao nga mu-hamtong, ug mahingpit parehas gyud ni Cristo”

Pasiuna (Introduction)

Kinahanglan nimo'ng masabtan nga gihigugma ka sa Dios ug nga si Jesu-Cristo namatay ug nagpatulo sa iyang dugo para sa imong mga kasal-anan. Kung motoo ug mudawat ka ani, sa imong kinabuhi maka-ingon ka nga “ang tanan mahimo sa tawo nga may pagtuo.”

Una, mu-too ka sa pagka-tinuod ni Cristo ug sa Iyang gahom, ug kinahanglan nga mapuno ka sa Espiritu Santo. Dayon, kinahanglan nga mupadayon ka sa pag-kinabuhi ug sa pag-padayag ini. Kinahanglan nga imo nang isalikway ang karaan nimong pagkatawo samtang nahimo ka'ng gamhanan nga espirituhanon nga galamiton nga mao'y gi-tinguha sa Ginoo.

Ang Dios nagtawag nimo sa pag-lakat uban Niya sa insakto ug personal nga relasyon pinaagi ni Jesu-Cristo, samtang gipadayag nimo ang gahom sa Espiritu Santo dinhi karon.

Ako nag-ampo nga mupadayon ka dili lang kutob sa pag uyon, sa Iyang gitudlo, diha sa imong huna-huna. Gawas gikan sa pagka-relihiyoso. Bugto-a ang gapos sa mga tuo-tuo! Sinati-a ning relasyon nga may gahom ug mauswagon nga kinabuhi! Ingna ang Dios ug ang imong kaugalingon, ***“Ginoo, gusto ko'ng maangkon ang tanan nga giandam Nimo alang nako.”***

Nag-ampo ko nga masabtan gyud nimo, dili lang kutob sa huna-huna, nga makabaton ka'g relasyon sa Espiritu Santo. Usa ka relasyon sa gugma ug gahom nga atong naangkon diha ni Jesu-Cristo!

MAAYONG PAG-ABOT

Dihang imo nang gisurender imong kaugalingon ni Ginoong Jesus ug nangayo ka'g pasaylo sa imong mga sala, kinahanglan nga imo Siyang imbitahon sa imong kasing-kasing isip imong Manluluwas ug Ginoo. Dayun, magpa-bawtismo ka sa tubig ug tinguha-a nga mapuno ka sa Espiritu Santo.

Giampo tika parehas ni Apostol Pablo nga nag-ampo para sa mga Cristohanon kaniadto.

Ang akong tinguha para nimo parehas gyud sa pag-ampo ni Apostol Pablo nga mabasa nato diha sa **Colosas 1:9—14**.

Nag-ampo gayod kami kanunay alang kaninyo sukad sa pagkasayod namo niini. Gipangayo namo sa Dios nga masayod unta kamo sa iyang kabubut-on uban sa tanang kaalam ug kahibalo nga gihatag sa iyang Espiritu aron makahimo kamo pagkinabuhi sumala sa kabubut-on sa Ginoo ug makabuhat kanunay sa mga butang nga makapahimuot kaniya. Magmabungahon ang inyong kinabuhi sa tanang mga maayong buhat ug magdugang ang inyong kahibalo mahitungod sa Dios. Hinaot unta nga lig-onon kamo sa kusog nga naggikan sa iyang mahimayaong gabom aron makalahutay kamo sa tanan ug makapailob uban ang kamaya. Pasalamat ni ninyo ang Amahan nga naghimo kaninyong takos sa pag-ambit sa gitagana sa Dios alang sa iyang katawhan didto sa gingharian sa kahayag. Kay giluwat kita niya gikan sa gabom sa kangitngit ug gidala ngadto sa gingharian sa iyang hinigugmang Anak nga maoy naglukat kanato ug nagpasaylo sa atong mga sala.

Dali! Kuyog sa pagpas-an sa Iyang yugo ug mahimo nga Iyang tinun-an.

JESÚ-CRISTO

Sa akong pag-sige ug byahe, naa koy nakaila nga mga mga tawo nga maayo kaayo ug kinaiya.

Nag-tupad mi sa Airport samtang nagpaabot sa among sakyan nga Eroplano.

Nindot kaayo siyang ika-istorya ug sadya kaayong ikauban.

Dali ra kaayo ang oras, wa lang mi kabantay, samtang naglami ang among estorya, nga oras na diay aron mag-iyahay na mi padulong sa among tagsa-tagsa ka padulngan.

Bisan unsa siya ka nindot ika-estorya, pero wala gyud nisulod sa akong huna-huna nga usbon nako akong mga plano aron musunod ug asa siya paingon.

Hangtod karon, wa na ko kabalo ug naunsa na siya sukad nga nagka-abot mi didto sa Airport.

Pero sa dihang imong dawaton si Ginoong Jesus diha sa imong kasing-kasing, kinahanglan gyud nga naa kay himuon nga desisyon.

Kaya ba nimo'ng usbon ang imong mga plano, o undangon ang imong mga buluhaton, ug mga lakat aron musunod Niya?

Kung sigurado gyud ka sa imong desisyon sa pagsunod Niya, ug muingon ka nga “Oo” sa walay pag-duha duha, diha mahibal-an nato kung andam ba gyud ka sa usa ka seryoso nga pag-pakig relasyon Niya.

[34] Unya gitawag niya ang mga tawo ug ang iyang mga tinun-an nga moduol kaniya. Miingon siya, “Kon may tawo nga buot mosunod kanako, dili niya palabihon ang iyang kaugalingon, kondili mosunod siya kanako bisan pa kon kamatayon ang iyang dangatan.

Jesu-Cristo (Jesus Christ)

[35] Kay si bisan kinsa nga nagtinguha sa pagluwas sa iyang kinabuhi mawad-an hinuon niini. Apan si bisan kinsa nga mohalad sa iyang kinabuhi tungod kanako ug sa Maayong Balita makaangkon sa kinabuhi nga walay kataposan.

—Marcos 8:34-35 APSD

[29] Sunod kamo ug magpatudlo kanako kay malumo ako ug mapainubsanon. Makapahulay kamo,

[30] kay ang akong pagtulon-an sayon sundon, ug ang akong sugo sayon buhaton.

—Mateo 11:29-30 APSD

Naa koy kaila nga babaye nga pait kaayo ug kaagi sa iyang kinabuhi.

Gwapo kaayo iyang na-bana nga Sundalo (American Navy). Nagtuo gyud siya nga nakaila siya kaayo sa iyang bana.

Sulod sa pila ka tuig, wala gyud siyay pagmahay o problema sa tawo nga iyang giminyoan.

Dihay adlaw nga iyang gi hiling ang ilang mailbox (usa ka box o kahon nga gamay, gawas sa balay nga butanganan ug mga sulat, mga bills sa kuryente, internet, ug uban pa). Pag lantaw niya naay bill (bayranan) gikan sa dentista kay ang ilang dalaga kuno nagpa-dentist (nagpa hingo, nagpa limpyo, o basi nagpataud ug brace).

Pag lantaw niya, sakto man ang edad pero ang pangalan lahi man.

Mao to nga iyang gisubay, ug didto iyang nabal-an ang sekreto sa iyang bana.

Naa diay laing asawa ug anak ang iyang bana nga parehas pud ug edad sa ilahang anak.

Pait man huna-hunaon ang nahitabo sa iyang kinabuhi, pero mas kahadlokan pa gyud kung sa katapusan, ato nalang mahibal-an nga nagdahom lang diay ta nga ang Jesus nga

Jesu-Cristo (Jesus Christ)

atong nailhan, gisunod, ug gituohan sa atong huna-huna ug atong gisunod sumala sa giingon sa atong mga katigulangan, dili diay mao, ug lahi ra diay sa tinuod nga Jesus nga giingon sa Bibliya.

Daghan nga mga kamaturoan sa Bibliya nga kinahanglan natong matugkad ug tuohan. Dinha ta makapanukad ug makabarog nga may gahom ug matukod nato ang atong kinabuhi kauban ni Ginoong Jesus.

Kabalo ko nga kitang tanan nakadungog na kabahin sa tawo nga ginganlan ug Jesus. Mas nailhan nato siya nga si Jesus nga taga Nazareth.

Daghan nga mga prweba nga makapamatuod sa iyang kinabuhi, bisan sa History, nga natawo gyud Siya sa pobre nga pamilya, ug niabut iyang edad ug 30 kapin.

Mapamatud-an pud sa uban nga mga sulat, gawas sa Bibliya, nga nag hisgot kabahin Niya.

Sa edad nga 33 o 34, gihukman Siya nga patyon pinaagi sa mando ni Pontio Pilato nga Gobernador sa Roma, tungod sa pagpangusog sa Labawng Pari sa mga Judio, ug mga labaw-labaw sa ilang relihiyon.

Si Josephus, usa ka writer (manunulat) panahon ni Ginoong Jesus, nag-hisgot pud kabahin ni Ginoong Jesus diha sa iyang libro.

Atong makit-an sa Bibliya ang pinaka-detalyado gyud nga kamatuoran kabahin ni Ginoong Jesus.

Kabalo ta nga dili siya ordinaryo nga tawo parehas nato, bisan tuod ug nagpakatawo Siya nga may unod ug dugo.

600 ka tuig sa wala pa matawo si Ginoong Jesus, gitagna na daan ni Propeta Isaias ang mahitabo kabahin sa iyang pagkatawo.

Jesu-Cristo (Jesus Christ)

[14] Busa ang Ginoo na mismo ang mohatag ug timailhan kaninyo. Ug mao kini ang timailhan: Magsabak ang usa ka batan-ong babaye ug manganak siyag lalaki, ug nganlan niya kinig ‘Emmanuel.’

—Isaias 7:14 APSD

Ma-basa nato nga nahitabo o natuman ni diha sa **Lucas 1:35**:

[35] Mitubag ang anghel, “Mokunsad kanimo ang Espiritu Santo ug ang gabom sa Labing Halangdong Dios magpabilin kanimo. Busa ang balaan nga bata nga imong ipanganak pagailhon nga Anak sa Dios.

—Lucas 1:35 APSD

[22] Nahitabo kini aron matuman ang giingon sa Ginoo pinaagi sa propeta nga nagaingon, [23] “Magmabdos ang usa ka dalagang putli, ug manganak siyag lalaki. Ug ang maong bata pagatawgon nga Emmanuel” (nga kon sabton, “Ang Dios kauban nato”).

—Mateo 1:22-23 APSD

[10] Mianhi siya sa kalibotan, apan bisan ug gihimo ang kalibotan pinaagi kaniya, ang mga tawo sa kalibotan wala moila kaniya. [11] Mianhi siya sa iyang kaugalingong katawhan, apan ang kadaghanan kanila wala modawat kaniya.

[12] Apan si bisan kinsa nga midawat ug mituo kaniya gihatagan niya ug katungod nga mahimong anak sa Dios.

[13] Nahimo silang anak sa Dios dili pinaagi sa lawasnon nga pagkatawo o kaha sa kabubut-on sa tawo, kondili pinaagi sa kabubut-on sa Dios.

[14] Ang Pulong nagpakatawo ug nakig-uban kanato. Nakita namo ang iyang kadungganon ingon nga bugtong Anak sa Amahan. Maluloy-on gayod

siya ug pulos kamatuoran ang iyang gipanulti.

— Juan 1:10-14 APSD

Klaro kaayo nga nag-ingon ang Bibliya nga si Ginoong Jesus, natawo ug nipuyo uban nato nga walay sala,

[6] Bisan siya Dios, wala siya mamugos nga magpabiling tupong sa Dios.

[7] Hinuon, sa iyang kaugalingong kabubut-on, gibiyaa niya kining iyang kautungod ug nahumong usa ka ulipon. Natawo siya sama sa kasagarang tawo;

[8] Nagpaubos siya ug nagmasinugtanon hangtod sa kamatayon— bisan sa iyang kamatayon sa krus.

[9] Tungod niini gituboy siya sa Dios ngadto sa kinatas-ang dapit sa kalangitan ug gihatagan siyag ngalan nga labaw sa tanang ngalan.

[10] Busa mangluhod ang tanang binuhat nga atua sa langit, sa ibabaw sa yuta ug sa ilalom sa yuta sa pagpasidungog sa ngalan ni Jesus. [11] Ug ang tanan magsangyaw nga si Jesu-Cristo mao ang Ginoo, alang sa himaya sa Dios nga Amahan.

—Mga Taga-Filipos 2:6-11 MBBCEB99

Iyang gipadayag o gipakita, ang gugma sa Amahan diri nato:

[16] Kay gihigugma pag-ayo sa Dios ang kalibotan ug tungod niini gihatag niya ang iyang bugtong Anak, aron ang tanan nga motuo kaniya dili malaglag kondili makabaton hinuon sa kinabuhing dayon.

—Juan 3:16 MBBCEB99

[37-38] Nahibaloan usab ninyo ang mga nahitabo sa tibuok probinsya sa Judea mahitungod kang Jesus nga taga-Nazaret. Dili ba nagsugod kini sa

Jesu-Cristo (Jesus Christ)

Galilea human sa pagwali ni Juan mahitungod sa pagpabautismo? Gihatagan sa Dios si Jesus sa Espiritu Santo ug gabom. Ug tungod kay ang Dios kauban niya, giayo niya ang tanang mga gipaantos sa yawa. Miadto siya sa nagkalain-lain nga dapit ug naghimo sa mga maayong butang.

—Binubatan 10:37-38 APSD

Gilansang Siya sa Krus ug namatay:

[33] Sa pag-abot nila sa dapit nga ginganlag “Ang Kalabera,” gilansang nila si Jesus ug ang duha ka kriminal—ang usa diha sa iyang tuo ug ang usa sa iyang wala.

—Lucas 23:33 MBBCEB99

[25] Alas nuybe kadto sa buntag sa dihang gilansang nila siya sa krus. [26] Ang sumbong nga nahisulat sa karatola mao kini: “Ang Hari sa mga Judio.”

—Marcos 15:25-26 MBBCEB99

[50] Unya si Jesus misinggit pag-usab ug namatay. [51] Unya ang tabil sa Templo nagisi gikan sa taas ngadto sa ubos. Nauyog ang yuta ug nangapikas ang mga bato.

—Mateo 27:50-51 MBBCEB99

Ug pagkahuman, gilubong Siya:

[58] Miadto siya kang Pilato ug gipangayo niya ang lawas ni Jesus. Ug mimando si Pilato nga ipahatag kini kaniya.

[59] Busa gikuha kini ni Jose ug giputos niya sa usa ka bag-ong habol nga lino.

[60] Gipahimutang niya kini sa iyang kaugalingong lubnganan nga bag-o pa lamang gilungag diha sa usa ka dako kaayong bato. Unya giligid niya ang usa

ka dakong bato aron isira sa pultahan sa lubnganan ug milakaw siya.

— Mateo 27:58-60 MBB CEB99

Nabanhaw Siya gikan sa mga minatay:

[5] Unya ang anghel miingon sa mga babaye, “Ayaw kamo kabadlok! Nasayod ako nga nangita kamo kang Jesus nga gilansang sa krus.

[6] Wala na siya dinhi; nabanhaw siya sumala gayod sa iyang giingon. Dali kamo ug tan-awa ang dapit nga gilubngan kaniya. [7] Unya adtoa dayon ug sultihing ang iyang mga tinun-an nga nabanhaw siya ug nag-una kanila karon ngadto sa Galilea. Didto ikahibalag nila siya. Hinumdomi ang akong giingon kaninyo.”

—Mateo 28:5-7 MBBCEB99

Nagpakita Siya sa iyang mga tinun-an ug sa ubang mga tawo human Siya mabanhaw:

[4] Gilubong siya ug sa ikatulo ka adlaw gibanhaw sumala sa nahisulat sa Kasulatan. [5] Nagpakita siya kang Pedro ug unya ngadto sa 12 ka mga apostoles.

[6] Unya sa usa ka higayon, nagpakita siya ngadto sa kapin sa 500 sa iyang mga sumusunod ug kadaghanan kanila buhi pa. [7] Unya nagpakita siya kang Santiago ug sa tanang mga apostoles.

[8] Sa kataposan nagpakita usab siya kanako bisan tuod ako sama sa usa nga natawo sa dili husto nga panahon.

[9] Kay ako ang labing ubos sa tanang mga apostoles ug dili gani ako angay nga tawog apostol kay gilutos ko man ang simbahan sa Dios.

—1 Mga Taga-Corinto 15:4-9 MBBCEB99

Usa ka adlaw, sa atubangan sa Iyang mga tinun-an, si Jesus mi-saka ibabaw sa mga panganod ug mibalik sa iyang Amahan sa langit.

Ug samtang gipanalanginan niya sila, mibiya siya ug gibayaw ngadto sa langit.

—Lucas 24:51

Human makigsulti kanila ang Ginoong Jesus, gibayaw siya ngadto sa langit ug milingkod sa tuo sa Dios.

—Marcos 16:19

SI HESUS ANG ATONG MANLULUWAS

Dili Siya usa sa mga daghang dalan, kundi Siya lang gyud ang dalan.

“Apan ako nakaila kay gikan man ako kaniya ug siya man ang nagpadala kanako.”

—Juan 7:29

“... Ang nakakita kanako nakakita usab sa Amahan. Busa nganong nag-ingon ka man, ‘Ipakita kanamo ang Amahan?’”

—Juan 14:9

Kay may usa lamang ka Dios ug usa lamang ang naghiusa sa Dios ug sa mga tawo. Siya mao ang tawo nga si Cristo Jesus.

—1 Timoteo 2:5

“Ako ang dalan, ang kamatuoran ug ang kinabuhi. Walay makaadto sa Amahan kon dili moagi kanako.”

—Juan 14:6

Jesu-Cristo (Jesus Christ)

Ako ang pan nga naghatag sa kinabuhi.

—Juan 6:48

“Ako mao ang kahayag sa kalibotan.”

—Juan 8:12

“Sultihan ko kamo: ako ang pultahan sa mga karnero. Ang tanan nga mianhi una kanako mga kawatan ug mga tulisan. Busa wala mamati kanila ang mga karnero. Ako ang pultahan. Ang mosulod agi kanako maluwas. Makasulod-gawas siya ug makakaplag siyag masibsib. Apan ang kawatan moanhi aron lamang pagpangawat, pagpatay ug paglaglag. Mianhi ako aron makabaton kamo ug kinabuhing madagayaon. “Ako ang maayong magbalantay sa mga karnero. Ang maayong magbalantay andam sa pagpakamatay alang sa mga karnero.”

—Juan 10:7-11

Ug si Jesus miingon kaniya, “Ako mao ang pagkabanhaw ug ang kinabuhi. Ang nagtuo kanako, bisan tuod mamatay, mabuhi. Ug ang tanan nga buhi ug nagtuo kanako dili gayod mamatay. Mituo ka ba niini?”

—Juan 11:25-26

“... nga gipasig-uli na sa Dios ang iyang mga tawo ngadto kaniya pinaagi kang Cristo. Wala na niya isipa ang ilang mga sala.”

—2 Corinto 5:19 APSD

Apan si bisan kinsa nga midawat ug mituo kaniya gihatagan niya ug katungod nga mahimong anak sa Dios.

—Juan 1:12

Sa **Hebreo 9:22** atong nahibal-an nga “kon walay dugo nga giula (gipa-agas o gipatulo) isip halad ngadto sa Dios walay kapasayloan ang sala.”

Atong mabasa sa Hebreo 9:12 nga si Ginoong Hesus nabanhaw gikan sa lubnganan ug nisulod sa langit aron iyang ipakita ang iyang inosente nga dugo atubangan sa trono sa Dios aron sa pag-tagbaw sa hukom sa silot nga kinahanglang bayaran tungod sa atong mga sala.

Pinaagi sa dugo sa Kordero (Nating Karnero) sa Dios, ang atong sala nabay’ran.

Ug ingon nga natakda nga ang tawo mamatay sa makausa, ug human niana mao ang pagbukom, mao usab si Cristo, human makahalad sa makausa aron sa pagkuha sa mga sala sa daghan motungha sa ikaduhang higayon, dili mahitungod sa sala, kondili sa pagluwas kanila nga mainitong nagpaabot kaniya.

—Hebreo 9:27-28 ABCEB, 2011

Ug kamo nga mga patay kaniadto diha sa mga kalapasan ug sa pagkadili tinuli sa inyong unod, ang Dios naghimo kaninyo nga buhi uban kaniya ingon nga napasaylo na niya kita sa tanan natong kalapasan, ingon nga napapas niya ang sulat nga nagbabag batok kanato pinaagi sa mga tulumanon niini ug kini iyang gikuha gikan kanato ug gilansang kini sa krus. Ang mga pamunoan ug kagamhanan iyang gitangtangan sa mga hinagiban ug iyang gipasundayag sila sa kadaghanan, diha sa iyang pagdaog batok kanila pinaagi sa krus.

—Colosas 2:13-15 ABCEB, 2011

Jesu-Cristo (Jesus Christ)

Apan si Jesus buhi hangtod sa kahangtoran ug ang iyang pagkapari magpadayon. Ug busa makahimo siya, karon ug sa gihapon, sa pagluwas kanila nga moduol sa Dios pinaagi kaniya kay buhi man siya hangtod sa kahangtoran aron pagpangaliya sa Dios alang kanila.

—Hebreo 7:24-25 MBBCEB, 1999

Tungod kanato si Cristo nga wala makasinati ug sala gihimo niya nga sala, aron diha kang Cristo mahimo kitang pagkamatarong sa Dios.

—2 Corinto 5:21 ABCEB, 2011

ug gikan kang Jesu-Cristo, ang kasaligan nga saksi, ang panganay gikan sa mga nangamatay, ug ang pangulo sa mga hari sa yuta.

Kaniya nga nahigugma kanato ug nagpahigawas kanato gikan sa atong mga sala pinaagi sa iyang dugo 6 ug naghimo kanato nga usa ka gingharian, mga pari ngadto sa iyang Dios ug Amahan, iya ang himaya ug ang paggahom hangtod sa kahangtoran. Amen.

—Gipadayag 1:5-6 ABCEB, 2011

SI HESUS ANG NAGA-AYO SA ATONG MGA BALATIAN

Sa pagkatinuod, giantos niya ang mga kasakit ug mga pag-antos nga alang unta kanato. Apan abi natog gisilotan siya sa Dios tungod sa iyang mga sala. Ang tinuod, gisamaran siya tungod sa atong mga kalapasan. Nabun-og siya tungod sa atong pagkadaotan. Ang silot nga iyang giantos mao ang nakahatag kanatog maayong kahimtang. Ug pinaagi sa iyang mga samad kita nangaayo.

—Isaias 53:4-5 APSD

Jesu-Cristo (Jesus Christ)

Milibot si Jesus sa tibuok nga Galilea ug nagtudlo diha sa mga sinagoga sa mga Judio. Giwali niya kanila ang Maayong Balita mahitungod sa paghari sa Dios, ug gipang-ayo niya ang tanang matang sa sakit sa mga tawo.

—Mateo 4:23 APSD

Milibot si Jesus sa mga lungsod ug sa mga baryo, ug nagtudlo siya diha sa mga sinagoga sa mga Judio. Giwali niya ang Maayong Balita mahitungod sa paghari sa Dios, ug gipang-ayo niya ang mga tawo nga may nagkalain-laing mga balatian.

—Mateo 9:35 APSD

Dili nato mabasa sa Biblia nga naay ni duol ni Ginoong Hesus ug nihangyo nga iyang ayuhon nga iyang gibalibaran.

Si Jesu-Cristo dili gayod mausab: siya mao gihapon kaniadto, karon, ug sa walay kataposan.

—Hebreo 13:8 APSD

Ang realidad ni Ginoong Jesu-Cristo ug ang iyang gahom sa pag-ayo ug mga balatian naa na sa Iyang Iglesia karon!

“Ang tanang kagahom sa langit ug sa yuta gihatag kanako. Busa sa inyong pagpanglakaw himoang mga tinun-an ang tanang kanasoran, nga magbautismo kanila sa ngalan sa Amahan ug sa Anak ug sa Espiritu Santo, nga magtudlo kanila sa pagtuman sa tanan nga akong gisugo kaninyo, ug tan-awa, ako mag-uban kaninyo kanunay hangtod sa kataposan sa kapanahonan.”

—Mateo 28:18-20 ABCEB, 2011

Sa iyang pag-biya (balik didto sa langit), Iya kitang gibilin dinhi aron maparehas Kaniya kung unsa Siya kaniadto. Ug magabuhat sa mga butang nga Iyang gibuhat kaniadto, sa

dinhi pa Siya sa yuta. Mao nga atong isangyaw kining Maayong Balita sa tibuok kalibutan.

SI JESU-CRISTO MAO ANG MAGBAUTISMO KANATO SA ESPIRITU SANTO

Kabalo na ta nga nag-ingon si Ginoong Hesus kanato nga paga-bautismohan kita sa Espiritu Santo.

Usa niadto ka higayon samtang nagkaon si Jesus uban sa iyang mga apostoles miingon siya, “Ayaw una kamo pagbiya sa Jerusalem. Hulata ninyo ang Espiritu Santo nga gisaad sa Dios nga Amahan, nga gisulti ko na kaninyo kaniadto. Nangbautismo si Juan sa tubig, apan sa dili madugay pagabautismohan kamo diha sa Espiritu Santo.”

—Bubat 1:4-5 APSD

Apan makadawat kamo ug gahom sa diha nga mokunsad na kaninyo ang Espiritu Santo ug kamo mao unya ang akong mga saksi sa Jerusalem ug sa tibuok Judea ug Samaria ug hangtod sa kinatumyan sa kalibotan.”

—Bubat 1:8 ABCEB, 2011

Pinaagi sa pag-pabautismo nato sa Espiritu Santo makadawat ta ug gahom gikan sa Dios aron mahisama ta ni Cristo kung unsa Siya dinhi sa yuta kaniadto.

“Si Jesus mitubag ug miingon kaniya, “Kon ang usa ka tawo nahigugma kanako, siya magtuman sa akong pulong, ug ang akong Amahan mahigugma kaniya ug moanha kami kaniya ug kami mopuyo uban kaniya.”

—Juan 14:23 ABCEB, 2011

Jesu-Cristo (Jesus Christ)

“Dili ko kamo biyaan nga daw mga ilo (wala’y ginikanan). Mobalik ako kaninyo.”

—Juan 14:18 MBBCEB, 1999

“Apan kon makagikan na ako, ang Magdadasig nga mao ang Espiritu Santo mao ang ipadala sa Amahan puli kanako. Siya ang magtudlo kaninyo sa tanang mga butang, ug magpabinumdom kaninyo sa tanan nga akong giingon kaninyo.”

—Juan 14:26 APSD

Pinaagi niini nabingpit ang gugma dinhi kanato, aron kita may pagsalig unya sa adlaw sa paghukom, kay ingon nga siya mao, mao usab kita dinhi sa kalibotan.

—1 Juan 4:17 ABCEB, 2011

SI JESU-CRISTO MAO ANG ATONG HARI NGA HAPIT NA MUBALIK

Ang Biblia nagtudlo pud nato nga si Ginoong Jesu-Cristo mubalik pag-usab sa kataposan sa kapanahonan aron hukman ang katawhan sa ilang mga kasal-anan, ug aron sa pagtukod sa Iyang Ginharian hangtud sa kahangturan.

Sa balay sa akong Amahan adunay daghang puluy-anan. Kon dili pa kini mao, moingon ba ako kaninyo nga moadto ako aron sa pag-andam ug luna alang kaninyo?

—Juan 14:2 ABCEB, 2011

Tan-awa, siya moabot uban sa mga panganod; ug makita siya sa tanang mata, sa tanang miduslak kaniya; ug ang tanang kabanayan sa yuta

magminatay tungod kaniya. Oo. Amen.

—Gipadayag 1:7 ABCEB, 2011

“Ayaw kahadlok! Ako mao ang sinugdan ug ang kataposan ug ang buhi. Ako namatay, apan tan-awa, ako karon buhi hangtod sa kahangtoran, ug ania kanako ang mga yawi sa Kamatayon ug sa Hades.”

—Gipadayag 1:17-18 ABCEB, 2011

“Moatubang kitang tanan sa Dios aron hukman niya. Kay ang Kasulatan nag-ingon, “Tungod kay buhi ako, nag-ingon ang Ginoo, moluhod ang tanan sa akong atubangan, ug ang tanan magdayeg sa Dios. Busa ang tagsatagsa kanato maghatag ug husay sa iyang kaugalingon ngadto sa Dios.”

—Roma 14:10-12 MBBCEB, 1999

“Unya nakita ko nga naabli ang langit ug didto may puting kabayo. Ang nagkabayo niini ginganlag Kasaligan ug Matuod ug diha sa katarong nagbukom siya ug nakiggubat. Sama sa siga sa kalayo ang iyang mata ug may daghang korona diha sa iyang ulo. May nahisulat kaniya nga ngalan ug siya lamang ang nakaila niini. Nalukop sa dugo ang iyang bisti ug ginganlan siyag “Ang Pulong sa Dios.” Nagsunod kaniya ang kasundalohan sa langit nga nagkabayo ug mga puting kabayo ug nagbistig puti ug limpyong lino. Migula sa iyang baba ang hait nga espada nga gamiton niya pagbuntog sa kanasoran. Maghari siya kanila sa paaging mahigpit gayod ug pug-on niya ang ubas diha sa pug-anan sa kapungot sa Dios nga Labing Gamhanan. Diha sa bisti niya ug sa iyang paa nahisulat ang ngalan: “Hari sa mga hari ug Ginoo sa mga ginoo.”

—Gipadayag 19:11-16 MBBCEB, 1999

Jesu-Cristo (Jesus Christ)

“Unya nakita ko ang dako ug puti nga trono ug ang naglingkod niini. Mipahawa ang yuta ug ang langit gikan sa naglingkod sa trono ug wala na kini makita pag-usab. Ug nakita ko ang mga patay, inila ug dili inila, nga nagbarog atubangan sa trono. Gibukhad ang mga libro ug may lain pa gayong librong gibukhad nga mao ang libro sa kinabuhi. Gihukman ang mga patay sumala sa ilang binubatan nga nahisulat sa mga libro. Unya ang kadagatan, ang Kamatayon ug ang Hades mitugyan sa mga patay nga diha kanila ug gihukman silang tanan sumala sa ilang binubatan. Unya gitambog ang Kamatayon ug ang Hades ngadto sa linaw nga kalayo. Kining linaw nga kalayo mao ang ikaduhang kamatayon. Ang tanang tawo nga walay ngalan diha sa libro sa kinabuhi itambog ngadto sa linaw nga kalayo.”

—Gipadayag 20:11-15 MBBCEB, 1999

“Apan ang matag usa sa iyang kaugalingong panahon: si Cristo ang unang bunga ug unya sa iyang pag-anhi, sila nga mga iya ni Cristo. Unya moabot ang kataposan, sa dihang itugyan niya ang gingharian ngadto sa Dios ug Amahan, sa dihang mapukan na niya ang tanang pamunoan ug tanang awtoridad ug gabom. Kay kinahanglang maghari siya hangtod nga ang tanang kaaway ikabutang na niya diha sa ilalom sa iyang mga tiil.”

—1 Corinto 15:23-25 ABCEB, 2011

“Unya ang ikapitong anghel mipatingog sa iyang trumpeta, ug sa langit dihay mga kusog nga tingog nga nag-ingon, “Ang gingharian sa kalibotan nahimong gingharian sa atong Ginoo ug sa iyang Cristo, ug siya maghari hangtod sa kahangtoran.”

—Gipadayag 11:15 ABCEB, 2011

“Dili ta mu-sagol anang mga tawo nga nagpaka-Cristohanon kung ang Cristo nga ilang gisangyaw lahi sa Cristo nga gipadayag diha sa Balaang Kasulatan”

Ang Kasulatan nagpadayag nga ang Dios nagpakatawo pinaagi ni Ginoong Jesu-Cristo: samtang nia pa Siya diri sa kalibutan isip usa ka hingpit nga tawo (walay sala), nahimo Siyang atong mananambal ug manluluwas nga naga-panambal ug naga-luwas. Ug atong nakita kung giunsa Niya pagpasig-uli ang maayong relasyon sa Dios ug sa tawo pinaagi sa iyang dugo sa krus.

Nakabalo pud ta nga nisaka Siya ug balik sa langit ug mubalik pag-usab sa dili madugay aron paghukom aning kalibutana.

SI HESUS UG ANG AMAHAN USA RA

Mga 600 ka tuig sa wala pa matawo si Ginoong Hesus, atong mabasa nga gitagna na ning daan sa Libro ni Propeta Isaias...

“Matawo ang usa ka batang lalaki ug maghari siya kanamo. Pagatawgon siya nga, “Maalamong Magtatambag, Makagagahom nga Dios, Amahan hangtod sa kahangtoran, ug Prinsipe sa Kalinaw!” Walay kataposan ang kauswagan ug kalinaw diha sa iyang pagdumala. Magahari siya isip manununod sa gingharian ni David. Palig-onon niya kini ug patunhayon ang hustisya ug katarong sa walay kataposan.”

—Isaias 9:6-7 APSD

Nia pa gyud ang dugang pang mga bersikulo aron pag-pamatuod nga si Ginoong Hesus ug ang Amahan usa ra.

“Sa sinugdan mao na ang Pulong ug ang Pulong uban sa Dios, ug ang Pulong Dios. Siya sa sinugdan uban sa Dios. Ang tanang mga butang nangahimo pinaagi kaniya ug walay bisan usa ka butang nga nahimo nga dili pinaagi kaniya niadtong mga butang nga nangahimo. Diha kaniya ang kinabuhi, ug ang kinabuhi mao ang kahayag alang sa mga tawo... Ang matuod nga

kahayag nga nagdan-ag sa tanang tawo moanhi sa kalibotan.”

—Juan 1:1-4, 9 ABCEB, 2011

“Ako ug ang Amahan usa ra”

—Juan 10:30 ABCEB, 2011

Apan bahin sa iyang Anak, miingon ang Dios: “Ang imong trono, O Dios, molungtad hangtod sa kahangtoran!”

—Hebreo 1:8 MBBCEB, 1999

“Si Cristo mao ang makita nga dagway sa dili makita nga Dios. Siya ang kamagulangang Anak ug labaw sa tanang binuhat. Kay pinaagi kaniya gibuhat sa Dios ang tanan nga atua sa langit ug ania sa yuta, makita ug dili makita—mga gabom nga espirituhanon, mga pamunoan, mga hari ug ang tanan nga nagmando. Gibuhat sa Dios ang tanan pinaagi kaniya ug alang kaniya. Diha na siya sa wala pa buhata ang tanang butang ug diha kaniya ang tanan nabugpong. Siya ang ulo sa simbahan nga mao ang iyang lawas. Siya ang sinugdan; siya ang unang gibanhaw sa Dios gikan sa mga patay aron siya ang mag-una sa tanang mga butang.”

—Colosas 1:15-18 MBBCEB, 1999

Ang simpleng kamatuoran mao ni: Si Hesus wala buhata! Siya ang Magbubuhat!

Klaro kayo sa kasulatan nga si Ginoong Hesus kauban nang daan sa Amahan sukad pa sa sinugdan. Ug atong mabasa sa Isaias 9:6, Juan 1:1, ug Hebreo 1:8 nga Siya ug ang Amahan usa ra gyud.

“Si Ginoong Hesus dili relihiyon, Siya buhing kamatuoran”

Ako ning nasabtan sa dihang batan-on pa ko. Pinakaunang nakasulay ko’g kahubog sa dihang nag edad ko ug dose (12). Nadakpan ko tungod sa kahubog sa nag-edad ko ug

kinse (15). Niatubang kog huwes sa korte sa nag-edad ko ug disi-sayis (16) kay akong gibunalan sa pultahan sa sakyanan ang tawo ug gibyaan sa daplin sa dalan nga samdan. Daotan kaayo ko ug permi lang masuko. Na-diin diin na lang ko, napriso ug walay kalinaw.

Sa nag-edad ko ug baynte-tres (23), niluhod ko sulod sa akong kwarto nga ako lang usa ug nag-ampo ko ni Ginoong Hesus ug ako Siyang gipangutana kung tinuod ba gyud Siya. Anang gabhiona, akong nailhan ang Hari sa mga hari ug Ginoo sa mga ginoo. Gidungog ko Niya sa dihang gitawag nako Siya. Gikuha Niya gikan nako ang akong sala ug kaulaw pinaagi sa Iyang dugo.

Iya kong Giluwas!

Si Hesus dili lang kutob sa kamatuoran ug kasaysayan. Buhi Siya!

“Wala’y laing relihiyon nga diin maka-baton ta ug personal nga relasyon sa Dios”

Si Jesu-Cristo mao ang gilansang sa Krus, nabanhaw gikan sa mga minatay, nibalik sa langit, ug karon mao ang atong Manluluwas. Siya ang gipadayag sa Kasulatan nga kauban ug nahiusa sa Espiritu Santo ug sa atong Langitnong Amahan. Siya nga mao ang mubalik pag-usab aron sa paghukom ining kalibutana.

“Si Cristo mao ang makita nga dagway sa dili makita nga Dios. Siya ang kamagulangang Anak ug labaw sa tanang binuhat. Kay pinaagi kaniya gibuhat sa Dios ang tanan nga atua sa langit ug ania sa yuta, makita ug dili makita—mga gabom nga espirituhanon, mga pamunoan, mga hari ug ang tanan nga nagmando. Gibuhat sa Dios ang tanan pinaagi kaniya ug alang kaniya. Diha na siya sa wala pa buhata ang tanang butang ug diha kaniya ang tanan nabugpong. Siya ang ulo sa simbahan nga mao ang iyang lawas. Siya ang sinugdan; siya ang unang gibanhaw sa Dios gikan sa mga patay

Jesu-Cristo (Jesus Christ)

aron siya ang mag-una sa tanang mga butang.”

—Colosas 1:15-18 MBBCEB, 1999

“Kay ang tibuok nga pagka-Dios anaa kang Cristo sa iyang pagkatawhanon ug gihatagan kamog hingpit nga kinabuhi diha sa inyong pagkahiusa kaniya. Labaw siya sa tanang espirituhanong pangulo ug awtoridad.”

—Colosas 2:9-10 MBBCEB, 1999

“Ako ang Alpa ug ang Omega,” nag-ingon ang Ginoong Dios nga Labing Gamhanan, ang Dios karon, kaniadto ug ang moanhi.”

—Gipadayag 1:8 MBBCEB, 1999

“Among Ginoog ug Dios! Angay kang modawat sa pagdayeg ug sa pasidungog ug sa gabom. Kay ikaw may nagbuhat sa tanang butang, ug pinaagi sa imong pagbuot namugna ang tanan.”

—Gipadayag 4:11 MBBCEB, 1999

“Kung nagtuo ta nga si Hesus wala natawo isip unod ug dugo, hingpit ug wala’y sala, o kung nagtuo ta nga Siya dili kaangay sa Dios Amahan ug sa Espiritu Santo, o basin kung nagtuo ta nga naay laing dalan paingon sa Dios gawas kang Jesu-Cristo. Kung mao ni atong pagtuo, dili gyud ta maka-angkon sa relasyon nga parehas sa gitinguha sa Dios alang nato”

Isip mga tinun-an ni Jesu-Cristo, maka-sugata ta ug mga tawo nga wala gyud nakaila kung kinsa si Ginoong Hesus. Ang uban muingon nga “usa siya ka maayong tawo”, ug gihimo nila Siyang usa aka ehemplo. Ang uban muingon nga “usa siya sa mga inilang propeta nga gipadala sa Dios”. Ang uban muingon nga “usa siya ka anghel nga binuhat sa Dios, ug gipadala siya aron ipakita ang gugma sa katawhan”. Naa pa gyud gani uban nga muingon nga “siya ang pinaka-unang binuhat sumala sa plano sa Dios”.

Jesu-Cristo (Jesus Christ)

Kining mga tawhana nga nagtuo aning mga butanga, kulang ug sayop ang ilang pag-sabot kung kinsa gyud si Ginoong Hesus.

Karon, nagpuyo siya sa atong mga kasing-kasing pinaagi sa pagtuo! Dalaygon ang Iyang Ngalan!

Atong bag-ohon pag-usab ang atong desisyon kabahin sa atong kinabuhi.

Ginoong Hesus, pasayloa ug luwasa ako. Nituo ko nga gihigugma ko Nimo ug gusto Nimo'ng makig-relasyon kanako. Ako naghangyo Kanimong ipa-ila ang Imong kaugalingon diri kanako ug tabangi ko. Akong gina-surender ang tanan diha Kanimong. Pinaagi sa Imong Ngalan, Cristo-Hesus, ako naga-ampo. Amen.

Petsa: _____

Ngalan: _____

Akong i-saad, sugod karon, nga akong ila-ilahon pa gyud si Ginoong Hesus ug mahimo nga Iyang tinun-an: magsunod Kaniya sa tibuok nakong kinabuhi.

Pirma: _____

GUGMA

Dili gyud nato hingpit nga masunod si Cristo kung dili nato mahibal-an sa atong kasing-kasing nga nahigugma Siya nato kung kinsa ta, ang tibuok natong pagkatawo, ug ang Iyang tinguha mao ang pag-tagbaw Kanato sama sa Iyang gitinguha sa dihang Iyang gibuhat ang tawo.

“Gihigugma ko ikaw sa usa ka gugma nga walay kataposan; busa nagpadayon ako sa akong pagkamatinumanon nganha kanimo.”

—Jeremias 31:3 ABCEB, 2011

“Nasayod ako sa akong mga plano alang kaninyo—plano alang sa inyong kaayohan ug dili sa kaalaotan, plano sa paghatag kaninyog paglaom ug maayong kaugmaon.”

—Jeremias 29:11 APSD

“O Dios, dili ko matugkad ang imong hunahuna; labihan kini kadaghan. Kon ihapon ko kini, daghan pa kini kay sa balas. Sa akong pagmata ang akong hunahuna anaa gihapon kanimo.”

—Salmo 139:17-18 APSD

“Ginoo nga akong Dios, walay sama kanimo. Daghang katingalahang mga butang ang imong gihimo, ug daghan ang imong mga plano alang kanamo. Dili ko masaysay kining tanan kay labihan kini kadaghan.”

—Salmo 40:5 APSD

Gugma (Love)

“Dili ba ang lima ka gagmayng langgam gibaligya man ug duha ka sentimos? Ug walay usa kanila nga gikalimtan sa atubangan sa Dios. Bisan gani ang mga bubok sa inyong ulo naihap na ang tanan. Ayaw kamo kahadlok, kay kamo labaw pa ug bili kay sa daghang mga gagmayng langgam.”

—Lucas 12:6-7 ABCEB, 2011

“Busa tungod niini nag-ampo ako sa Amahan nga maoy naghatag sa matuod nga ngalan sa tanang kabanayan sa langit ug sa yuta. Naghangyo ako sa Dios nga tungod sa kadagaya sa iyang himaya, lig-onon niya ang inyong espirituhanong kinabuhi pinaagi sa iyang Espiritu.

Magpuyo unta si Cristo sa inyong kasingkasing pinaagi sa inyong pagtuo aron mogamot ug malig-on ang inyong gugma ug uban sa tanang katawhan sa Dios, makabaton kamog gabom sa pagsabot sa kalapad ug kataas, sa kahabog ug kalawom sa gugma ni Cristo. Hinaot pa unta nga masayod kamo sa dili matugkad nga gugma ni Cristo ug sa ingon niana makinabuhi ninyo ang kinaiya sa Dios.

Daygon ta ang Dios kansang gabom ania kanato ug maoy makahatag ug labaw pa kay sa atong pangayoon o hunahunaon;

[21] kaniya maanaa ang himaya diha sa iglesia ug diha kang Cristo Jesus ngadto sa tanang mga kaliwatan hangtod sa kahangtoran. Amen.”

—Efeso 3:14-21 MBBCEB, 1999 (v. 14-20), ABCEB, 2011 (v. 21)

“Nahibalo na kita ug nagtuo nga gihigugma kita sa Dios. Ang Dios gugma. Ug ang nagakinabuhi nga may paghigugma, anaa sa Dios, ug ang Dios anaa kaniya.”

—1 Juan 4:16 APSD

Gugma (Love)

“Kada usa nato gibuhad sa Dios nga walay parehas sukad ma sukad: pinasahi ug espesyal. Bilihon ug matahom atubangan sa mga mata sa atong Dios”

Samtang ato Siyang gihigugma ug gituman, ang Dios nag-maya ug naga-kalipay sa pagpanalangin ug pag-pauswag kanato.

Parehas sa mga bulak, pinasahi ug perpekto sa iyang mata, nagpahulay ta sa iyang tanaman (*garden*) sa gugma ug pagkamatinud-anon kanato.

Kung atong lantawon ang pulong nga gugma pinaagi sa atong makita sa atong palibot diri sa kalibutan, maka-pangutana ta, unsa ang gugma? Maka-ingon dayon ta nga para nila (*mga kalibutano'ng katawhan*) ang gugma mao lang ang pag-tagbaw sa lawasnong panginahanglan sa tawo ug masulayan ang gusto niyang masulayan, bahala na'g mangin ang uban.

Ang mga Aktor ug mga Artista nga nagpa-kilig sa mga katawhan. Ilusyon lang (*dili tinuod*) ang ilang gipakita diha sa mga salida, kay sa tinuod, ang ilang kinabuhi gubot kaayo ug puno sa problema. Bisan sila, gadamgo lang, kutob lang sa pag-pangandoy sa usa ka gugma nga bongga kaayo nilang gipakita diha sa mga salida.

Unsaon man diay nato pag-hibalo o pag-ila sa gugma?

Ang pulong diay nga ***gugma*** gigamitan ug tulo ka lain-lain nga mga pulong sa Grego nga lingwahe, ang sinultihan nga gigamit sa mga tawo sa panahon ni Cristo. Ang pulong nga ***eros maoy*** gigamit alang sa gugma nga lawasnong o sekswal. Ang pulong nga ***phileo mao*** ang gugma nga emosyonal o kalagnon (*gugma nga inig-soon*). Ug ang ***agape mao*** ang gugma nga wala'y gipili, espirituhanon nga gugma.

Daghang mga tawo'ng naglisod aning mga butanga, minandoan sa ilang lawasnong nga kailibgon, nagtuo sila nga ang sekswal (***eros***) nga gugma mao lang ang maka-hatag nila ug kalipay nga mo-lungtad. Dili na mao!

Mag-lisod gihapon ta pag-higugma kung ang atong gugma pinasikad lang sa emosyon (***phileo***).

Gugma (Love)

Kabantay mo anang mga managtiayon o manag-uyab nga in-love pa kaayo anang orasa unya inig tiud-tiud nag-away na pud? Kay, ang ilang gugma emosyonal man nga gugma (*phileos*).

“Kung ganahan gyud ta ug gugma nga mulungtad ug dili mag laob-laob, kinahanglan nato ang ‘dili-hinakog’ (selfless) nga klase sa gugma nga gikan sa Dios”

Usa ka espirituhanon nga gugma, o gugma nga *agape*, ang atong makita diha sa Dios sa dihang iyang gipadala ang Iyang Anak aron mamatay didto sa Krus.

“Apan ang Dios nagpadayag sa iyang gugma alang kanato pinaagi niini, nga bisan sa mga makasasala pa kita, si Cristo nagpakamatay alang kanato.”

—Roma 5:8 ABCEB, 2011

“Walay si bisan kinsa nga adunay gugma nga labaw pa niini, nga ang usa ka tawo magtahan sa iyang kinabuhi alang sa iyang mga higala.”

—Juan 15:13 ABCEB, 2011

Isip mga tinun-an ni Ginoong Hesus, kinahanglan nga atong ipakita kining gugma nga dili-hinakog o *agape* nga gugma sa tanang tawo sa atong palibot.

“Usa ka bag-ong sugo ang akong ihatag kaninyo, nga kamo maghigugmaay sa usa ug usa sama nga gihigugma ko kamo aron maghigugmaay usab kamo sa usa ug usa. Tungod niini ang tanang tawo mahibalo nga kamo akong mga tinun-an kon kamo maghigugmaay sa usa ug usa.”

—Juan 13:34-35 ABCEB, 2011

Gisulti ni pag-usab ni Ginoong Hesus:

“Mao kini ang akong sugo, nga kinahanglang maghigugmaaykamo sa usa ug usa sama nga ako nahigugma kaninyo.

—Juan 15:12 ABCEB, 2011

Gugma (Love)

Gisultihan na pud ta ni Ginoong Hesus sa ikatulo'ng higayon:

Ang akong sugo kaninyo mao kini, nga kinahanglang maghigugmaay kamo sa usa ug usa.

—Juan 15:17 ABCEB, 2011

Sanglit kamo minahal man nga mga anak sa Dios, paningkamot gayod kamo nga mahisama kaniya. Magkinabuhi kamo diha sa gugma sama nga gihigugma kita ni Cristo ug gitugyan ang iyang kinabuhi alang kanato sama sa mahumot nga balad-sinunog nga makapahimuot sa Dios.

—Efeso 5:1-2 RCPV

Karon nga nahinlo na kamo pinaagi sa inyong pagsunod sa kamatuoran ug may matinud-anon nang gugma alang sa inyong isigkamagtutuo, paghigugmaay kamo sa kinasingkasing gayod.

—1 Pedro 1:22 RCPV

Mga igsoon, maghigugmaay kita kay ang gugma gikan sa Dios. Ang naghigugma sa iyang isigkatawo anak sa Dios ug nakaila sa Dios. Ang wala maghigugma sa iyang isigkatawo wala makaila sa Dios kay ang Dios gugma man.

—1 Juan 4:7-8 RCPV

Gisultihan kita ni Hesus nga pinaagi sa atong **agape** (usa ka klase sa gugma nga wala nag-hunahuna sa iyang kaugalingong kaayohan lang) nga gugma, ang uban makahibalo nga kita Iyang mga tinun-an.

“Isip mga tinun-an sa Ginoo, wala tay katungod sa pag-pili kon kinsay atong higugmaon o dili. Kining agape nga gugma apil na ani ang atong mga kaaway ug kadtong nagdumot ug nagdaot kanato.”

Gugma (Love)

“Nakadungog kamo nga giingon kaniadto, ‘Higugmaa ang imong mga bigala ug dumti ang imong mga kaaway.’ Apan karon sultihan ko kamo: higugmaa ang inyong mga kaaway ug pag-ampo kamo alang sa mga tawo nga nagpasipala kaninyo aron makita nga kamo matuod nga mga anak sa inyong Amahan nga atua sa langit.”

—**Mateo 5:43-45 RCPV**

Ang nag-ingon nga anaa siya sa kahayag apan nagdumot diay gihapon sa iyang isigkatawo anaa pa sa kangitngit. Ug ang nabigugma sa iyang isigkatawo anaa sa kahayag, busa walay bisan unsa diha kaniya nga makaangin sa uban ngadto sa pagpakasala. Apan ang nagdumot sa iyang isigkatawo anaa pa sa kangitngit. Naglakaw siya sa kangitngit ug wala masayod kon asa siya paingon kay gibutaan man siya sa kangitngit.

—**1 Juan 2:9-11 RCPV**

“Ug kon kamo mag-ampo, pasayloa una ninyo ang mga nakasala kaninyo aron ang inyong mga sala pasayloon usab sa inyong Amahan sa langit. Kay kon dili kamo mopasaylo sa uban, dili usab kamo pasayloon sa inyong Amahan nga anaa sa langit.”

—**Marcos 11:25-26 APSD**

Atong tan-awon kung unsay giingon sa Biblia kabahin sa kinaiya ining gugma.

“Ang gugma mapailobon ug maluluy-on. Ang gugma dili masinahon, dili manghambog. Ang gugma dili tigpasigarbo, dili magbinastos, dili mamugos alang sa iyang kaugalingon (dili mamugos sa kaugalingong kagustohan), dili masuk-anon o madinumtanon. Ang gugma dili malipay sa daotan, apan malipay kini sa kamatuoran, moantos sa tanang butang, motuo sa tanang butang, molaom sa tanang butang, molahutay sa tanang butang.”

—**1 Corinto 13:4-8 ABCEB, 2011**

Gugma (Love)

Mao ni ang mga kinaiya sa gugma nga gipakita sa Dios sa Iyang pagpakig-relasyon nato. Mao pud ni nga kinaiya sa gugma nga atong gipakita sa uban sa atong pagpakig-relasyon sa Dios ug sa atong isigka-tawo.

Sa gamay pa ko, usahay tawgon ko sa akong mama aron mubangon kay mo-eskwela. Ang akong itubag kay, “gihilanat ko.”

Wala nagpasabot nga tinuod ni, tungod lang kay nag-ingon ang bata base sa iyang gibati ug gituohan. Hinuon, gisukit-sukit ko sa akong mama (*registered nurse pud siya*). Ang iyang gihimo, muadto siya sa aparador (*cabinet*) aron kuhaon ang thermometer. Dayon mo-duol siya sa kilid sa akong gihigdaan ug aron i-check kung init ba gyud ko. Inig lantaw niya sa thermometer unya mahibal-an niya nga naa gyud koy hilanat, musugot siya nga mo-absent ko nga hangtod nga mahuwasan ko. Pero inig lantaw gani niya unya wala koy hilanat, iya kung alam-alaman uga pasabton nga bisan kuno ug paminaw nako gihilanat ko ug unya ganahan nga magpahilanat-hilanat aron maka-absent, ang tinuod, wala gyud koy hilanat. Mao nga mubangon nalang ko aron mo-eskwela.

Nahibal-an sa akong mama kung naa ba ko’y sakit dili base sa akong gibati kondili pinaagi sa pag-sukod sa akong gi-initon, ingon ana pud si Ginoong Jesus, nihatag Siya nato’g paagi sa pagsukod sa atong gugma diha Niya:

“Kon nahigugma kamo kanako, tumana ninyo ang akong mga sugo.

—Juan 14:15 MBBCEB, 1999

Sumala sa Biblia, ang atong gugma sa Ginoo masukod pinaagi sa atong pagkamatinumanon Kaniya. Sa dihang gipangutana si Jesus kon diin sa tanang sugo ang pinaka-importante, Siya mitubag:

Mitubag si Jesus, “Mao kini ang labing mahinungdanong sugo: ‘Pamati, Israel! Ang Ginoo nga atong Dios mao ra gayod ang Ginoo. Kinahanglan nga bigugmaon mo ang Ginoo nga imong Dios sa tibuok mong kasingkasing, sa tibuok mong kalag, sa tibuok mong salabotan ug sa tibuok mong kusog.’ Ang

sunod mao kini: ‘Higugmaa ang imong isigkatawo sama sa imong kaugalingon.’ Wala nay sugo nga labi pang mabinungdanon kay niining duha.”

—*Marcos 12:29-31 MBBCEB, 1999*

“Ang dili-hinakog nga relasyon sa gugma nga gitanyag sa Dios pinaagi ni Jesu-Cristo mao unta ang magdasig nato nga dili na maniguro lang sa atong kaugalingon, kundili mahimo tang sama ni Cristo”

Kung mahitabo ni, magsugod ta sa pag-pangita’g mga paagi sa paghigugma ug pag-alagad sa Dios ug sa atong isigka-tawo.

“Mga hinigugma, maghigugmaay kita sa usa ug usa kay ang gugma iya sa Dios, ug siya nga nahigugma gipakatawo sa Dios ug nakaila sa Dios. Ang wala mahigugma wala makaila sa Dios kay ang Dios gugma. Ang gugma sa Dios gipadayag dinhi kanato pinaagi niini, nga gipadala sa Dios ang iyang bugtong Anak nganhi sa kalibotan aron kita mabuhi pinaagi kaniya. Niini ania ang gugma, dili nga kita nahigugma sa Dios kondili nga siya nahigugma kanato ug nagpadala sa iyang Anak nga halad sa pasig-uli alang sa atong mga sala. Mga hinigugma, kon ang Dios nahigugma gayod kanato, kinahanglan nga kita usab maghigugmaay sa usa ug usa. Wala pa gayoy tawo nga nakakita sa Dios; kon kita maghigugmaay sa usa ug usa, ang Dios magpabilin kanato ug ang iyang gugma nahingpit dinhi kanato.”

—*1 Juan 4:7–12 (ABCEB)*

Ang gugma praktikal kaayo nga butang sa atong adlaw-adlaw nga kinabuhi.

“Kay gigutom ako ug inyo akong gipakaon, giuhaw ako ug inyo akong gipainom, dumuduong ako ug inyo akong giabiabi, hubo ako ug inyo akong gibisthan, nasakit ako ug inyo akong giduaw, nabilanggo ako ug inyo akong giadto.’ Unya motubag kaniya ang mga matarong nga mag-ingon, ‘Ginoo,

Gugma (Love)

kanus-a ba kami makakita kanimo nga gigutom ug amo kang gipakaon, o giuhaw ug amo kang gipainom? Ug kanus-a ba kami makakita kanimo nga dumuduong ug amo kang giabiabi, o hubo ug amo kang gibistihan? Ug kanus-a ba kami makakita kanimo nga nasakit o nabilanggo ug amo kang giduaw?’ Unya sa pagtubag ang Hari moingon kanila, ‘Sa pagkatinuod, sultihan ko kamo, ingon nga gibuhat ninyo kini ngadto sa usa sa labing ubos niining akong mga igsoon, gibuhat usab ninyo kini kanako.’”

—Mateo 25:35–40 (ABCEB)

“Ang relihiyon nga putli ug walay buling sa atubangan sa Dios nga atong Amahan mao kini: ang pagtabang sa mga ilo ug mga biyuda diha sa ilang kalisdanan ug ang pag-amping sa kaugalingon nga dili mabulingan sa kalibotan.”

—Santiago 1:27 (ABCEB)

Karon ang tumong sa sugo mao ang gugma nga gikan sa putli nga kasingkasing ug sa maayong tanlag ug sa walay pagpakaaron-ingnon nga pagtuo

—1 Timoteo 1:5 (ABCEB)

PAGTUO

Pinaagi sa pagtuo nasabtan nato nga ang kalibotan gibuhat pinaagi sa pulong sa Dios ug ang makita gihimo gikan sa mga butang nga dili makita.

—Hebreo 11:3 MBBCEB99

Ang tawo, base sa iyang natural nga kaalam, maka-ingon gyud nga dili ka pwede nga makahimo ug usa ka butang gikan sa wala, kini binuang sa atubangan sa Dios: tungod kay gibuhat Niya ang tanang butang gikan sa wala pinaagi sa pag-sulti sa Iyang Pulong.

Walay makapahimuot sa Dios kon dili pinaagi sa pagtuo. Kay ang moduol sa Dios kinahanglan gayod motuo nga adunay Dios ug gantihan niya ang nangita kaniya.

—Mga Hebreo 11:6 MBBCEB99

Ang atong kinabuhi diha sa Gingharian sa Dios magsugod sa dihang ibutang nato ang atong pagtuo kang Jesu-Cristo.

nakasala ang tanan ug nawad-an sa himaya sa Dios. Sila gihimong matarong sa iyang grasya ingon nga gasa pinaagi sa pagtubos diha kang Cristo Jesus

—Mga Taga-Roma 3:23-24 ABCEB

Kay ang bayad sa sala mao ang kamatayon apan ang gasa gikan sa Dios mao ang kinabuhing dayon diha kang Cristo Jesus nga atong Ginoo.

—Mga Taga-Roma 6:23 ABCEB

Pagtuo (Faith)

Ang giingon mao: “Duol kaninyo ang mensabe sa Dios, anaa sa inyong ngabil ug sa inyong kasingkasing”—sa ato pa, ang mensabe sa pagtuo nga among giwali. Maluwas ka kon ipahayag mo nga si Jesus mao ang Ginoo, ug sa kinasingkasing motuo ka nga gibanhaw siya sa Dios. Gibimo kitang matarong sa Dios kay nagtuo man kita sa kinasingkasing gayod ug naluwas kita kay gipahayag man nato kini.

—Mga Taga-Roma 10:8-10 MBBCEB99

isip bayad sa atong mga sala. Kung buhaton nato ni ug atong isugid ang atong kaluwasan sa uban, mahimo tang anak sa Dios.

Sa dihang atong gidawat si Ginoong Jesus sa atong kasing-kasing ug atong gisugid sa atong mga baba, natawo ta pag-usab.

Nahimong parte o kabahin na nato ang iyang kinabuhi samtang nagkinabuhi ta sunod Kaniya.

Kining maong balaan nga impluwensya gitawag ug “grasya” diha sa Kasulatan.

“Kay tungod sa grasya kamo nangaluwas pinaagi sa pagtuo ug kini dili gikan kaninyo, kini gasa sa Dios— dili tungod sa mga binuhatan aron walay bisan kinsa nga magpasigarbo.”

—Mga Taga-Efeso 2:8–9 (ABCEB)

“Busa tungod kay gihimo man kitang matarong pinaagi sa pagtuo, kita may pagkigdait na uban sa Dios pinaagi sa atong Ginoong Jesu-Cristo. Pinaagi kaniya nakabaton kita ug kaagian pinaagi sa pagtuo paingon niining maong grasya nga atong gibarogan ug kita nagmalipayon sa atong paglaom sa pag-ambit sa himaya sa Dios.”

—Mga Taga-Roma 5:1–2 (ABCEB)

Pagtuo (Faith)

Ang atong pagtuo maoy maga-release sa presensya ug mga katuyoan sa Dios (Rhema) diri nato sa matag-higayon samtang nagalakaw ta kauban Niya.

Atong mabasa sa Hebreo 11:1 nga ang buot ipasabot sa pagtuo mao ang may kasigurohan kita sa mga butang nga atong gilaoman ug sa walay pagduha-duha, sigurado ta sa mga butang nga wala nato makita.

Gi-ingnan ta sa 2 Corinto 5:7 nga isip mga Kristohanon, mulakaw ug magkinabuhi ta pinaagi sa pagtuo ug dili pinaagi sa atong makita. Magkinabuhi ta nga nahibaw-an nato nga ang mga butang nga wala nato makita mas tinuod ug mas gamhanan ug mas bililhon pa kaysa mga butang nga atong makita sa atong natural nga mga mata.

Atong mabasa sa Habacuc 2:4, Roma 1:17, Galacia 3:11, ug Hebreo 10:38 nga “ang matarong mabuhi pinaagi sa pagtuo.” Importante kaayo ni kay kaupat gyud gibalik-balik sa Biblia.

“Makita nato nga ang tanan natong pagabuhaton uban sa Dios gikan sa pag-sugod hangtod pagtapos kinahanglang buhaton pinaagi sa pagtuo.”

“Ug ang tanan nga dili gikan sa pagtuo sala.”

—Mga Taga-Roma 14:23 (ABCEB)

Atong mabasa sa pinaka-unang libro sa Biblia ang kabahin sa pagbuhat sa tawo ug atong mabasa ang estorya kabahin sa Dios ug sa tawo samtang naga-irog ang mga kapanahonan.

Diha sa ika-12 nga Kapitulo atong makita nga gi-bahig sa Dios ang katawhan sa duha ka grupo sa dihang gitawag niya ang usa ka tawo — si Abraham, aron sa pagsunod ug paglakaw uban Niya pinaagi sa pagtuo.

“Ang Ginoo miingon kang Abram, “Biyai ang imong nasod ug ang imong mga paryenti ug ang balay sa imong amahan ug lakaw ngadto sa usa ka nasod nga ipakita ko kanimo. Hatagan ko ikaw ug daghang kaliwat ug

*Pagtu*o (Faith)

mahimo silang dakong nasod. Panalanginan ko ikaw ug himoon kong bantogan ang imong ngalan aron mahimo kang panalangin alang sa uban.”

—Genesis 12:1-2 (MBBCEB99)

“Ug karon, unsa may atong ikasulti mahitungod kang Abraham, ang atong ginikanan sumala sa unod? Kay kon si Abraham nahimo pang matarong tungod sa iyang mga binubatan, aduna unta siyay ikapasigarbo, apan dili sa atubangan sa Dios. Kay unsa may giingon sa kasulatan? “Si Abraham mituo sa Dios, ug kadto giisip alang kaniya ingon nga pagkamatarong.”

—Mga Taga-Roma 4:1-3 (ABCEB)

*Ang saad ngadto kang Abraham ug sa iyang mga kaliwat, nga sila manununod sa kalibotan, wala moabot pinaagi sa Balaod kondili pinaagi sa pagkamatarong sa pagtu*o.

—Mga Taga-Roma 4:13

*“Busa kini gipasikad sa pagtu*o aron nga sumala sa grasya malig-on ang saad ngadto sa tanang kaliwat, dili lamang ngadto sa mga nagpailalom sa Balaod kondili ngadto usab sa mga nakig-ambit sa pagtuo ni Abraham kay siya mao man ang amahan natong tanan, sumala sa nasulat, “Gihimo ko ikaw nga amahan sa daghang mga nasod,”—sa atubangan sa Dios nga gituohan ni Abraham, ang Dios nga naghatag ug kinabuhi sa mga patay ug nagpatungha sa mga butang nga kaniadto wala pa. Kay siya milaom bisan ug wala nay paglaom, mituo nga siya mahimong amahan sa daghang mga nasod, sumala sa gisulti kaniya, “Sama niana kadaghan ang imong kaliwatan.” Wala siya maluya sa iyang pagtuo bisan sa iyang pagpamalandong mahitungod sa iyang lawas, nga daw patay na kay siya mga usa ka gatos na ka tuig o sa iyang pagpamalandong mahitungod sa pagkadili na manganak ni Sara. Apan siya wala magduhaduha sa saad sa Dios, kondili nalig-on pinaagi sa pagtuo, samtang naghimaya siya sa Dios, masaligon sa hingpit nga ang Dios

Pagtuo (Faith)

makatuman gayod sa iyang saad. Maoy hinungdan nga kini “giisip alang kaniya nga pagkamatarong.” Apan ang mga pulong, “giisip kaniya,” wala sulata alang kaniya lamang, kondili alang kanato usab. Kini isipon nganhi kanato nga nagtuo kaniya nga nagbanhaw kang Jesus nga atong Ginoo gikan sa mga patay, nga gitugyan ngadto sa kamatayon tungod sa atong kalapasan ug gibanhaw alang sa paghimo kanato nga matarong.”

—Mga Taga-Roma 4:16-25 (ABCEB)

“Ug kon kamo mga iya ni Cristo, kaliwat kamo ni Abraham, mga manununod sumala sa saad.”

—Mga Taga-Galacia 3:29

Kinahanglan natong masabtan nga gihigugma ta sa Dios ug naa Siya’y pagpakig-saad sa pagpanalangin nato karon niining kinabuhia ug hangtod sa kahangtoran.

“Sa pagsaad sa Dios kang Abraham, nanumpa siya sa pagtuman sa iyang gisaad. Kay wala nay labaw pa kaniya, gigamit niya ang iyang kaugalingong ngalan sa iyang pagpanumpa. Miingon siya, “Isaad ko kanimo nga panalanginan ko ikaw ug hatagan ug daghang kaliwat.” Nagpailob si Abraham ug nakadawat siya sa gisaad sa Dios. Kon ang tawo manumpa, gamiton niya ang ngalan sa labaw kaniya ug ang panumpa maoy magtapos sa tanang panaglalis. Buot tin-awon pag-ayo sa Dios alang kanila nga modawat sa iyang gisaad nga dili gayod niya usbon ang iyang tuyo. Tungod niini, gipanumpa niya ang iyang saad. Mao kini ang duha ka butang nga dili mausab ug ang Dios dili mamakak. Busa kita nga nakabaton ug kasigurohan uban kaniya nadasig pag-ayo sa pagpabilin nga malig-on diha sa paglaom nga gitanyag kanato. Gihuptan nato kining paglaoma ingon nga angkla sa atong mga kinabuhi. Siguro kini ug kasaligan. Milahos kini sa tabil sa langitnong templo sa kinasulorang alampoonan.”

—Mga Hebreo 6:13–19 (RCPV)

Pagtuong (Faith)

Klaro kaayo nga giingon dinhi nga naa tay kasabutan (covenant) tali sa Dios, ug nga Siya magapanalangin gyud nato.

Huptan nato ning maong saad gikan sa atong Dios sa atong pag-padayon ining kinabuhia.

Kon wala magdumili ang Dios sa pagtugyan sa iyang Anak ngadto sa kamatayon alang kanatong tanan, dili ba hatagan usab kita niya sa tanang butang nga atong pangayoon kaniya?

—Mga Taga-Roma 8:32 (MBBCEB99)

Mapuno man sa kalisdanan o katawhay ang atong kinabuhi karon, nasayod ta nga ang gugma sa Dios walay kondisyon. Ang Iyang gugma diri nato walay pag-usab ug walay katapusan, ug nisaad siya pinaagi sa Iyang kaugalingong ngalan nga panalanginan ta Niya.

Kay gihimo na man kitang matarong sa Dios pinaagi sa pagtuong, may panagdait na kita uban sa Dios pinaagi sa atong Ginoong Jesu-Cristo. Pinaagi kaniya makahimo na kita sa pagpahimulos sa grasya sa Dios diin nagkinabuhi kita karon ug nagmalipayon diha sa paglaom nga makaambit gayod kita sa himaya sa Dios.

—Mga Taga-Roma 5:1-2 (MBBCEB99)

“Kay ang tanang mga saad sa Dios “Oo” diha kaniya. Mao kanay hinungdan ngano nga kita naglitok sa “Amen” pinaagi kaniya alang sa himaya sa Dios.”

—2 Mga Taga-Corinto 1:20 (ABCEB)

Giingnan sa Diyos si Sara, ang asawa ni Abraham, sa ing-ani nga paagi:
“Aduna Bay mga butang nga lisod alang sa Dios?”

—Genesis 18:14 (ABCEB)

Pagtuo (Faith)

Ngadto sa propeta Jeremias miingon ang Ginoo: *‘Ako ang Ginoo, ang Dios sa tanang katawhan. Walay butang nga lisod alang kanako.’*

—Jeremias 32:27 (MBBCEB99)

“Sangpita ako ug tubagon ko gayod ikaw; ipadayag ko kanimo ang kabibulongan ug katingalahang mga butang nga wala mo masayri.”

—Jeremias 33:3 (MBBCEB99)

Ang anghel nga nagpakita kang Birheng Maria miingon: *“kay alang sa Dios walay dili mahimo.”*

—Lucas 1:37 (MBBCEB99)

Si Jesus mismo miingon sa mga namati kaniya: *“Ang tanang butang mahimo alang kaniya nga nagtuo.”*

—Marcos 9:23 (ABCEB)

“Ug ang tanang butang nga inyong pangayoon pinaagi sa pag-ampo madawat ninyo kon aduna kamoy pagtuo.”

—Mateo 21:22 (ABCEB)

“Ug si Jesus miingon kanila, ‘Pagbaton ug pagtuo ngadto sa Dios. Sa pagkatinuod sultihan ko kamo, nga si bisan kinsa nga moingon niining bukira, ‘Maalsa ka ug matambog ngadto sa dagat,’ ug dili magduhaduha sa sulod sa iyang kasingkasing, kondili motuo binuon nga matuman gayod ang iyang gisulti, kini mahitabo gayod alang kaniya. Busa sultihan ko kamo nga bisan unsay inyong pangayoon pinaagi sa pag-ampo, tuohi nga nadawat na ninyo kini ug kamo makadawat niini.’”

—Marcos 11:22–24 (ABCEB)

Pagtuo (Faith)

“Sa pagkatinuod gayod, sultihan ko kamo nga ang nagtuo kanako magbuhat usab sa mga buhat nga akong gibuhat, ug labaw pa ka dagko kay niini ang iyang buhaton kay ako moadto man sa Amahan. 13Ug bisan unsay inyong pangayoon pinaagi sa akong ngalan, buhaton nako kini aron ang Amahan mapasidunggan diha sa Anak. 14Kon mangayo kamo ug bisan unsa pinaagi sa akong ngalan, kini akong buhaton.”

—Juan 14:12–14 (ABCEB)

Tinuod gyud ni!

“Sa pagkakita ni Pedro sa mga tawo, miingon siya kanila, “Mga taga-Israel, nganonong nahibulong man kamo niini ug inyo man kaming gitutokan? Naghunahuna ba kamo nga gipalakaw namo kining tawhana pinaagi sa among kaugalingong gabom o sa among pagkadiosnon? Ug ang gabom sa ngalan ni Jesus nga among gituohan maoy nakaayo niining tawhana nga inyong nakita ug nailhan. Ang pagtuo kang Jesus maoy nakaayo kaniya sumala sa inyong nakita.”

—Mga Buhat 3:12,16 (RCPV)

Hinaot unta nga hinay-hinay na nimong nasabtan nga ang pagtuo diha ni Jesu-Cristo opens a whole new world sa atong pag-pakigrelasyon diha Niya. Gi-agda mo nako nga mag-maisog sa inyong pagtuo, ug tuohi nga ang tanang mga butang posible samtang magalakat ka kauban ang Dios.

BAG-ONG PAGKATAWO

Galibog ba ka aning pulong nga *born again*? Tabangan tikag pasabot ani kay wa pud ko kasabot ani atong bag-o pa kong nakabig. Simple ra kaayo ning pulonga pero mao ni nakapalibog sa mga bright nga tawo, giyaga-yagaan pud ni sa mga dili magto-too sukad pa sauna. Akong ipasalig Ninyo, dili ni binuang, dili pud ni makalibog kong masabtan na nimo ni.

Atong lantawon ang pinaka-unang higayon nga naay tawong gisuginlan si Ginoong Jesus nga kinahanglan siyang matawo pag-usab (o ma born-again). Sa kapitulo tres sa Libro ni Juan, mabasa nato ang kabahin ni Nicodemo, usa siya ka pangulo sa mga Judio. Si Nicodemo usa ka Pariseo, ug dihay gabie ana nga nakigkita siya ni Ginoong Jesus. Dugay na diay siyang naniid sa kinabuhi ug sa ministry sa atong Ginoo. (Ablihi imong Biblia ug basaha ang Juan Kapitulo 3)

Giingnan dayon ni Nicodemo ang Ginoo nga sigurado gyud siya nga si Ginoong Jesus pinadala sa Dios ug walay tawo nga makahimo sa mga Milagro nga Iyang gipamuhat gawas kung ang Dios nag-uban Niya.

Imbes nga tubayan sa Ginoo si Nicodemo sa iyang gisulti, lain man noon ang gitubag ni Ginoong Jesus ug naghigot siya kabahin sa pagkatawo pag-usab...

“Si Jesus mitubag kaniya, “Sa pagkatinuod gayod, sultihan ko ikaw, gawas kon ang tawo ipakatawo pag-usab, dili siya makakita sa gingharian sa Dios”

—Juan 3:3 (ABCEB)

Ang reaksyon ni Nicodemo anang panahona, mao pud atong reaksyon atong primero natong nadunggan ning pulonga. Kay wa man siya ksabot sa giingon sa Ginoo, nangutana si Nicodemo ug unsaon man pagkatawo’g usab sa tawo nga hamtong na.

Bag-ong Pagkatawo (New Birth)

Mao lang gihapon ang nahitabo, imbes nga tubagon ug deritso sa Ginoo iyang pangutana, nipadayon noon ug sulti si Ginoong Jesus...

Si Jesus mitubag, “Sa pagkatinuod gayod, sultihan ko ikaw, gawas kon ang tawo ipakatawo pinaagi sa tubig ug sa Espiritu, dili siya makasulod sa gingharian sa Dios. Ang gipakatawo sa unod, unod; ug ang gipakatawo sa Espiritu, espiritu.”

—Juan 3:5–6 (ABCEB)

Kung ato ning tun-an, atong masabtan nga ang pasabot ni Ginoong Jesus nga dili lang kay ipanganak ta pinaagi sa atong mga tawhanon nga mga ginikanan, pero gawas ana, kinahanglan pud diay tang matawo sa Espiritu ngadto sa Dios. Mao nang niingon si Ginoong Jesus nga “born again”.

“Apan ngadto sa tanang midawat kaniya, sa mga mituo sa iyang ngalan, naghatag siya kanila ug katungod sa pagkahimong mga anak sa Dios, kanila nga nangatawo dili gikan sa dugo o gikan sa pagbuot sa unod o gikan sa pagbuot sa tawo, kondili gikan sa Dios.”

—Juan 1:12-13 (ABCEB)

Para masabtan pa gyud natog mayo, kinahanglan natong balikan ang pinaka-unang libro sa Biblia, ang Genesis, ug atong basahon ang kabahin sa pag-buhat sa Dios sa pinaka-unang Tawo.

“Unya ang Dios miingon, “Buhaton nato ang tawo sumala sa atong dagway, ingon nga sama kanato... Busa gibuhat sa Dios ang tawo sumala sa iyang kaugalingong dagway, sumala sa dagway sa Dios gibuhat niya sila, lalaki ug babaye iyang gibuhat sila... Ug giunmol sa Ginoong Dios ang tawo nahimo nga gikan sa abog sa yuta ug gibuyop niya ngadto sa ilong niini ang gininhawa sa kinabuhi, ug ang tawo nahimo nga buhing binuhat.”

—Genesis 1:26-27, 2:7 (ABCEB)

Bag-ong Pagkatawo (New Birth)

Atong mabasa diri nga gibuhat sa Dios ang tawo, lalaki ug babaye, unya naghimo Siya ug tanaman didto sa silangan. Gitawag ug Garden sa Eden, diri Niya gibutang sila si Adan ug Eba.

Gibutang pud didto sa Dios ang tanang klase sa mga kahoy, duha aning mga kahoya ginganlan ug “Kahoy sa Kinabuhi” ug ang “Kahoy sa Pag-ila sa Maayo ug Daotan.” Dayon, giingnan sa Ginoo si Adan ug Eba nga pwedi silang maka-kaon sa tanang bunga sa mga kahoy sa Tanaman gawas sa “Kahoy sa Pag-ila sa Maayo ug Daotan.”

Mahitungod niining kahoy, ang Diyos miingon, “apan sa kahoy sa kahibalo sa maayo ug sa daotan, ayaw pagkaon niini kay sa adlaw nga mokaon ikaw niini, mamatay ka gayod.”

—Genesis 2:17 (ABCEB)

Makita nato nga sa sinugdan gibuhat sa Dios ang tawo nga may gahom sa pag-pili. Sa ato pa, si Adan gibuhat nga naay kagawasan sa pag-pili sa iyang kaugalingong kapalaran. Naa siya’y kagawasan sa pag-pili unta sa Kahoy sa Kinabuhi ug maoy mag-mando didto sa Tanaman. Naa pud siya’y kagawasan sa pag-supak ug pag-salikway sa plano sa Dios alang niya. Sumala sa Kasulatan, gigamit sa tawo ang iyang kaugalingong pagbout sa pag-kaon sa “Kahoy sa Pag-ila sa Maayo ug Daotan.” Ang resulta, imbes nga ang iyang kahintang sauna putli ug masinugtanon sa Dios, napulihan sa pagka-masinopakon ug pagkasad-an.

“Tungod niini ang Ginoong Dios mihingilin kaniya gikan sa tanaman sa Eden aron sa pag-uma sa yuta diin siya gikuha. Busa gipapahawa niya ang tawo, ug didto sa silangang dapit sa tanaman sa Eden gibutang niya ang mga kerubin ug ang nagsiga nga espada nga nagtuyok aron pagbantay sa dalan ngadto sa kahoy sa kinabuhi. Ug si Adan nakighilawas kang Eva nga iyang asawa ug kini nanamkon, unya nanganak kang Cain ug miingon, “Nanganak ako ug usa ka lalaki tungod sa tabang sa Ginoo.”

—Genesis 3:23–4:1 (ABCEB)

Gipalayas sila sa Dios gikan sa Garden sa Eden.

Nanganak ug daghan silang Adan ug Eba, ug nabuhi sulod sa daghan pang katuigan.

Pero Taym-Sa!

Abi nako'g nabasahan nato nga nag-ingon ang Dios nga anang adlaw gyud, kung mokaon sila sa bunga atong Kahoy mamatay dayon sila?

Tinuod, nabasa nato na. Ug tinuod pud, namatay gyud sila.

Kung basahon nato ang Genesis 4, nagpabiling buhi sila si Adan ug Eba sa pisikal. Naa silay mga anak, ug nahimo silang ginikanan sa tanang mga katawhan. Kung mao na, dili diay pisikal ang ilang kamatayon. Naa ra gihapon ilang pang-huna-huna, makahimo sila sa pag-desisyon, ug naa pud silay emosyon. Kung mao na, ang ilang kamatayon wala sa kalag. Sa unsa man diay silang paagiha namatay?

Gitawag Ni Ug Espiritwal Nga Kamatayon

Ang espiritwal nga kamatayon tungod sa sala maoy nakapahimulag kang Adan ug Eba gikan sa Dios, ug dili pa na mao, apil pud ang tanan nilang mga kaliwatan nga mao ang tanang mga katawhan sa kalibotan.

“Busa ingon nga ang sala misulod sa kalibotan pinaagi sa usa ka tawo ug ang kamatayon pinaagi sa sala, nga tungod niini ang kamatayon mikuyanap ngadto sa tanang tawo kay ang tanan nakasala man. Apan ang gasa nga walay bayad dili sama sa kalapasan. Kay kon daghan ang nangamatay tungod sa sala sa usa ka tawo, labaw pa nga midagaya ngadto sa daghan ang grasya sa Dios ug ang gasa diha sa maong grasya niadtong usa ka tawo nga si Jesu-Cristo. Ug ang gasa nga walay bayad dili sama sa sangpotan sa sala niadtong usa ka tawo. Kay ang hukom niadtong usa ka paglapas nagdala ug silot, apan ang walay bayad nga gasa alang sa daghang kasal-anan nagdala ug pagmatarong. Kon tungod sa paglapas sa usa ka tawo naghari ang kamatayon tungod sa maong tawo, labaw pang maghari diha sa kinabuhi

Bag-ong Pagkatawo (New Birth)

kadtong makadawat sa madagayaong grasya ug sa gasa sa katarong pinaagi kang Jesu-Cristo. Busa ingon nga ang sala sa usa ka tawo misangpot sa pagkahinukman sa tanang mga tawo, mao usab ang matarong nga buhat sa usa ka tawo misangpot sa paghimong matarong sa kinabuhi alang sa tanan. 19Kay ingon nga pinaagi sa pagkamasinupakon sa usa ka tawo daghan ang nahimong makasasala, mao usab nga pinaagi sa pagkamasinugtanon sa usa ka tawo daghan ang gihimong matarong.”

—Mga Taga-Roma 5:12, 15-19 (ABCEB)

“Tungod kanato si Cristo nga wala makasinati ug sala gihimo niya nga sala, aron diha kang Cristo mahimo kitang pagkamatarong sa Dios.”

—2 Corinto 5:21 (ABCEB)

Nakita nimo? Apil ta'ng tanan sa sala ni Adan, ug kinahanglan ta nga tubson gikan ining kahimtanga.

Mao ni rason nga si Ginoong Jesus mi-anhi ug nagpakamatay sa Krus aron iya tang matubos.

Mao ni rason nga niingon si Ginoong Jesus nga, “Kinahanglan kang matawo pag-usab.”

Ang patay nga espiritu sa tawo nga naa sa atong sulod kinahanglan nga matawo pag-usab aron magkinabuhi sumala sa Dios ug mabalik ang relasyon diha Niya.

Kung di ta matawo pag-usab, bisan ug buhi ta sa pisikal, pero sa espiritwal nagpabilin tang bulag sa Dios. Kitang tanan mabuhi hangtod-sa-hangtod, pero kato rang natawo pag-usab pinaagi ni Cristo-Jesus ang makasulod sa langit kauban Siya.

“Maghatag sa mga pasalamat ngadto sa Amahan nga mao ang naghimo kanato nga takos sa pag-ambit sa panulundon sa mga balaan diha sa kahayag. Siya mao ang nagluwas kanato gikan sa gahom sa kangitngit ug

Bag-ong Pagkatawo (New Birth)

nagbalhin kanato ngadto sa gingharian sa iyang pinalanggang Anak, nga diha kaniya kita nakabaton sa pagkatinubos, sa kapasayloan sa mga sala.

—Colossians 1:12–14 (ABCEB)

“Kay wala kamo makadawat sa espiritu sa pagkaulipon aron mahadlok na usab kamo, hinuon maoy nadawat ninyo ang espiritu sa pagkaanak. Ug pinaagi kaniya magtuaw kita, “Abba! Amahan!” Ang Espiritu gayod, uban sa atong espiritu, nagpamatuod nga kita mga anak sa Dios. Ug kon kita mga anak, mga manununod kita, mga manununod sa Dios ug isigkamanununod uban kang Cristo, kay kon mag-antos man kita uban kaniya, kini aron himayaon kita uban kaniya.”

—Romans 8:15–17 (ABCEB)

Sa dihang naluwas ta, nahimo tang gawasnon gikan sa silot sa kamatayon gumikan sala nga gidala ni Adan, ug ang atong espiritu natawo pag-usab.

Pinaagi sa Espiritu Santo, nailhan nato ang Dios.

Karon, ang Balaang Espiritu sa Dios nagpuyo na sa sulod nato, ug nahimo tang templo sa Espiritu Santo.

Wala pay tawo nga nakakita sa Dios. Apan kon maghigugmaay kita, magpuyo kanato ang Dios ug mahingpit dinhi kanato ang iyang gugma. Pinaagi niini, masiguro nato nga anaa kita sa Dios ug ania kanato ang Dios kay gihatag na man niya kanato ang iyang Espiritu. Nakita nato ug gisugilon ngadto sa uban nga gipadala sa Amahan ang iyang Anak aron pagluwas sa kalibotan. Ang magpahayag nga si Jesus mao ang Anak sa Dios, siya anaa sa Dios ug anaa kaniya ang Dios.

—1 Juan 4:12-15 (MBBCEB99)

Bag-ong Pagkatawo (New Birth)

“Ang nakabaton sa Anak may kinabuhi, apan ang wala makabaton sa Anak sa Dios walay kinabuhi.”

—1 Juan 5:12 (ABCEB)

BAUTISMO SA TUBIG

Ang pag-pabautismo sa tubig usa ka dayag nga pag-pamatuod sa kausaban nga nahitabo sa atong sulod dihang nituo ta ni Ginoong Hesus ug atong gihalad atong kaugalingong kinabuhi isip Iyang mga tinuon-an. Mao ni ang pamaagi nga atong ipahibalo sa tanan ang atong pagtuo diha ni Ginoong Hesus isip atong Manluluwas.

Sa atong pag-pabautismo, atong gituman ang sugo sa Dios. Si Ginoong Hesus mismo nihatag natog maayong panag-ingnan sa pagka-masinugtanon sa pagpabautismo sa tubig.

“Unya miabot si Jesus gikan sa Galilea ug miadto kang Juan didto sa Jordan aron sa pagpabautismo kaniya. Si Juan misanta unta kaniya nga nag-ingon, “Ako ang kinahanglan nimong bautismohan apan ikaw na hinuon ang mianhi kanako?” Apan si Jesus mitubag kaniya, “Itugot kini karon kay angay kanato ang pagtuman sa tibuok nga pagkamatarong.” Ug siya mitugot kaniya. Ug sa gibautismohan na si Jesus, siya mihaw-as dayon gikan sa tubig, ug unya naabli ang kalangitan ug iyang nakita ang Espiritu sa Dios nga mikunsad daw salampati, ug mitugdon kaniya. Ug dihay usa ka tingog gikan sa langit nga nag-ingon, “Kini mao ang akong Anak nga pinalangga, kaniya nalipay ako pag-ayo.”

—Mateo 3:13-17 (ABCEB)

Para masabtan gyud nato ang bautismo sa tubig, kinahanglang masabtan nato nga sa dihang natawo ta pag-usab, ang Espiritu sa Dios maoy nagpakatawo nato diha sa lawas ni Cristo, nga mao ang Iglesia. Kini nga espirituhanon nga bautismo nahitabo sa kada-usa nga nahimong tinuod nga Kristohanon. Ang Dios mismo ang naghimo ani ug usa ni ka espirituhanon nga transaksyon.

Bautismo sa Tubig (Water Baptism)

“Kay sama nga ang lawas usa ra ug adunay daghang mga bahin, ug ang tanang mga bahin sa lawas bisan daghan usa ra ka lawas, ingon usab niana diha kang Cristo. 13Kay pinaagi sa usa ka Espiritu kitang tanan, mga Judio o mga Grego, mga ulipon o mga gawasnon, gibautismohan ngadto sa usa ka lawas ug kitang tanan gipainom sa usa ka Espiritu.”

—1 Corinto 12:12-13 (ABCEB)

“Wala ba kamo masayod nga kitang tanan nga nabautismohan ngadto kang Cristo Jesus gibautismohan man ngadto sa iyang kamatayon? Busa pinaagi sa bautismo gilubong kita uban kaniya ngadto sa kamatayon, aron ingon nga si Cristo gibanhaw gikan sa mga patay pinaagi sa himaya sa Amahan, kita usab maglakaw diha sa kabag-o sa kinabuhi.

Kay kon nahiusa kita kaniya diha sa dagway sa iyang kamatayon, mahiusa usab kita kaniya diha sa pagkabanhaw. Kita nasayod nga ang atong karaang pagkatawo gilansang sa krus uban kang Cristo aron malaglag ang lawas sa sala ug dili na kita maulipon sa sala. Kay ang tawong patay na gipahigawas na gikan sa sala. Ug kon namatay kita uban kang Cristo, nagtuo kita nga mabuhi gayod usab kita uban kaniya. Kay nahibalo kita nga si Cristo nga nabanhaw gikan sa mga patay dili na gayod mamatay, ang kamatayon dili maggahom batok kaniya. Sa iyang pagkamatay, siya namatay ngadto sa sala sa makausa lamang, apan ang kinabuhi nga iyang gikinabuhi, iyang gikinabuhi ngadto sa Dios.

Busa kamo usab kinahanglan nga mag-isip sa inyong kaugalingon nga patay na ngadto sa sala apan kamo buhi ngadto sa Dios diha kang Cristo Jesus. Busa, ayaw ninyo paharia ang sala diha sa inyong may kamatayon nga lawas, aron patumanon sa mga pangibog niini. Ayaw itugyan ang mga bahin sa inyong lawas ngadto sa sala ingon nga galamiton sa pagkadili matarong, hinuon itugyan ang inyong kaugalingon ngadto sa Dios ingon nga mga tawo

Bautismo sa Tubig (Water Baptism)

nga nabuhi gikan sa kamatayon ug ang mga bahin sa inyong lawas ngadto sa Dios ingon nga mga galamiton sa pagkamatarong.”

—Mga Taga-Roma 6:3-13 (ABCEB)

Ang pag-pabautismo sa tubig usa ka pisikal nga buluhaton nga kinahanglan natong himoon, aron atong mapahibalo sa uban nga naay nahitabo nga kausaban sa sulod sa atong kinabuhi. Ato ning kaugalingong desisyon. Kinahanglan gyud nga himoon nato ni, parehas sa gihimo ni Ginoong Jesus.

“Diri nato gipa-hibalo sa kalibutan nga patay na ta sa sala ug nabuhi ta diha ni Cristo”

Ato ning himoon isip pag-subod sa sugo sa Dios.

Kini’ng dayag nga pag-pakita sa kausaban nga nahitabo sa atong sulod maoy usa sa mga una nga lakang nga imong paga-himoon sa pag-sugod sa bag-o na nimong kinabuhi isip usa ka tinun-an ni Cristo. Kung atong basahon ang Biblia kabahin sa mga Kristohanon sauna, katong nidawat ni Ginoong Jesus, nagpa-bautismo sila diha-diha dayon.

“Busa gikan niadtong bahina sa kasulatan, gisaysay kaniya ni Felipe ang Maayong Balita mahitungod kang Jesus. Samtang nagpadayon sila sa pagbiyabe miabot sila sa dapit nga adunay tubig. Miingon ang opisyal kang Felipe, “O, adunay tubig dinhi. Aduna pa bay hinungdan nga dili ako mabautismohan?” Mitubag si Felipe kaniya, “Mahimo ka nang bautismohan kon kinasing-kasing gayod ang imong pagtuo.” Miingon ang opisyal, “Oo, nagtuo ako nga si Jesu-Cristo mao ang anak sa Dios.” Gipahunong sa opisyal ang karwahi ug milugsong silang duha sa tubig ug gibautismohan siya ni Felipe.”

—Mga Buhat 8:35-38 (APSD)

Bautismo sa Tubig (Water Baptism)

“Samtang si Pedro nagsulti pa niini, ang Espiritu Santo mikunsad diha sa tanan nga nakadungog sa pulong. Ug ang mga magtutuo nga tinuli nga miuban kang Pedro nahibulong nga ang gasa sa Espiritu Santo gibubo usab diha sa mga Gentil. Kay sila nakabati man kanila nga nagsulti ug lain nga mga pinulongan ug nagdayeg sa Dios. Unya si Pedro miingon, “Aduna bay makapugong sa tubig alang sa pagbautismo kanila nga nakadawat sa Espiritu Santo sama kanato?”⁴⁸Ug misugo siya nga bautismohan sila diha sa ngalan ni Jesu-Cristo.”

—Mga Bubat 10:44-47 (ABCEB)

Diha-diha dayon sa dihang nituo sila ug nidawat sa mensahe sa maayong balita, gi-mandoan dayon sila ni Pedro nga magpa-bautismo silang tanan sa Pangalan ni Cristo-Jesus.

“Miingon siya kanila, “Panglakaw kamo sa tibuok kalibotan ug isangyaw kining Maayong Balita ngadto sa tanang mga tawo. Ang motuo ug magpabunyag maluwas, apan ang dili motuo, silotan.”

—Marcos 16:15-16 (MBBCEB99)

Nag-ampo ko nga ikaw pud, dili mag langay-langay sa pagpa-bautismo sa tubig, karon nga nahimo na kang Kristohanon. Pinaagi ani makapadayon na ka sa pagsunod sa Dios nga limpyo ang imong konsensya. Kung ni-tuo ka sa tibuok nimong kasingkasing ug tinuoray ka nga naghinulsol sa imong mga sala, nan, wala’y rason nga maglangay-langay pa ka. Tumana ang Biblia ug pag-pabautismo sa tubig sa Pangalan ni Cristo-Jesus.

ANG BALAANG ESPIRITU

Atong nakat-unan sa unang Chapter, ang Dios Amahan, ug si Ginoong Jesus, bisan lain sila ug function, pero usa ra Sila. Karon atong ila-ilahon ang ika-tulo nga persona sa *Holy Trinity*: Ang Balaang Espiritu. Ang Biblia klaro kaayo nga nagpadayag nga ang Dios Amahan, Anak, ug Espiritu Santo usa ra. Parehas nga si Ginoong Jesus ni-angkon nga Siya ug ang Amahan, usa ra, giangkon pud niya nga siya ug ang Espiritu Santo, usa ra pud.

Kung atong tukion ang Biblia, atong mahibal-an nga ang Espiritu Santo naay hunahuna, pagbulut-an (will), ug pagbati (emotion). Atong nahibal-an sa Biblia nga Siya pweding ma-suko, ma-pakgang, maguol, ug naa pu'y higayon nga Siya gi-butbutan. Atong lantawon ang ang mga bersikolo kabahin ani, dayon atong tukion.

“Ug ayaw ninyo pasub-a ang Espiritu Santo sa Dios, nga pinaagi kaniya gipatikan kamo alang sa adlaw sa pagtubos.”

—Mga Taga-Efeso 4:30 (ABCEB)

“Ayaw ninyo santaa ang Espiritu Santo.”

—1 Mga Taga-Tesalonica 5:19 (MBBCEB)

“Ang tawo nga makalapas sa Balaod ni Moises patyon sa walay kukaluoy pinasikad sa pagpamatuod sa duha o tulo ka saksi. Sa inyong paghunahuna, unsa pa kaha ka bug-at sa silot nga mahiagoman sa tawo nga miyatak sa Anak sa Dios, ug nagpakawalay bili sa dugo sa kasabotan nga pinaagi niini siya gibalaan, ug nanamastamas sa Espiritu sa grasya? Kay kita nakaila kaniya nga nag-ingon, “Akoa ang pagpanimalos, ako ang mobayad.” Ug

usab, “Ang Ginoo magbukom sa iyang katawhan.” Makalilisang gayod ang pagkahulog ngadto sa mga kamot sa buhi nga Dios.”

—Mga Hebreohanon 10:28–31 (ABCEB)

Ang Balaang Espiritu mao ang Dios nga nakig-uban nato sa kalibutan karon.

Atong lantawon ang pipila ka mga bersikolo nga nagpamatuod nga ang Balaang Espiritu nahiusa sa Amahan ug Anak isip ika-tulo nga persona sa *Holy Trinity*.

“Si Jesus mitubag, ‘Ang nahigugma kanako magtuman sa akong gisugo. Higugmaon siya sa akong Amahan ug ang akong Amahan ug ako moanha ug magpuyo diha kaniya.’”

—Juan 14:23 (MBBCEB99)

“Unsa may gikauyonan sa templo sa Dios ug sa mga diosdios? Kay kita mao ang templo sa Dios nga buhi, sumala sa giingon sa Dios, “Ako mopuyo sa sulod nila ug makig-uban kanila, ug ako mahimong ilang Dios, ug sila mahimong akong katawhan. Busa panggula kamo gikan kanila, ug bulag kamo gikan kanila, nag-ingon ang Ginoo, ug ayaw na kamo paghikap ug hugaw; unya dawaton ko kamo. Ug ako mahimong inyong amahan, ug kamo mahimong akong mga anak nga lalaki ug mga anak nga babaye, nag-ingon ang Ginoo nga Makagagahom sa Tanan.

—2 Corinto 6:16–18 (ABCEB)

“Wala ba kamo masayod nga ang inyong lawas templo sa Espiritu Santo nga anaa kaninyo, nga inyong nabatnanan gikan sa Dios?”

—1 Corinto 6:19 (ABCEB)

“Ang Amahan, Anak, ug Espiritu Santo usa ra. Lain-lain man usahay ang Ilang pag-padayag, pero dili gyud bulag ang Ilang pagka-Dios”

“Ug ako mangamuyo sa Amahan, ug kamo iyang hatagan ug laing Manlalaban nga mag-uban kaninyo hangtod sa kahangtoran”

—Juan 14:16 (ABCEB)

“Dili ko kamo biyaan nga daw mga ilo nga tuwapos. Ako moanha kaninyo.”

—Juan 14:18 (ABCEB)

“Apan si Pedro miingon, ‘Ananias, ngano bang gisudlan man ni Satanas ang imong kasingkasing aron ikaw mamakak sa Espiritu Santo ug ikaw manguha sa halin sa yuta?’”

—Mga Buhat 5:3 (ABCEB)

Sa sunod nga bersikolo, si Pedro niingon:

“Wala ikaw mamakak sa tawo kondili sa Dios.”

Si Ananias wala mamakak sa tawo, kundili sa Dios. Klaro kaayo dinhi nga ang Espiritu Santo diay mao ang Dios nga nakig-uban kanaro karon.

Ang Balaa’ng Espiritu nagpuyo sulog kanato sa dihang natawo ta pag-usab.

Kinahanglan nga masabtan nato ni sa insakto aron maka-ila ta sa Dios sa saktong paagi.

“Ang Balaa’ng Espiritu dili hanap nga impresyon sa atong hunahuna o konbiksyon sa atong kasingkasing. Siya mao ang Dios kauban nato!”

“Una ug labaw sa tanan, ang katuyo-an sa presensya sa Balaa’ng Espiritu sa atong kinabuhi mao ang pag-himo nato nga parehas gyud ni Cristo”

Ang pag-padayag sa mga gasa sa Balaang Espiritu pinaagi kanato, mao

Masinati ug makita nato ang tinuod nga gugma sa Dios nga may gahom, ug ang Iyang pagka-Dios uban nato sa dihang gamiton nato ang nagkalain-laing gasa sa Balaa'ng Espiritu.

Kung magpabilin ta sa atong pagpakig-relasyon sa Balaa'ng Espiritu, mahimo ta'ng gawasnon sa pag-padayag sa atong pagtuo ug mapakita nato kung Kinsa ug unsa si Ginoong Hesus diha sa gugma, diha sa pag-hingilin ug mga daotang espiritu, ug pag-ayo sa mga masakiton.

“Ang Espiritu Santo mao ang gahom sa Dios sulod nato ug pinaagi nato, diin atong mapadayag ang gugma ug ang kinatibuk-an nga pagka-Dios ug presensya ni Ginoong Hesus karon aning kalibotan”

Ang Balaa'ng Espiritu mao na karon ang persona sa Dios nga naga-padayon sa gugma sa Amahan ug Anak pinaagi sa pagpadayag sa iyang kinatibuk-ang gahom ug presensya (*Rhema*) karo'ng panahona.

Ang ubang mga tawo ilang gikomparar ang gugma ni Kristo ug ang mga Gasa sa Espiritu Santo kay dili kuno ni sila parehas, lain-lain ra kuno ni sila, pero, imposible kaayo na silang bulagon.

Mapadayag lang ang kinatibuk-an nga gugma ni Ginoong Hesus, sa atong kibahuhi matag-adlaw, pinaagi sa presensya ug gahom sa Balaa'ng Espiritu.

Unsaon nato pag-ingon nga nahigugma ta sama ni Kristo kung pasagdaan ra nato ang buta nga magpa-biling buta ug ang mga masakiton nagpabiling masakiton, ug ang mga na-yawaan nagpabili'ng gipaantos sa kaaway?

Naay mga sayop nga pagtulon-an nga nag-tudlo nato nga mag-hinigugmaanay ra ta, pero gipasagdaan ra nato ang uban nga nag-antos ug nangamatay, bisan ang tingoha sa Dios nga mahisama ta ni Cristo nga nagpa-higawas ug naga-ayo kanila.

“Kay ang gingharian sa Dios dili diha sa pulong kondili sa gahom.”

—1 Corinto 4:20 (ABCEB)

Ang Bala’ng Espiritu mamahimong si Kristo uban kanato pinaagi sa pag-padayag sa Iyang kaugalingon pinaagi nato, diha sa paghimo sa mga butang parehas sa gihimo ni Ginoong Hesus sa dihang naa pa siya diri sa kalibotan.

Kinahanglan ta’ng motuo ni Kristo (Logos) ug ipadayag nato kung Kinsa Siya (Reality) nga may gahom pinaagi sa atong pagtuo.

Ang Bala’ng Espiritu kanunay’ng naa (Rhema) sulod nato.

*“Samtang nagsimba sila sa Ginoo ug nagpuasa, ang Espiritu Santo miingon,
“Igahin kanako si Bernabe ug si Saulo alang sa buluhaton nga niini gitawag
nako sila”*

—Mga Buhat 13:2 (ABCEB)

*“Ug miagi sila sa kayutaan sa Frigia ug sa Galacia kay gipugngan man sila
sa Espiritu Santo sa pagsulti sa pulong didto sa Asia. Ug sa pag-abot nila sa
atbang sa Misia, moadto na unta sila sa Bitinia apan ang Espiritu ni Jesus
wala motugot kanila.”*

—Mga Buhat 16:6-7 (ABCEB)

Aron atong masinati ang kinatibuk-an sa atong pag-pakigrelasyon nga gitinguha sa Dios alang nato, kinahanglan nga mo-tuo ta sa walay pag-duha duha nga ang Balaang Espiritu mso ang Dios nga nakig-uban nato.

Siya ang buhi nga Dios nga gustong makig-uban ug makig-estorya nato sa suod ug personal nga pamaagi.

“Dapat mag-expect ta nga makigsulti Siya nato, ayuhon ta Niya, luwason ta Niya, ug ipakita Niya ang gahum sa Diyos pinaagi nato.”

Mahibaw-an nato ang Iyang tingog kay makigsulti Siya nato ug maghatag ug direksyon, personal nga pagbadlong, pag-tudlo, pag-comfort, pag-dasig, ug pag-panalagin.

Kini nga personal nga relasyon nato sa Dios maoy magdala nato sa balaan (gi-lain) nga pag-kinabuhi nga nag-lakip sa atong tibuok espiritu, kalag, ug lawas.

“Kay nakabaton man kita niining maong mga saad, mga hinigugma, hinloan nato ang atong kaugalingon sa tanang kabugaw sa unod ug sa espiritu, ug hingpitan nato ang pagkabalaan diha sa pagkahadlok sa Dios.”

—2 Corinto 7:1 (ABCEB)

Ang Dios nag-sugo nato sa pag-gamit sa atong lawas sa limpyo nga pamaagi ug gawasnon sa sala.

“Wala ba kamo masayod nga ang inyong lawas templo sa Espiritu Santo nga anaa kaninyo, nga inyong nabatongan gikan sa Dios? Kamo dili na inyo sa inyong kaugalingon, kay gipalit na kamo sa usa ka bili. Busa himayaa ninyo ang Dios pinaagi sa inyong lawas.”

—1 Corinto 6:19–20 (ABCEB)

Ang Balaang Espiritu niabot sa atong kinabuhi aron usbon ta gikan sa daan ug kalag-non nga kinabuhi padulong sa bag-ong pagkatawo nga mao na kita karon diha ni Jesu-Cristo. Matag higayon, naa tay desisyon nga paghihimo: mo-surrender ba ta sa Espiritu ug mahimong mas parehas ni Ginoong Jesus, o mo-supak ug magpabilin nga kalibutanon/lawasnon ug wala’y kausaban.

Makita nato diha sa Pulong sa Dios nga ang Balaang Espiritu usa ka Persona nga dili tawo, kundi Dios. Nagpuyo Siya taliwala sa mga katawhan sa Dios parehas nga si Ginoong Jesus nakig-uban sa iyang mga tinun-an kaniadto.

Dali, tun-an pa gyud nato ang daghang mga butang bahin Niya.

Sugdan nato sa Sinulat ni Juan diin gihisgutan ni Ginoong Jesus ang pag-abot sa Balaang Espiritu.

“Kon nahigugma kamo kanako, tumanon ninyo ang akong mga sugo. Ug ako mangamuyo sa Amahan, ug kamo iyang hatagan ug laing Manlalaban nga mag-uban kaninyo hangtod sa kahangtoran”

—Juan 14:15-16 (ABCEB)

“Dili ko kamo biyaan nga daw mga ilo nga tuwapos. Ako moanha kaninyo.”

—Juan 14:18 (ABCEB)

“Apan ang Manlalaban, ang Espiritu Santo, nga sa akong ngalan ipadala sa Amahan, siya magtudlo kaninyo sa tanang butang ug magpahinumdom kaninyo sa tanan nga akong gisulti kaninyo.”

—Juan 14:26 (ABCEB)

“Apan sultihan ko kamo sa tinuod, makaayo alang kaninyo nga mobiya ako kay kon dili ako mobiya, ang Manlalaban dili moanha kaninyo. Apan kon mobiya ako, siya akong ipadala nganha kaninyo.”

—Juan 16:7 (ABCEB)

“Daghan pa unta akog isulti kaninyo apan dili pa kamo makasugakod niini karon. Sa dihang moabot ang Espiritu sa kamatuoran, siya ang magtultol kaninyo ngadto sa tanan nga kamatuoran”

—Juan 16:12–13 (ABCEB)

Daghang higayon nga gisulti ni Ginoong Jesus ang bahin sa Balaang Espiritu ug nagsaad nga ipadala Siya.

Human sa pagka-banhaw ni Cristo, (samtang nakig-salo Siya’g kaon uban sa Iyang mga tinun-an) gihatag Niya ni nga sugo:

“Ayaw una kamo pagbiya sa Jerusalem. Hulata ninyo ang gasa nga gisaad sa akong Amahan sumala sa gisulti ko kaninyo. Kay si Juan nagbunyag pinaagi sa tubig apan pipila na lamang ka adlaw gikan karon bunyagan kamo pinaagi sa Espiritu Santo.”

—Mga Buhat 1:4 -5(MBBCEB99)

“Siya miingon kanila, ‘Dili alang kaninyo ang pagkahibalo sa mga takna o sa mga panahon nga gitakda sa Amahan pinaagi sa iyang kaugalingong pagbuot. Apan makadawat kamo ug gabom sa diha nga mokunsad na kaninyo ang Espiritu Santo ug kamo mao unya ang akong mga saksi sa Jerusalem ug sa tibuok Judea ug Samaria ug hangtod sa kinatumyan sa kalibotan.”

—Mga Buhat 1:7–8 (ABCEB)

Karon atong basahon ang aktwal nga pag-abot sa Balaang Espiritu.

“Sa pag-abot sa adlaw sa Pentecostes, silang tanan nagkatigom sa usa ka dapit. Ug sa kalit dihay tingog gikan sa langit nga sama sa buros sa kusog nga hangin ug milukop sa tibuok balay diin didto sila nanglingkod. Unya dihay mipakita kanila nga mga dila nga daw kalayo, nga naapod-apod ug diha sa ibabaw sa matag usa kanila. Ug silang tanan napuno sa Espiritu Santo ug misugod sa pagsulti sa laing mga pinulongan, sumala sa gipalitok kanila sa Espiritu.”

—Mga Buhat 2:1–4 (ABCEB)

“Ug mahitabo sa kataposang mga adlaw, nag-ingon ang Dios, nga ako magbubo sa akong Espiritu ngadto sa tanang katawhan, ug ang inyong mga anak nga lalaki ug mga anak nga babaye magpropesiya, ug ang inyong mga batan-ong lalaki makakita ug mga panan-awon, ug ang inyong mga tigulang nga lalaki magdamgo ug mga damgo. Nianang mga adlawa, sa akong mga

sulugoong lalaki ug sa akong mga sulugoong babaye, ako magbubo sa akong Espiritu ug sila magpropesiya.”

—Mga Buhat 2:17–18 (ABCEB)

“Ug si Pedro mitubag kanila, ‘Paghinulsol kamo, ug pagpabautismo ang matag usa kaninyo sa ngalan ni Jesu-Cristo alang sa kapasayloan sa inyong mga sala, ug madawat ninyo ang gasa sa Espiritu Santo. Kay ang saad alang kaninyo ug sa inyong mga anak ug sa tanan nga atua sa layo, ang matag usa nga gitawag sa Ginoong atong Dios ngadto kaniya.”

—Mga Buhat 2:38–39 (ABCEB)

Kining nindot nga kasinatian nga ma-bautismohan sa Balaang Espiritu ug mag *speak in tongues*, para gyud ni nato karon. Kita ang gina-ingon nga “*atua sa layo*” (Acts 2:39) nga gitawag sa Dios. Kinahanglan gyud nga mapun-an ta sa Espiritu, giniyahan sa Espiritu, ug nagapuyo diha sa Espiritu Santo.

“Unya sa pagkadungog sa mga apostoles didto sa Jerusalem nga ang Samaria midawat sa pulong sa Dios, sila mipadala kang Pedro ug Juan ngadto kanila 15 nga sa ilang pag-abot, nag-ampo alang kanila nga unta makadawat sila sa Espiritu Santo, kay wala pa man kanilay nakunsaran niini ug sila igo man lamang nabautismohan sa ngalan sa Ginoong Jesus. Busa gipandong nila ang ilang mga kamot ngadto kanila ug nadawat nila ang Espiritu Santo.”

—Mga Buhat 8:14–17 (ABCEB)

“Unya si Pedro misugod sa pagsulti ug miingon, “Sa pagkatinuod akong naila nga ang Dios walay pinalabi. Apan diha sa matag nasod, si bisan kinsa nga mahadlok kaniya ug magbuhat sa matarong dawaton niya.”

—Mga Buhat 10:34–35 (ABCEB)

“Samtang si Pedro nagsulti pa niini, ang Espiritu Santo mikunsad diha sa tanan nga nakadungog sa pulong. Ug ang mga magtutuo nga tinuli nga miuban kang Pedro nahibulong nga ang gasa sa Espiritu Santo gibubo usab diha sa mga Gentil. Kay sila nakabati man kanila nga nagsulti ug lain nga mga pinulongan ug nagdayeg sa Dios.

—Mga Bubat 10:44-46 (ABCEB)

“Ug siya miingon kanila, “Nakadawat ba kamo sa Espiritu Santo sa diha nga mituo kamo?” Ug sila miingon kaniya, “Wala man gani kami makadungog nga aduna diay Espiritu Santo.” Siya miingon, “Ngadto sa unsa ba diay kamo gibautismohan?” Sila mitubag kaniya, “Ngadto sa bautismo ni Juan.” Ug si Pablo miingon, “Si Juan nagbautismo sa bautismo sa paghinulsol, nagsulti sa katawhan nga kinahanglan silang motuo niadtong moabot sunod kaniya nga mao si Jesus.” Sa ilang pagkadungog niini, sila gibautismohan diha sa ngalan sa Ginoong Jesus. Ug sa napandongan na sila ni Pablo sa iyang mga kamot, ang Espiritu Santo mikunsad kanila, ug sila nagsulti sa laing mga sinultihan ug nagpropesiya. Silang tanan mga napulo ug duha ka tawo.”

—Acts 19:2-7 (ABCEB)

“Tinguhaa hinuon ninyo nga mapuno kamo sa Espiritu 19ug sa inyong pagsultianay gamita ninyo ang mga salmo, mga himno ug mga balaang awit. Awiti ug dayga ninyo ang Ginoo sa kinasingkasing gayod.”

—Mga Taga-Efeso 5:18-19 (MBBCEB99)

“Ang trabaho sa Espiritu Santo kinabuhi sa usa ka Kristohanon tinuod kaayo ug makagagahom kaayo. Kung gusto nato nga madawat ang tanan nga giandam sa Dios para nato, kinahanglan madawat nato ang bautismo sa Balaang Espiritu ug mag speak in tongues”

ANG PURPOSE SA PAG-SPEAKING IN TONGUES MAO ANG:

- 1) **Pag-pakigsulti ngadto sa Dios.** (1 Corinto 14:2)
- 2) **Pag-dasig sa magtutuo (sa iyang kaugalingon).** (1 Corinto 14:14)
- 3) **Kinahanglan hubaron.** (1 Corinto 14:13) *Pwedi ni himoon diha sa mga panagtigom, o diha sa atong personal nga prayer time.*
- 4) **Kinahanglan mahimong maka-panalangin sa uban.** (1 Corinto 14:16)

Sa dihang atong dawaton ang Balaang Espiritu, mahimo ta nga mga sudlanan sa pag-bubo sa Espiritu sa Dios (***Rhema***) ug mapadayag ang gahom ug ang realidad ni Jesu-Cristo. Mahimo ta nga mga agianan sa pag hatod ug pag-himo sa mga buluhaton sa Dios diri sa kalibotan.

Sa **1 Corinto 12**, nagsulat si Apostol Pablo kabahin sa mga gasa nga gikan sa Balaang Espiritu ug moagi pinaagi sa atong sudlanan. Kung naa na nato ang Espiritu Santo, pwedi na nato maangkon ang mga espirituhanon nga gasa.

Klaro kaayo nga agn Biblia nag-ingon nga si Ginoong Jesus nagpuyo sa magtutuo.

Nganong mangotana paman gyud ta kung makita ba ang Iyang gahum diri nato?

“Gi-expect sa Diyos nga ipadayag nato ang realidad ni Cristo sa kalibutan, palibut nato, pinaagi sa pag-gamit sa mga gasa sa Balaang Espiritu! Kining mga gasa mao ang pultahan sa pagpagawas sa realidad ni Jesus Cristo.”

Dili nato dapat kabigon nga lahi ug walay kalabutan ang mga gasa sa Espiritu Santo sa pag-sangyaw ug ang pag-padayag sa presensya ni Ginoong Jesus sa atong taliwala.

Sa mga musunod nga mga bersikolo, bantayi kung giunsa pag-hisgot ang kabahin sa pag-gamit sa mga gasa sa Espiritu Santo diha sa panagtigom.

“Apan ngadto sa matag usa gihatag ang ilhanan sa Espiritu alang sa kaayohan sa tanan. Ngadto sa usa gihatag ang pulong sa kaalam pinaagi sa Espiritu, ug ngadto sa usa gihatag ang pulong sa kabibalo sumala sa mao ra

Ang Balaang Espiritu (The Holy Spirit)

nga Espiritu; ngadto sa usa gihatag ang pagtuo pinaagi sa mao ra nga Espiritu, ngadto sa usa gihatag ang mga gasa sa pag-ayo sa mga masakiton pinaagi sa mao ra nga Espiritu; ngadto sa usa gihatag ang gahom sa paghimo ug mga milagro, ug ngadto sa usa ang pagpropesiya, ug ngadto sa usa ang katakos sa pag-ila sa nagkalainlaing mga espiritu, ug ngadto sa usa ang nagkalainlaing pinulongan ug ngadto sa usa ang paghubad sa mga pinulongan. Kining tanan naglihok pinaagi sa usa ug mao ra nga Espiritu nga nag-apod-apod niini ngadto sa matag usa sumala sa iyang kabubut-on.”

—1 Corinto 12:7–11 (ABCEB)

Ang Kasulatan nag-tudlo sa mga tumulou kabahin sa mga gasa nga gigamit panahon sa mga panag-tigom. Kinahanglan magbantay ta nga dili nato gamiton ni nga bersikoloha aron limitahan nato ang gahom sa Espiritu santo pinaagi sa matag-usa nato isip mga sudlanan sa Dios. Tinuod na nga ang uban nato makahimo na sa pag-gamit sa ubay-ubay nga mga gasa sa Espiritu Santo ikompara sa uban. Pero kung puno ta sa Balaang Espiritu, naa ta’y potensyal nga magamit sa Dios sa tanan nga gasa. Ang Balaang Espiritu ra ang magbuot kung unsa nga mga gasa ang ihatag base sa Iyang kabubut-on ug tinguha.

Kung naa ta sa simbahan, daghan sa ato nagapamuhat pinaagi sa mga gasa base sa kabubut-on sa Espiritu para ana nga panagtigom. May mga higayon nga sa usa ka panagtigom ang Espiritu Santo maga-gamit nato aning gasaha, dayon sa lain na pud nga panagtigom, gamiton na pud ka Niya sa lain na pud nga gasa.

“Adunay nagkalainlaing mga gasa apan mao ra nga Espiritu ug adunay nagkalainlaing pagpangalagad, apan mao ra nga Ginoo. Adunay nagkalainlaing kalihokan apan mao ra nga Dios ang nagpalihok niining tanan diha sa matag usa.”

—1 Corinto 12:4–6 (ABCEB)

Nanghinaot ko nga hinay-hinay na nimo nasabtan nga sa atong relasyon kang Jesus, makita nato dapat ang gahom sa Dios ug ang Iyang presensya pinaagi sa Balaang Espiritu nga ginapakita sa mga tawo nga nagatuo Niya.

Usbon nato'g basa:

“Kay ang gingharian sa Dios dili diha sa pulong kondili sa gahom.”

—1 Corinto 4:20 (ABCEB)

Makita gyud nato ang pagka-tinuod ni Cristo kung magpabilin ta nga suod sa atong relasyon Niya pinaagi sa atong pagkamasinugtanon sa pag-pagsunod Kaniya.

Dili lang kay magpabilin ta diha human ta matawo pag-usab. Kinahanglan nga maningkamot ta pag-pangita aron sa pag-ila sa atong Ginoo ug makat-on ta sa pag-paminaw sa tingog sa Iyang Espiritu nga nagagiya nato.

“Kung gusto gyud nato'ng masayran ang kabubut-on sa Espiritu ug mapadayag ang Iyang pagka-tinuod, kinahanglan nga magkinabuhi ta nga desperado sa pag-pangita sa Iyang presensya”

Dili nato dapat kabigon ang atong kinabuhi isip Kristohanon nga mura ug niapil ra tag lumba'g dagan kay nag-sunod sunod ra ta sa uban kay nag-ingon sila nga “dagan na!”

Di mahimo nga modagan ta sa lumba sa kinabuhi gamit lang ang atong kaugalingong kaalam sa Biblia. Dili nato tan-awon ang Biblia nga mura'g *manual* nga ato lang usahay tan-awon kung maka lugar ta. Ang pagka-Kristohanon dili relihiyon, relasyon ni!

Ang tawo nga pwerti ug nahibal-an bahin sa Dios nga walay gahom ug presensya sa Espiritu, parehas ra nga ang siya nagakaon gihapon gikan sa “Kahoy sa Kahibalo sa Maayo ug Dautan.” Kinahanglang undangon na nato ang pagkinabuhi nga base ra sa atong kaugalingong kaalam ug kaning sayop natong baroganan nga moingon ra ta nga “basta dili lang ta magpakasala, mao ra na ang kabubut-on sa Dios para nato”

Ang tawhanon nga kahibalo nga walay personal nga relasyon sa Balaang Espiritu pinaagi ni Cristo dili mo-resulta ug kinabuhi diha sa Espiritu diri nato. Klaro kaayo nga dili ni maoy kabubut-on sa Dios. Kinahanglan nga magkinabuhi ta diha sa tinouray nga relasyon sa Espiritu Santo.

“Ang normal nga kinabuhi nato isip Kristohanon dapat usa ka kinabuhi nga nakaila ug nag-masinugtanon sa Espiritu, samtang kita nagkinabuhi, naga-pamuhat, ug naga-hatag sa atong tibuok nga pagka-tawo diha Niya.”

“Kay ang tanang gimandoan sa Espiritu sa Dios mga anak sa Dios.”

—Mga Taga-Roma 8:14 (ABCEB)

“Kon kita nangabuhi man diha sa Espiritu, kinahanglan nga magkinabuhi usab kita diha sa Espiritu.”

—Mga Taga-Galacia 5:25 (ABCEB)

Kinahanglang makat-on ta sa pagkinabuhi nga nagpabilin diha kang Cristo pinaagi sa atong buhi nga relasyon sa Balaang Espiritu. Nagpasabot ni nga ang atong daang pagkatawo kinahanglan nga gilansang na sa krus, ug ang atong bag-ong pagkatawo giniyahan sa Espiritu ug dinasig pinaagi sa gugma.

“Ang gihandom ni Cristo para sa Iyang Iglesia mao nga kita, isip mga sakop sa Iyang lawas, mapakita ang Iyang gahum ug gugma sa kalibutan sa parehas gyud sa gibuhat Niya kaniadto.”

Mahimo nato ni kung bag-ohon nato ang atong pang-hunahuna base sa Balaang Kasulatan ug magpa-ilalom ta sa gahom sa Dios sa sulod nato pinaagi sa Balaang Espiritu.

ESPIRITU, KALAG, UG LAWAS

Parehas nga ang Dios nagpadayag isip “tulo pero usa” (tulo ka persona), kita mao pud. Basi wala ka mag-hunahuna sa imong kaugalingon nga usa ka espiritu nga naay kalag ug nagpuyo sa lawas. Kinahanglang masabtan pud nato ni nga kamatuoran kung ganahan tang makig-relasyon sa Dios sumala sa Iyang kagustohan diri nato.

Lantawon nato ning mga bersikolo nga nag-bahinbahin sa espiritu, kalag, ug lawas sa tawo. Mao ni gitawag natog triune o tripartite nga pagkatawo, nga sa ato pa, tulo ka persona.

“Nagdayeg sa Ginoo ang akong kalag, ug nagmalipayon ako diha sa Dios nga akong Manluluwas”

—Lucas 1:46–47 (MBBCEB99)

“Hinaot unta nga ang Dios nga naghatag kanatog kalinaw hingpit nga maghimo kaninyong balaan aron walay makitang salawayon sa tibuok ninyong pagkatawo—sa espiritu, kalag ug lawas hangtod sa pag-abot sa atong Ginoong Jesu-Cristo.”

—1 Mga Taga-Tesalonica 5:23 (MBBCEB99)

“Ayaw kamo kahadlok niadtong mopatay sa lawas apan dili makapatay sa kalag. Kahadloki hinuon ninyo ang Dios nga makalaglag sa lawas ug sa kalag didto sa impierno.”

—Mateo 10:28 (MBBCEB99)

Espiritu, Kalag, ug Lawas (Spirit, Soul, and Body)

“Karon naguol ang akong kalag. Ug unsa may akong isulti? Moingon ba ako, ‘Amahan, luwasa ako gikan niining taknaa’? Dili, kay alang niining maong tuyo miabot ako niining taknaa.”

—Juan 12:27 (ABCEB)

“Unya si Jesus misinggit sa kusog nga tingog nga nag-ingon, ‘Amahan, nganha sa imong mga kamot itugyan nako ang akong espiritu!’”

—Lucas 23:46 (ABCEB)

Ang espiritu sa tawo mao ang parte sa tawo nga gihimo sa Dios sumala sa iyang dagway, ug mao ni ang natawo pag-usab sa dihang naluwas ta.

“Busa kon ang tawo anaa kang Cristo, siya bag-o na nga binubhat; ang daan nangagi na, tan-awa, ang bag-o nahiabot na.”

—2 Corinto 5:17 (ABCEB)

Sa dihang gidawat nato si Ginoong Jesus, ang perpekto nga Espiritu sa Dios nisulod ug nipuyo sa atong sulod.

“Ang atong bag-ong natawo nga espiritu buhi na diha kang Cristo. Ang Espiritu gawasnon na nga mopadayag o mopadan-ag sa Dios diri nato.”

Gawas kon matawo ta pag-usab ug mabuhi diha sa espiritu, dili gyud gani nato masabtan ang Biblia.

“Apan ang tawo nga wala magbaton sa Espiritu sa Dios dili makadawat sa mga gasa nga gikan sa Espiritu sa Dios. Dili gayod siya makasabot niini ug binuang kini alang kaniya kay kini matugkad man lamang sa espirituhanong pamaagi.”

—1 Corinto 2:14 (MBBCEB99)

“Sa pagkatinuod, moabot ang adlaw ug miabot na gani, nga ang tinuod nga mga magsisimba magsimba sa Amahan pinaagi sa espiritu ug kamatuoran. Ug mao kini ang mga magsisimba nga gikahimut-an sa Amahan. Ang Dios espiritu, busa ang magsimba kaniya kinahanglan nga mosimba pinaagi sa espiritu ug kamatuoran.”

—Juan 4:23–24 (APSD)

Kay pinaagi man sa atong espiritu maka-himo ta pag-pakigsulti sa Dios human nga mapun-an ta sa Balaang Espiritu. Dinhi ta maka-sugod ug pag-propeseya, pag-speak in tongues, pag-pang ayo ug mga balatian, pag-himo’g mga milagro, ug uban pang pagpadayag sa Espiritu sa Dios ug sa Iyang gahom.

Ang atong kalag maoy responsable sa pag-hunahuna, pag-pangatarungan, ug ang iyang trabaho naa sa atong salabutan ug emosyon. Ang kalag mao’y buot ipasabot sa Biblia sa dihang naghigot ni kabahin sa “pag bag-o sa atong panghuna-huna.” Pinaagi sa pag-balaan sa atong kalag, ang Espiritu ni Cristo nga nagpuyo na karon sulod nato maoy responsable sa pagbag-o ug pag-usab ani samtang kita mo-pailalom sa grasya ug kahibalo ni Jesucristo.

“Dili nato mahimo ang pagpakabalaan pinaagi sa atong kaugalingong pagpaningkamot ug kusog, mahimo lang ni pinaagi sa pag-surrender nato diha sa kabubut-on sa Dios ug sa pag-patay sa atong kaugalingong kagustohan. Makahimo lang sa pag usab nato ang Balaang Espiritu gikan sa sulod paingon sa gawas kung i-surrender nato atong kaugalingon sa Dios ug patyon nato ang atong karaang pagka-tawo.”

“Apan sa dihang ang tawo moduol sa Ginoo, kining maong taptap matangtang. Ang Ginoo mao ang Espiritu ug hain gani ang Espiritu sa Ginoo anaay kagawasan. Kitang tanan naglarawan sa himaya sa Ginoo pinaagi sa atong mga nawong nga dili tinaptapan. Busa gipang-usab kita ngadto sa iya gayong dagway, sa labi pang dako nga himaya. Ang maong

himaya naggikan sa Ginoo nga mao ang Espiritu.”

—2 Corinto 2:14 (MBBCEB99)

Nagsugod ni sa atong kalag (atong pagbulot-an) sa dihang mo-surrender ta sa impluwensya sa Balaang Espiritu, mohimo tag mga desisyon nga maoy mo-resulta nato sa pag-pamunga sa bunga sa Balaang Espiritu. Pero kung baliwala-on nato ang Iyang tingog, mamunga ta ug unod-non nga bunga.

Duha ray padulngan sa atong kalag sa dihang mamatay ta aning kalibotana, langit o empyerno.

Ang lawas maoy atong pisikal nga parte. Mao ni’y parte nato nga pwedi natong makita ug mahikap. Temporaryo ni siya nga parte sa atong pagka-tawo. Gitawag ni siya ni Pablo ug “atong tolda”. Natawo gikan sa sabakan sa inahan, motubo, matigulang, ug mamatay. Sa dihang mamatay ang tawo, ang atong kalag mobiya sa atong lawas.

“Ug kini akong isulti, mga igsoon, nga ang unod ug dugo dili makapanunod sa gingharian sa Dios, o ang madunot dili makapanunod sa mga walay pagkadunot. Pamati, isulti nako kaninyo ang usa ka tinago. Dili kitang tanan mangamatay, apan kitang tanan mangausab, sa kalit, sa usa ka pagpamilok, inigtingog na sa kataposang trumpeta kay ang trumpeta patingogon, ug ang mga patay banhawon nga dili na madunot, ug kita mangausab. Kay kining lawas nga madunot kinahanglang magsul-ob unya ug dili na madunot, ug kining mamatay magsul-ob unya ug dili na mamatay.”

—1 Corinto 15:50–53 (ABCEB)

Ang Biblia nagtudlo nato nga ang atong mga pisikal nga lawas paga-banhawon unya ug ilisan sa lawas nga mahimayaon o dili madunot nga lawas, gawas kong maabtan pa ta nga buhi inig balik ni Ginoong Jesus. Ang tanang tawo nga nabuhi aning kalibotana, luwas o dili luwas, paga-banhawon sa katapusan. Kita nga naluwas paga-banhawon ug

hatagan ug kinabuhi nga dayon, samtang ang uban nga wala naluwas paga-hukman sa silot sa linaw nga kalayo hangtod sa hangtod.

Tan-awa ra gud, sa dihang naluwas ta, nakalinggawas ta sa silot sa sala. Mao ni ang gitawag ug Pagkamatarung (Gihimo tang Matarong).

Kada-adlaw giluwat ta gikan sa gahom sa sala. Mao ni ang gitawag ug Pagkabalaan.

Usa ka adlaw, mamatay ta ug unya makalinggawas na sa presensya sa sala. Mao ni ginatawag ug Glorification.

Importante kaayo nga mahibaw-an nimo ning mga butanga sa imong pagkatawo ug unsay kalabutan ani nila diha ni Cristo.

“Gihimo ka nga adunay espiritu, kalag, ug lawas. Matag usa ani nila, importante para sa Dios, ug dapat importante pud ni para nimo. Kong mailhan nimo ning lain-lain nimo nga persona, makahimo na ka sa pagbahin-bahin ug ensakto sa Pulong sa Dios sa dihang magbasa ka ini.”

Kung magbasa ka kabahin sa pagkahimo nga bag-ong binuhat, imong masabtan nga dili ang lawas ug ang kalag ang buot ipasabot ani, kondili ang imong bag-ong natawo nga espiritu.

Sa dihang ang Biblia nag hisgot kabahin sa pag-usab ug mahimo nga sama ni Cristo, imong masabtan nga ang buot ipasabot ani mao ang pagbalaan sa imong kalag.

Sa Dihang ang Biblia naghigot kabahin sa kamatayon sa tawo, imong masabtan nga naghigot ni kabahin sa imong lawas ug dili ang imong espiritu o kalag.

Gihatagan mo nako aning mga example para unyag basa ninyo sa inyong Biblia, makapangutana mo: *Unsa may saktong pamaagi sa pag-sabot aning maong bersikolo sa pag-apply ani sa akong kaugalingon?*

PANGHUNA-HUNA NGA ANGAYNG USBON

Sa wala pa nato dawata si Ginoong Jesus isip atong Manluluwas ug Ginoo, ang kina-iyang sa atong hunahuna, o salabutan makasasala. Sa dihang natawo ta pag-usab, kinahanglan nga ang atong hunahuna ug pagbulut-an mabag-o pinaagi sa pagpadayag sa Ginoo ug sa Iyang plano alang kanato ug sa atong kinabuhi. Ang atong “karaang pagkatawo” (ang unod) nga maoy nagkontrol kaniadto kinahanglan nga pulihan ug mabag-o diha sa Balaang Espiritu. Ang atong “bag-o nga pagkatawo” kinahanglang mahimong usa ka buhing halad ngadto ni Cristo samtang kita magasugod sa pagkat-on ug lakat sa pagtuo sa pagsunod sa Balaang Espiritu nga karon nagapuyo sulod nato.

Atong mabasa sa 1 Corinto, nga gikutlo gikan sa Libro ni Isaias...

“Kay nasulat kini, ‘Akong gub-on ang kaalam sa mga maalamon ug akong isalikway ang kalantip sa mga bait ug salabotan.’”

—1 Corinto 1:19 (ABCEB)

Balikan nato ang Genesis ug atong lantawon ug unsa ang gipadayag sa Dios diri nato kabahin sa pag-supak sa tawo kontra sa plano sa Dios human nga nakakaon na siya sa bunga sa kahoy sa pag-ila sa maayo ug daotan ug sa plano sa Dios. Sa dihang atong basahon ang kabahin ni Adan ug Eba human sila makasala, patay sila sa ilang relasyon sa Espiritu. Wala na silay laing mahimo gawas sa pag-atubang sa kinabuhi pinaagi sa ilang hunahuna ug kahibalo nga karon gidumalahan na sa ilang makasasala nga kinaiya. Pinaagi sa ilang makasasala nga kinaiya, o kalag-non nga kahimtang, nahibal-an nila ni Adan ug Eba nga sila hubo ug nagkinahanglan ug ikatabon ini. Nangita dayon silag pamaagi, pinaagi sa ilang makasasala nga kinaiya, nga ma sulosyonan ni. Para nila,

makatarunganon lang ug praktikal nga tabonan nila ang ilang hubo nga lawas ug mga dahon sa *figs*, ug mao to ilang gibuhat. Pero, lahi ra kaayo ni ikomparar sa plano sa Dios. Kung atong padayunon ug basa atong makita nga ang langitnon nga pamaagi sa Dios pinaagi sa kamatayon sa inosente nga mananap, ug gitabunan Niya ang ilang Pagka-hubo pinaagi sa pagpatulo sa dugo.

Ang tawo nga karon naa na sa makasasala nga kahimtang, sukad atong higayona nga ang tawo nakasala, nagkinabuhi na sumala sa iyang kaugalingon kahibalo ug kalagnon nga salabutan. Tungod aning maong kaalam sa tawo, nanga-pandol sila diha sa kinabuhi ug pagtulun-an ni Ginoong Jesus.

“Ang tawo nga kalibotanon dili modawat sa mga butang sa Espiritu sa Dios, kay alang kaniya kini mga binuang, ug siya dili makahimo pagsabot niini tungod kay kini matugkad lamang sa espirituhanon nga paagi.”

—1 Corinto 2:14 (ABCEB)

Ang estorya kabahin sa pagka-hubo ni Adan ug Eba ug sa ilang pagkinahanglan ug ikatabon ani, nagtudlo nato nga ang atong sala dili gyud matabonan pinaagi sa atong mga buhat. Hinuon, matabonan lang ni pinaagi sa pag-butang sa atong pagsalig sa Dugo ni Ginoong Jesus nga gi-ula sa Krus. Kini nagpasabot pud nga dili gyud nato mapahimoot ang Dios pinaagi sa atong panghunahuna nga wala mabag-o ug wala nagasunod sa Plano sa Dios. Ato dayong masabtan nga ang Dios nga expect nato nga magkinabuhi ta nga dili pinaagi sa atong nahibal-an nga maayo ug daotan.

Dili ta dapat magkinabuhi nga gina-kontrol sa atong hunahuna, pangatarugan, o pagbati, kundili pinaagi sa Espiritu. Ikaw ug ako dili gyud makapahimoot sa Dios pinaagi sa atong mga binuhatan nga nagagikan sa atong unud-non nga kinaiya.

Ang kabubut-on ug purpose sa Dios mo-uswag pinaagi sa atong kinabuhi nga giniyahan sa Espiritu sa Dios. Ang Balaang Espiritu maoy mohatag ug pinadayag sa atong espiritu, nga maoy maglamdag sa atong hunahuna, ug unya kinahanglan nga magmasinulondon ta ani. Kada higayon nga sulayan natog himo ang purpose sa Dios para sa atong

kaugalingon o para sa Simbahan pinaagi sa mga buhat nga nag-gikan sa atong unod imbes nga giniyahan sa Espiritu, ang mahitabo, igo ra tang gahimo ug mga patay nga mga binuhatan.

“Sa dihang natawo ta pag-usab, ang atong hunahuna kinahanglan nga mabag-o ug magmasinugtanon sa tumong nga himoon lamang kung unsa ang kabubut-on nga gipadayag sa Dios kanato, uban sa Biblia nga mao ang atong awtoridad.”

Kasagaran, ang kabubut-on sa Dios supak sa atong gihunahuna nga maayo ug makita nga praktikal. Kung mao gani ni mahitabo, kinahanglan mopadayon ta sa Pagtuo, atong sundon ang Balaang Espiritu imbes nga maminaw ta sa atong kalag-on nga mga pangatarungan. Kung dili nato ni mahimo, dili gyud nato mapahimoot ang Dios.

“Kay kita naglakaw man pinaagi sa pagtuo, dili pinaagi sa atong panan-aw”

—2 Corinto 5:7 (ABCEB)

Ang pagka-masinugtanon sa pagsunod sa kabubut-on sa Dios, usahay maoy magdala sa atong kinabuhi sa alang-alang, sa atong pinansyal, ug sa atong kaugalingong abilidad. Nagkinahanglan ni ug Pagtuo, nga kasagaran lantawon nimo, dili gyud siya praktikal. Kung ang atong diskarte ug pangatarungan wala niuoyon sa Pulong sa Dios ug sa Espiritu Santo, kinahanglang sa tanang panahon magmasinugtanon gyud ta ug musunod sa Dios. Aron mahimo nato ni, kinahanglang mabal-an nato unsaon pag-ila ang tingog sa Dios, tingog sa Kaaway, ug Tingog sa atong kaugalingong panghunahuna. Lisod kaayo ning himoon gawas lang kong nabag-o na nato ang atong panghunahuna sunod sa kabubut-on ug plano sa Dios pinaagi sa pagkat-on ug pagkahibalo sa Pulong sa Dios.

“Ayaw kamo pagpahiuyon niining kalibotana, hinuon tugoti nga mausab ang inyong kaugalingon pinaagi sa pagbag-o sa inyong hunahuna, aron

inyong masuta unsa ang kabubut-on sa Dios, unsa ang maayo, ang kahimutan ug ang hingpit.”

—Mga Taga-Roma 12:2 (ABCEB)

“Kon tinuod man nga kamo nakadungog mahitungod kaniya ug gitudloan diha kaniya, ingon nga ang kamatuoran anaa kang Jesus. Gitudloan kamo sa pagbukas sa inyong daang pagkatawo nga iya pa sa inyong karaang pamatasan nga nadunot tungod sa mga malimbongong kaibog, sa pagbag-o diha sa espiritu sa inyong mga salabotan, ug sa pagsul-ob sa bag-ong pagkatawo nga gibuhad sumala sa dagway sa Dios diha sa matuod nga pagmakatarong ug pagkabalaan.”

—Mga Taga-Efeso 4:21–24 (ABCEB)

Mao ni ang panghunahuna nga atong huptan sa dihang nisugot ta sa pagsunod ni Ginoong Jesus. Samtang “pas-anon ta ang atong krus”, kinahanglan nga dili na nato paharion ang atong karaan ug unond-non nga pagkatawo nga walay laing gipangandoy kundi ang pagpakasala, ug sundon nato ang gibuhad sa atong Ginoo sa pagkamasinugtanon sa Balaang Espiritu.

“Ang panghunahuna nga anaa sa unod mosangpot sa kamatayon apan ang panghunahuna nga anaa sa Espiritu mosangpot sa kinabuhi ug kalinaw.”

—Mga Taga-Roma 8:6 (ABCEB)

Samtang nagatubo ug naga-uswag ang atong kinabuhi diha sa Balaang Espiritu, mahimo tang mas gina-gamhan na sa “bag-o nga tawo”, ug mahimo na tang andam sa pag dawat sa tanan nga nakatagana para nato.

“Apan ang gabing pagkaon alang sa mga hamtong, alang kanila nga ang mga salabotan nabatid pinaagi sa pagbansay sa pag-ila sa maayo gikan sa daotan.”

—Mga Hebreohanon 5:14 (ABCEB)

I-explain pa gyud nako ni.

“Ang bugtong paagi nga maka puyo ta ug makalakaw diha sa Espiritu mao lang ang simple nga pagsunod sa Pulong sa Dios samtang ginagiyahan ta sa Balaang Espiritu.”

Importante kaayo ni, mao nga usbon nako ni pagsulti. Isip mga Kristyano, importante kaayo nga kahibalo ta sa Pulong sa Dios, importante nga mapun-an ta sa Balaang Espiritu, ug makig-usa sa Dios samtang nagalakat magmasinugtanon Kaniya.

Primero, lisud kaayo ni, kay ang espiritu nato nga naa sa atong sulod bata pa man, unya ang Karaan ug Unod-non nga pagkatawo gulang na ug medyo kusgan pa gyud, kay sulod sa dugay nga panahon, iya lang kagustuhan ang masunod. Kinahanglan mag-amping ta nga himoon nato nga ang bag-o nga espirituhanon nga pagkatawo mao na ang mag-dominar ibabaw sa atong karaan nga pagkatawo.

“Busa kay gilibotan man kita sa ingon ka baga nga panganod sa mga saksi, sinalikway ang tanang pagkamalahutayon ug ang sala nga daling mobalikos kanato, managan kita uban sa lahutay sa lumba nga gibutang sa atong atubangan, nga magtutok kang Jesus, ang nagpasiugda ug ang mohingpit sa atong pagtuo. Tungod sa kalipay nga gibutang sa iyang atubangan, giantos niya ang krus sa walay pagsapayan sa kaulaw niini ug karon naglingkod siya diha sa tuo sa trono sa Dios. Hunahunaa siya nga miantos sa maong pagsupak sa mga makasasala batok kaniya, aron dili kamo maluuya o mawad-an ug paglaom. Sa inyong pagpakigbisog batok sa sala, wala pa kamo makigbatok niini hangtod nga nagkadugo na kamo”

—Mga Hebreohanon 12:1-4 (ABCEB)

“Kinahanglan gyud nig seryoso nga desisyon gikan sa atong pagbulut-an nga pamation nato ang hilom ug hinay nga tingog sa Espiritu, ug dili ang kusog nga syagit sa karaan natong pagkatawo nga karon atong ginalansang”

Kung sundon lang nato ang sugo sa Dios uban sa pagtuo nga walay daghang pangutana, ug isalikway sa walay pagduhaduha ang tanan natong tinguha nga magmasinupakon, mohinay-hinay tag tubo diha sa atong pagsunod sa Balaang Espiritu.

Kinahanglan masayran nato sa atong kasingkasing nga pwedi gyud tan maka-sunod permi.

“Walay pagsulay nga miabot kaninyo nga wala masinati sa tawo. Ang Dios kasaligan, ug dili niya itugot nga kamo sulayon labaw sa inyong masarangan, apan uban sa pagsulay siya magtagana usab ug lutsanan, aron makasugakod kamo niini.”

—1 Corinto 10:13 (ABCEB)

Ang Kasulatan nag tudlo nato nga gihatagan tag abilidad sa pag kontrol sa atong hunahuna.

“Gipukan namo ang tanang babag nga gigamit sa mapagarbohon batok sa kahibalo mahitungod sa Dios ug gibihag namo ang tanang hunahuna ug gipasunod kang Cristo.”

—2 Mga Taga-Corinto 10:5 (MBBCEB99)

Naa tay gahom ug awtoridad sa pag pili ug unsay atong hunahunaon ug kontrolon ang atong hunahuna.

“Sa kataposan, mga igsoon, bisan unsang butang nga matuod, bisan unsang butang nga dungganan, bisan unsang butang nga matarong, bisan unsang butang nga putli, bisan unsang butang nga matahom, bisan unsang butang nga maayo ug dungog, kon aduna may labing maayo, kon aduna may pagdayeg, hunahunaa ninyo kining mga butanga.”

—Mga Taga-Filipos 4:8 (ABCEB)

“Busa andama ang inyong mga salabotan, pagmaugdang, laomi ninyo sa hingpit ang grasya nga ihatag kaninyo inigpadayag unya kang Jesu-Cristo.”

—1 Pedro 1:13 (ABCEB)

Ang giyera sa atong mga lakang diha ra gyud daogon sa atong hunahuna, kay pwedi man gyud nato pugson sa pag-gamit ang atong kaugalingong pagbulut-an kung musunod ba ta o musupak ba hinoon. Samtang ang Pulong sa Dios ug ang Espiritu nagasulti kanato og “kinabuhi,” naa poy laing tingog nga mag-kwestyon sa dereksyon nga gihatag sa Dios. Mga kwestyon nga maka-hatag ug pagduhaduha parehas ani, “Ang Dios ba gyud nag-ingon ato?” O “Di ba mas sayon man ug praktikal kong ingon anion nato pag-himo?” O “Bisan pa ug ang Dios mao gyud sumala sa iyang giingon, pero murag dili man tingali ni ingon anion paghimo!” Kining lain nga tingog makig-lalis gyud sa ngalan sa logic ug pangatarungan.

“Hangtod dili nato madaog ang giyera sa atong hunahuna, dili gyud ta pweding maka-lakat diha sa kinatibuk-an sa Espiritu ug masinati ang kinabuhi nga madalag-on isip anak sa Dios.”

Kung paundayonan nato ang atong unod, maghinayhinay tag ka bungol sa espiritu ug napakgang nato ang buhat sa Balaang Espiritu. Kung padayonon nato nig himo, dili magdugay mobalik na pud ta sa kinabuhi nga kontrolado sa karaan natong pagkatawo pinaagi sa atong kaugalingong kaalam, nga nagagikan sa tawhanon nga kahibalo imbes nga magkinabuhi ta pinaagi sa pagtuo.

Puno sa kalibog ang sa usa ka tawo nga perming makig-lalis sa Balaang Espiritu kabahin sa iyang personal nga pagsunod sa Dios. Dinhi pweding makasulod ang mga pag-panglimbong. Dili madugay mas daotan pa ta kaysa kaniadto nga wala pa ta maluwas. Kinahanglan nga mabal-an nato ni nga klaro kaayo nga ang ginadili sa Dios, maoy pinaka-gusto ni Satanas nga imong buhaton!

“Kung pilian lang nato kung asa sa mga sugo sa Dios and atong gustong sundon unya sa uban nga sugo daghan tang mga pinilosopo nga rason, makita unya nato nga napakyas ta sa tanan nga kagustuhan sa Dios para nato.”

Mo-samot ta ka feeling condemned, kung balik-balikon natong pamatud-an sa atong kaugalingon ug sa ubang tawo nga dili gyud ta mahimong usa ka tawo nga nahimot-an sa Dios. Ang mahitabo sa usa ka tawo nga makig-lalis sa Dios, usa ka tawo nga wala nakakab-ot sa katuyoan ug sa kahigayonan nga maangkon ang iyang panulundon diha ni Cristo.

Daghan kaayong mga magtotoo nga wala makalatas ani, gikan sa pagka-kontrolado sa ilang kaugalingong kaalam ngadto sa pagkinabuhi nga nagasurrender ug nagpa-ilalom sa Balaang Espiritu. Wala lang gyud sila ni surrender sa pagka-magmasinugtanon sa Pulong sa Dios: ug wala sila magpagiya sa Espiritu Santo labaw pa sa ilang masabtan ug mahimo.

Tungod kay wala man gyud nila gi surrender ang pag-kontrol ug pag-dumala sa ilang kinabuhi ngadto ni Ginoong Jesus, wa gyud nila masinati ang exciting nga bag-ong dapit diha sa pag-lakaw uban ang Balaang Espiritu sa kinabuhi nga mas dako pa kaysa kung unsa sila karon.

Dili ta musugot nga ma-kontento na ta sa mga ginagmay imbes sa pag-angkon sa tanan nga giandam sa Dios para nato diha sa atong pagpakig-relasyon Niya. Naay karaang panultihon nga nag-ingon, “Dili nako angay ipangutana ug ngano, ang akong katungdanan mao lang ang pagsunod bisan pa ug akong ikamatay.”

“Samtang magsugod kita sa paglakaw sa simple nga pagka-masinugtanon, atong gihatagan ug kahigayonan ang Espiritu sa grasya nga nagahimo kanato nga mas sama sa dagway ni Kristo ug naga-dala nato ngadto sa usa ka buhi nga relasyon uban sa Espiritu Santo.”

“Ang nagbaton sa akong mga sugo ug nagtuman niini mao ang nahigugma kanako ug ang nahigugma kanako higugmaon sa akong Amahan ug ako

Pangbuna-huna nga Angayng Usbon (A Mind to Change)

*mahigugma kaniya ug magpadayag sa akong kaugalingon nganha kaniya....
Kon ang usa ka tawo nahigugma kanako, siya magtuman sa akong pulong, ug
ang akong Amahan mahigugma kaniya ug moanha kami kaniya ug kami
mopuyo uban kaniya.”*

—Juan 14:21,23 (ABCEB)

*“Siya nga nag-ingon, ‘Ako nakaila kaniya,’ apan wala magtuman sa iyang
mga sugo, kini siya bakakon, ug wala kaniya ang kamatuoran; apan si bisan
kinsa nga magtuman sa iyang pulong, sa pagkatinuod ang gugma alang sa
Dios nahingpit diha kaniya. Pinaagi niini kita nahibalo nga kita anaa
kaniya.”*

—1 John 2:4–5 (NIV)

Hinaot nga hinayhinay na nimong nasabtan ug sa unsang paagi nga ang atong pagtuo maoy makatabang nato nga atong mailhan ang Balaang Espiritu ug mahimong giniyahan Niya.

Samtang magalakaw kita diha sa pagkamasinugtanon, ang Espiritu sa Dios maga-pabilin uban kanato ug maka-baton tag kagawasan nga atong mapakita isip kalipay nga dili matukib ug puno sa himaya!

Ngano diay, naa pa ba tay laing bation? Karon nga nahiusa na ta sa Dios!

Kini nga pagpakig-kuyog sa Dios dili misteryoso o lisod sabton, kondili mao ang adlaw-adlaw nga pagpakigkuyog sa Biblia pinaagi sa pag-basa ani, adlaw-adlaw nga pag-ampo diha sa Espiritu, ug ang pagkamasinulondon sa Iyang tingog.

Sa bag-o pa ta mahimong Kristohanon, kinahanglan natong masabtan nga dili pinaagi sa atong kusog, dili pinaagi sa atong paningkamot, kondili pinaagi sa Espiritu sa Dios nga kita karon magkinabuhi.

Pangbuna-buna nga Angayng Usbon (A Mind to Change)

Dili ang atong kaugalingong kaalam, kondili ang atong pagtuo maoy magadala nato sa pagkinabuhi nga diin unahon nato sa pag-pangita ang Dios ug ang Iyang Ginharian. Makaplagan nato ang atong relasyon diha Niya samtang Iyang idugang diri nato ang tanang butang samtang kita magpuyo, molihok, ug itugyan ang atong pagkatawo diha sa Balaang Espiritu.

MAMATAY ARON MABUHI

Isip Iyang mga tinun-an, magkinabuhì ta nga naga-surrender sa tibook natong kinabuhì kada-adlaw ilalom sa pagmando ni Ginoong Jesus. Kung naglibog ka ug asa taman ang atong i-surrender, naa koy estorya nga akong i-estorya aron masabtan gyud ug maayo. Base sa akong nahinumduman, ingon ani ni:

Naay usa ka Missionary nga nag-wali sa usa sa mga tribo sa Africa. Kada gabie samtang mag-tapok ang mga tawo para maminaw sa Pulong sa Dios, magdala sila ug mga halad unya ibutang nila sa atubangan sa pulpito sa Simbahan. Ang uban magdala ug pagkaon, mga manok, ug bisan unsa nga ilang masarngan luyo sa ilang kalisod ilang dal-on aron ihalad atubangan sa Ginoo. Usa ana ka gabie, samtang nagwali ang missionary, dihay usa ka Africano nga ni-deretso sa atubangan niya nagdala siyag dako nga bukag. Pag-abot niyas atubangan, niya human niyag butang sa bukag, nidali-dali dayon siyag sulod sa bukag! Gikan sa pagsugod, didto ra gyud siya naghilomhilom ug lingkod. Pagkahuman sa panimbahon, gidool siya sa missionary unya gipangutana siya ug ngano man nga didto man siya sulod sa bukag naglingkod imbes nga molingkod sa lingkoranan tupad sa uban. Ang tubag sa tawo kay, “Pobre kaayo ko ug wala koy mahatag sa akong Ginoong JesuCristo, mao nga karong gabhiona naka-desisyon ko nga akong ihatag akong kaugalingon Niya!”

Basin para nimo kining klaseha sa pamaagi sa pagpakita sa pag-surrender sa kaugalingon ngadto ni Cristo murag pinasahi kaayo kaysa sa imong nahunahunaan. Pero bisan paman, kinahanglan diay ingon-ana ang naa sa atong kasingkasing kong ganahan gyud ta nga mo-sunod ni Ginoong Jesus.

“Kinahanglan nga manaog ta sa trono sa atong kinabuhì sa walay daghang estorya ug i-surrender ang tanan nga pagdumala ug ang tanang awtoridad ngadto Dios”

“Busa kon ang tawo anaa kang Cristo, siya bag-o na nga binuhat; ang daan nangagi na, tan-awa, ang bag-o nabibot na.”

—2 Corinto 5:17 (ABCEB)

Kinahanglan nga masabtan nato nga sa dihang natawo ta pag-usab, gihaw-as ta gikan sa gingharian sa kangitngit ug gidala ngadto sa bag-og nga gingharian nga mao ang gingharian sa kahayag isip mga bag-o nga binuhat sa pagkamatarong ug Pagkabalaan.

Dili na ta iya sa pamilya nga atong natawhan. Dili na ta iya sa nasod nga atong gigikanan. Dili na ta iya sa mga tradisyon ug kultura sa atong mga katigulangan.

Gipapas na ang mga kadina sa atong mga tradisyon, sa mga ginadili, sa mga limitasyon: ang atong posisyon sa kinabuhi, o bisan unsa nga nakababag nato sa pagkahimong dako ug bantugan nga tawo nga gidakda sa Dios alang nato.

Naay kaugalingon plano ug kaugmaon nga giandam ang Dios para nato dinhi ining kalibotana!

Kinahanglan gyud nga atong isalikway ang tanan ug mosunod Niya samtang Siya naga-giya nato padulong sa atong dapit diha Niya. Ang Dios ganahan nga mopoyo sulod nato karon nga Iya na tang mga bag-ong binuhat diha ni Jesu Cristo.

Kinahanglan mausab ang atong panlantaw sa atong kaugalingon sa atong sulod!

Kinahanglan nga sa atong hunahuna atong toohan kung kinsa ug unsa ang gisulti sa Biblia kabahin kanato karon.

Makatabang ning kantaha ug ato ning praktisan ug kantahon sa atong kaugalingon hangtod nga motoo ta nga mahitungod ni sa atong kaugalingon.

Bag-o na kong Binuhat, Bag-o na ko nga Tawo

Ang mga daang butang nilabay na, Natawo na ko pag-usab

Labaw pa sa madaugon, Mao na ako

Bag-o na kong Binuhat, Bag-o na ko nga Tawo

KINAHANGLAN ATONG I-SALIKWAY ANG ATONG KARAANG PAGKATAWO

Diha ni Ginoong Jesu Cristo, wala’y lalake o babaye, Gryego o Judio, iton o puti, walay brown o unsa paman nga kolor sa panit; Kay kitang tanan karon parehas na ug kolor, usa na ka pamilya. Usa ka lawas ni Cristo.

“Gilansang ako sa krus uban kang Cristo, dili na ako ang nabuhi, kondili si Cristo ang nabuhi sa sulod nako, ug ang kinabuhi nga karon akong gikinabuhi sa unod akong gikinabuhi diha sa akong pagtuo sa Anak sa Dios nga nahigugma kanako ug mitugyan sa iyang kaugalingon alang kanako.”

—Mga Taga-Galacia 2:20 (ABCEB)

Daghan nato ang kinahanglan nga maghinolsol tungod sa garbo sa atong kaugalingon sa atong pagka-kita.

Ang atong nasod nga gigikanan, atong tribo, atong pamilya kinahanglan atong isalikway, ug atong isul-ob si Cristo isip atong pamilya ug kagikan.

“Busa karon, dili na kami maghukom sa tawo pinaagi sa tawhanong basihanan. Kaniadto nangbukom kami kang Cristo pinaagi sa tawhanong basihanan apan karon dili na.”

—2 Mga Taga-Corinto 5:16 (APSD)

Mamatay aron Mabuhì (Dying to Live)

Natapos na ni Cristo iyang trabaho sa pag-tubos. Ug mao ni ang kamatuoran ug tinuod. Pero moabot lang na ug mahitabo diri nato kung atong kontrolon nga may awtoridad ang atong panghunahuna: unsay kaya natong isalikway: ug kung tinood ba gyud ta nga nitoo.

Sa dihang biyaan nato ang tanan ug pas-anon ang atong krus, makahimo ta – usa ka desisyon lang kada higayon – pilion nato ang pag-too sa Kasulatan ug usbon nato ang atong pagkatawo ug ang atong panlantaw sa atong kaugalingon.

Pinaagi ani motobo ta paingon sa pagkahamtong ug mahisama kang Cristo.

“Kay tungod sa gugma ni Cristo kanamo wala nay lain namong mahimo gawas sa pagtuman kaniya. Kay nasayod kami nga si Cristo namatay alang sa tanan, busa sama ra nga namatay pud ang tanan. Namatay siya alang sa tanan, aron nga ang mga tawo nga buhi karon dili na magkinabuhi alang sa ilang kaugalingon kondili alang kaniya nga namatay ug nabanhaw alang kanila.”

—2 Mga Taga-Corinto 5:14-15 (APSD)

“Busa si bisan kinsa kaninyo nga dili mobiya sa tanan nga anaa kaniya, dili mahimo nga akong tinun-an.”

—Lucas 14:33 (ABCEB)

“Dili ingon nga ako nakabaton na niini o nahingpit na kondili nagpadayon ako aron ako makabaton, kay naiya na man ako ni Cristo Jesus. Mga igsoon, wala ako mag-isip nga nakabaton na apan usa ka butang ang akong gibuhay, ang pagkalimot sa mga butang nga nangagi ug ang pagpadayon paingon sa unahan. Nagpadayon ako paingon sa dag-anan alang sa ganti sa langitnong pagtawag sa Dios diha kang Cristo Jesus.”

—Filipos 3:12-14 (ABCEB)

Gusto kong makasiguro nga dili ka maparehas sa sayop sa uban, nga nagtoo nga ang ilang paghinolsol sa dihang ilang gidawat si Ginoong Jesus igo na aron nga matawag sila nga mga Tinun-an ni Kristo.

Imo na bang gitugyan ang tanang pagpanag-iyà sa imong kaugalingon ngadto sa Dios?

“Ang unang lakang sa pag-surrender ngadto ni Ginoong Jesus kinahanglang mahimong parte sa atong adlaw-adlaw nga pagkinabuhì sa pag-pailalom sa Iyang kabobot-on. Isip iyang mga tinun-an, kinahanglan nga magpuyo ta sa usa ka lugar sa kausaban samtang si Kristo nag umol nato nga mahisama sa iyang panagway.”

Adlaw adlaw kung atong tugotan ang Balaang Espiritu, Iyang ipakita nato ang parte sa atong kinabuhì nga kinahanglan natong usbon. Kung naa siyay makita nato nga wala nauyon sa Pulong sa Dios, ang atong buhaton mao lang ang paghinulsol sa atong mga sayop nga panggawi ug musunod sa Iyang Pulong.

Kini nga kinaiya kabahin sa atong pagkinabuhì isip Kristohanon, dili usa ka butang nga makat-onan lang dayon nato samtang kita naga-tobo. Mao nang dili gyud nato unya-unyaon ang paghinolsol, o ang pag-sunod sa Espiritu Santo. Dili na ni siya mohayahay kung imong paunya-unyaan, mao nga himoa na ni dayon karon pa lang daan. Kung magpadugay-dugay pa ka, kay basin ug mas sayon ni unya, gi-iland ra nimo imong kaugalingon ug imo lang gi-pakgang ang buhat sa Balaang Espiritu. Mao nga himoa na ni dayon karon!

Naa gyuy kritikal ug initial nga mga desisyon nga kinahanglan natong himoon sa pagsunod nato ni Kristo, o mupadayon ba ka sa karaang pagpakig-barkada ug karaang mga pamatasan.

Siyempre ang imong mga barkada kaniadto ma tingala gyud sila nga dili naman kaayo ka tigkuyog nila sa mga kahilayan, unya ila kang kataw-an, kontrahon ka nila, ug yaga-yagaan.

“Ayaw kamo pagpahisalaag, “Ang daotang pakig-uban makadaot sa maayong pamatasan.”

—1 Corinto 15:33 (ABCEB)

“Mga mananapaw! Wala ba kamo masayod nga ang pagpakighigala sa kalibotan pagpakigbatok sa Dios? Busa si bisan kinsa nga buot makighigala sa kalibotan naghimo sa iyang kaugalingon nga kaaway sa Dios.”

—Santiago 4:4 (ABCEB)

“Si Ginoong JesuKristo dili usa ka butang nga imo lang idugang sa imong kinabuhi, Siya ang Ginoo nga maoy mag hikap sa imong kasingkasing aron ka maghinolsol sa imong karaang panggawi ug pinaagi ani maabli ang pultahan padulong sa kabag-ohan sa imong kinabuhi.”

Ang usa ka-gabie nga nag-inusara ka sa balay kauban ang Dios, mas bililhon pa sa linibo ka mga gabie kauban ang imong mga barkada ug ang sala. Andam Siya kaniadto sa pagpakamatay para nimo. Andam ba pud ka sa pag biya sa imong karaan ug kalibotanon nga panggawi ug mo-surrender Niya?

“Kay mahal ang iyang pagpalit kanato. Busa gamita ninyo ang inyong lawas sa pamaagi nga madayeg ang Dios.”

—1 Mga Taga-Corinto 6:20 (APSD)

Bisag unsa pa nga sala, pwedi ra gyud na hinolsolan ug pangayo-an ug pasaylo, unya pwedi na tang magpuyo sa tibook natong kinabuhi nga gawasnon gikan ana. Kung dili pa na tinood, nan ang kamatayon ni Kristo wala lang diay toy pulos. Kinahanglan mosalig ta sa gahom sa Iyang Dugo ug ang kausaban nga gusto aning ipasinati sa atong kinabuhi. Ayaw gyud tuo sa uban kung ingnon ka nila nga naa tay sala sa atong kinabuhi nga dili basta-basta makalimtan ug mabiyaan sa paghinolsol lang, kinahanglan barogan gyud nimo ang pagsupak aning pagtulon-ana. Sa dihang magpaubos ta sa atong kaugalingon diha sa pagsugid sa imong mga sala ug sa paghinolsol, uban sa tinud-anay

nga tinguha ug sa pag-ampo diha sa Dios nga mahimo kang gawasnon sa imong sala, sarang Siya sa pagpahigawas nato gikan ani.

Sa wala pa ko maluwas, daotan ug makasasala gyud kaayo ko, unya daghang natingala sa akong kausaban. Di ko motoo nga makalinggawas ko adto ug wa pa ko pakitai sa bersikolo nga naa mabasa sa Santiago.

“Busa ngadto sa usa ug usa pagsinugiray kamo sa inyong mga sala ug pag-ampo kamo alang sa usa ug usa, aron kamo mangaayo. Ang pag-ampo sa tawong matarong dako ug kahimoan.”

—*Santiago 5:16 (ABCEB)*

Nabantayan nako nga kong makasala ko unya maglisod ko sa paglinggawas ani, nisaad kos akong kaugalingon nga kung makasala pa gani ko pag-usab, ako ning i-sugid sa tanan unya hangyoon nako sila nga mag-ampo uban nako alang sa akong kagawasan gikan aning salaa. Kay kung akong isugid ang akong mga sala, unya ang mga tawo magpandon sa ilang mga kamot diri nako ug mag intercede para nako, makalinggawas ko. Sakit gyud kaayo ni himoon unya mao gyud ni nakapa-humble nako labaw pas akong gina-expect. Pero sa kinaulahian makaingon gyud ko nga sa kada higayon nga gi-ingon ani nako pag-himo kung makasala ko, pero nakita nako nga gipalinggawas ko sa Dios.

“Kung magkinabuhi ta nga naay singgit sa atong kasing-kasing nga mahimong gawasnon gikan sa sala, ang Balaang Espiritu matinud-anon nga ipahigawas ta. Ang dugo ni Cristo maoy nagbugto sa gahom sa sala sa atong kinabuhi isip mga Krisohanon.”

Nagtuo ko nga ikaw pud magkinabuhi nga adunay kasing-kasing nga nagadilaab sa pagtinguha nga mahimong gawasnon gikan sa imong mga sala samtang nagtinguha ka nga magkinabuhi alang Kaniya.

Dili gyud nato angayng walaon ang tinguha sulod sa atong mga kasing-kasing nga nagaingon, “O Dios, andam ko nga magbag-o. Mosunod ko Nimo bisag unsa paman

ang nakataya. Sugod karon, kung ang Pulong sa Dios magsulti ug supak sa akong hunahuna ug sa kagustohan sa akong unod, tumanon nako ang Imong Pulong.

“Kinahanglan nga modesisyon ta nga bisag unsa paman ka nindot paminawon ang mga solsol sa demonyo ug sa atong hunahuna, kung gawas ni sa kabubut-on sa Dios, dili gyud ta magtandog ana.”

Hangtod dili nato masabtan nga kinahanglan ta nga mobalibad sa mga honghong sa kaaway ug ilansang ang atong mga kaugalingong kagustohan, dili gyud ta makasunod sa Dios diha sa dapit sa Espiritu.

Naay duha ka kinaiya nga naa sa sulod nato nga perming magkontrahanay, ang karaan ug kalibotanon nga pagkatawo ug ang bag-o nga tawo diha ni Cristo. Magpabilin ni silang magkontrahanay hangtod sa atong pisikal nga kamatayon diri sa Yuta. Ang Espiritu sa Dios maoy mo impluwensya nato sa pag sunod Niya pinaagi sa atong hunahuna nga nabag-o, unya ang kaaway maoy mo solsol sa atong hunahuna aron madani ta sa pagbuhat sa nagustohan sa atong karaang pagkatawo ug mosunod kaniya.

Pero kita gyud ang dapat mo barog ug mo himog desisyon kung asa ang atong sundon ug naka-depende ani ang arong kaugmaon.

Kung pilion nato ang sakto, mamunga ta ug bunga sa Espiritu, ug ang kinabuhi ni Ginoong Jesus makita diri nato. Kung sayop ang atong pilion, atong gipakgang ning klase sa madagayaon nga kinabuhi, ug mamunga ta ug bunga sa unod, nga mao ang sala.

“Kay ang mga tinguha sa unod supak sa Espiritu, ug ang Espiritu supak sa unod, kay kini silang duha nagkasumpaki sa usa ug usa, aron dili kamo makahimo sa buot ninyong buhaton. Apan kon kamo gimandoan sa Espiritu, kamo dili ilalom sa Balaod. Ug dayag kaayo ang mga buhat sa unod nga mao kini: salawayong pakighilawas, kabugaw, kaulag, pagsimba ug mga diosdios, pagsalamangka, pagdinumtanay, panagbingkil, pangabubho, kapungot, kahakog, pagkabahinbahin, pagpundokpundok, kasina, paghuboghubog, mapatuyangong hudyaka ug mga butang nga sama niini. Pasidan-an ko

Mamatay aron Mabuhì (Dying to Live)

kamo sama sa akong pagpasidaan kaninyo kaniadto, nga ang mga nagbuhat sa maong mga butang dili makapanunod sa gingharian sa Dios. Apan ang bunga sa Espiritu mao ang gugma, kalipay, kalinaw, pailob, pagkamaluluyon, pagkamaayo, pagkamatinumanon, kaaghop, pagpugong sa kaugalingon. Walay balaod nga batok niining mga butanga. Ug ang mga iya ni Cristo Jesus naglansang sa ilang unod diha sa krus uban ang mga pangibog ug mga tinguha niini. Kon kita nangabuhì man diha sa Espiritu, kinahanglan nga magkinabuhì usab kita diha sa Espiritu.

—Mga Taga-Galacia 5:17–25 (ABCEB)

“Kon gibanhaw man kamo uban kang Cristo, pangitaa ninyo ang mga butang nga atua sa itaas diin anaa si Cristo, naglingkod sa tuo sa Dios. Itumong ang inyong mga hunahuna diha sa mga butang nga anaa sa itaas ug dili sa mga butang dinhi sa yuta. Kay kamo nangamatay ug ang inyong kinabuhì natago uban kang Cristo diha sa Dios. Sa dihang ipadayag na unya si Cristo nga mao ang inyong kinabuhì, kamo usab ipadayag uban kaniya sa himaya.”

—Mga Taga-Colosas 3:1–4 (ABCEB)

Pwedi nga mapildi permi ang atong bag-o nga pagkatawo nga naninguha sa pagsunod sa Dios kontra sa atong karaan nga pagkatawo nga ang kagustohan mao lang ang pagpakasala, kung dili nato paninguhaan nga mausab ang atong panghunahuna nga maoy gisugo sa Pulong sa Dios nga atong himoon.

Gihatagan ta sa Dios ug awtoridad sa pag-kontrol sa atong mga hunahuna ug sa pagpili kung unsa nga hunahuna ang atong hunahunaon ug sa mga pagpili nga atong pagapilion.

“Gipukan namo ang tanang babag nga gigamit sa mapagarbohon batok sa kabibalo mahitungod sa Dios ug gibihag namo ang tanang hunahuna ug gipasunod kang Cristo.”

—2 Mga Taga-Corinto 10:5 (MBBCEB99)

Nakahinumdom ko sa usa ka estorya nga akong nadunggan gikan sa usa ka pastor nga sigurado ko nga inyong magustohan.

Dihay usa ka bugoy kaayo nga tawo sa Alaska sa panahon sa pagsikat sa mina sa bulawan. Mudulhog siya sa lungsod uban sa iyang duha ka mga iro. Ang usa niya ka iro, kolor puti unya dako kaayo, *Malamute* ang iyang rasa, unya ang ikaduha niyang iro kay itom, unya bati kaayog hitsura, *Mutt* ang iyang rasa. Magtambay ning tawhana sa lungsod sulod sa usa o duha ka adlaw unya mangita siyag mo-pusta sa iyang iro kung kinsay mas isog nila. Siempre ang mga tawo mo-pusta gyud sa puti nga iro kay dako gud kaayo. Klaro kaayo nga ang *Malamute* nga iro mas dako ug kusgan, unya ang itom nga iro wa gyuy padaog aning dako kaayo nga iro. Human niyag kolekta sa ilang mga pusta, iya dayong paawayon ang duha ka iro, unya kay pildihon ra man dayon sa gamay nga itom nga iro ang puti. Usa ka adlaw iyang gitug-anan ang mga tawo sa iyang sikreto, ingon siya, simple ra kaayo: inig abot nila sa lungsod, ang iyang pakan-on kato rang itom nga iro unya pagotman niya ang puti! Mao nga inig away nila, luya na kaayo ang puti nga iro unya dili na ka sukol.

Nindot kaayo ni nga panag-ingnan sa atong pagkinabuhi isip mga tinun-an. Ang gingharian sa kangitngit nga atong gigikanan walay padaog sa sa mahimayaon nga kaahayag nga maoy natawhan sa atong bag-o nga pagkatawo. Ang ato lang himoon mao ang pagpakaon sa aton puti nga iro (nga mao ang atong espiritu) ug pagotman ang atong itom nga iro (nga mao ang atong kalibotanon nga pagkatawo). Magkinabuhi ta nga diin mo bangon ta sayo sa buntag, gaposon nato ang itom nga iro ug pagotman, ug pakan-on nato ang atong puti nga iro. Kini nga proseso sa pagbalaan mahimo nato adlaw-adlaw samtang magkinabuhi ta diha sa pagsurrender sa atong kaogalingon diha ni

Cristo ug tugotan ang Espiritu Santo sa pagpamunga sa Iyang Bunga samtang atong disiplinahan ang atong kaugalingon sa pag-tando sa pag-impluwensya sa Dios.

“Samtang atong hugasan ang atong kaugalingon kada-adlaw pinaagi sa pagbasa sa Pulong, pag-Ampo, pag-Simba, ug pag-Dayeg, magpabilin diri nato ang gahom nga atong gikinahanglan aron sa pagsunod sa Espiritu Santo.”

“Mga hinigugma, mangamuyo ako kaninyo ingon nga mga dumuduong ug mga langyaw, sa paglikay sa lawasnong mga pangibog nga nakig-away batok sa kalag.”

—1 Peter 2:11 (ABCEB)

“Apan ako mag-ingon, pagkinabuhi kamo diha sa Espiritu ug ayaw ninyo tumana ang mga tinguha sa unod.”

—Mga Taga-Galacia 5:16 (ABCEB)

“Ug ang mga iya ni Cristo Jesus naglansang sa ilang unod diha sa krus uban ang mga pangibog ug mga tinguha niini.”

—Mga Taga-Galacia 5:24 (ABCEB)

“Kay ang magpugas diha sa iyang kaugalingong unod, gikan sa unod mag-ani ug pagkadunot apan ang magpugas diha sa Espiritu, gikan sa Espiritu mag-ani ug kinabuhing dayon.”

—Mga Taga-Galacia 6:8 (ABCEB)

“Ayaw kamo palimbong; ang Dios dili kabugalbugalan, kay bisan unsay ipugas sa tawo, mao usab kana ang iyang anihon. Kay ang magpugas diha sa iyang kaugalingong unod, gikan sa unod mag-ani ug pagkadunot apan ang magpugas diha sa Espiritu, gikan sa Espiritu mag-ani ug kinabuhing dayon.”

—Mga Taga-Galacia 6:7-8 (ABCEB)

KINAHANGLANG MOKAON KA

Amigo, sa dihang bag-o pa kang na-tawo, dili pa ka maka-lakaw. Ang imong ulo dako kaayo ikompara sa imong lawas nga pwerti pang gamaya, ang imong mga tiil gagmay pa kaayo aron makadaog nimo. Ingon ana pud ta sa espiritwal, isip mga bag-ong natawo nga mga Kristohanon. Bata ka nga Kristohanon. Ang kinabuhi nga imong nadawat, tinuod nga kinabuhi, ug hingpit ni nga kinabuhi tungod sa Espiritu sa Dios. Pero kinahanglan gihapon ka nga mutubo sa grasya ug kahibalo. Naka-dawat ka ug kinabuhi sa imong espiritu, pero karon, parehas sa bata nga bag-ong natawo, kinahanglan kang mokaon para modako ug mahimo ka nga hamtong nga tawo sa Dios. Niya, unsaon man nato pag-kaon? Mokaon ka pinaagi sa pagbasa sa Pulong sa Dios.

Kinahanglan kang makabalo sa mga lakang diha sa atong pagpakigrelasyon sa Dios, nga Iyang gipakita nato diha sa Iyang Pulong. Ang mga panalangin moabot diri nato kung kita nagkinabuhi nga nahiusa Niya.

“Sa laktod nga pga pagka-estorya, aron ta maka-lakaw uban sa Dios, kinahanglang atong ilhon ang Iyang Pulong, ug kinahanglan nga atong ikinabuhi ang klase sa kinabuhi nga nahimut-an sa Ginoo sumala sa gitudlo sa Bibliya. Ang pagkaon sa Pulong sa Dios kada-adlaw maoy unang lakang nga dapat himoon sa tanang magtutuo.”

“Busa, biniyaan ang tanang pagkadaotan ug ang tanang panglimbong ug pagpakaaron-ingnon ug kasina ug ang tanang pagpangdaot sa dungog, sama sa mga bata nga bag-o pang nahimugso, tinguhaa ninyo ang espirituhanong

gatas nga walay sagol, aron nga pinaagi niini kamo motubo ngadto sa kaluwasan”

—1 Pedro 2:1-2 (ABCEB)

Pinaagi sa atong kaugalingon pagbolot-an, pilion nato ang pagkinabuhi nga naga-basa ug naga-toon sa Biblia ug atong ipabag-o ang atong kaugalingon pinaagi ani, diri ta mahimong tinun-an ni Kristo. Kung pilion nato ang dili pagbuhat ani, ug unya magpadayon ta nga mao lang gihapoy magbuot sa atong kinabuhi, dili gyud nato mailhan si Ginoong Jesus nga unta dapat gyud nato Siyang mailhan.

“Bilang mga tinun-an ni Cristo, kinahanglan gyud nato nga i-commit ang atong mga kinabuhi diha sa Pulong. Kay kung dili, bisan asa pa ka nga simbahan ni-simba, bisag unsa pa nimo ka ma-inampoon, bisag unsa pa kadaghan sa kwarta nga imong gipang-hatag. Dili gyud ta mo-hamtong sumala sa gi-tinguha sa Dios, kung dili nato i-commit atong mga kaugalingon sa pag-basa sa Pulong kada-adlaw ug atong dawaton ni bilang usa ka hingpit nga pinadayag sa Dios sa tawo.”

Naay saad ang Dios nga pinasahi nga panalangin sa mga tawo nga nag-toon ug naghatag ug dakong bili sa Iyang Pulong.

“Ayaw ibulag kining basahon sa Balaod gikan sa imong baba, hinuon pamalandongi kini sa adlaw ug sa gabii aron magmatngon ikaw sa pagbuhat sumala sa tanan nga nasulat niini, kay sa ingon niana, himoon nimo ang imong dalan nga mauswagon ug unya makaangkon ikaw ug maayo nga kalamposan.”

—Josue 1:8 (ABCEB)

“Bulahan ang tawo nga wala maglakaw subay sa tambag sa mga daotan, o magtindog diha sa dalan sa mga makasasala, o maglingkod sa mga lingkoranan sa mga mayubiton; hinuon ang iyang kalipay anaa sa Balaod sa Ginoo, ug sa Balaod niya namalandong siya adlaw ug gabii. Siya sama sa kahoy nga gitanom daplin sa kasapaan sa tubig, nga naghatag sa iyang

Kinahanglang Mokaon Ka (You Must Eat)

bunga sa iyang panahon, ug ang iyang dahon dili malaya. Sa tanan niyang gibubat siya nagmauswagon.”

—Salmo 1:1-3 (ABCEB)

Basahon nato ang Pulong sa Dios inubanan sa Pagtoo, saligan nato nga kita pud pweding makadawat aning mga panalangin.

Nakahinumdom ko sa mubo kaayo nga kanta nga nabal-an nako sauna, mao ni ang giingon sa kanta:

Ang matag-saad aning Balaang Libro, para nako.

Kada Kapitulo, Kada Bersikulo, Kada Linya.

Ug kabalo ko nga ang Pulong sa Dios matuod.

Para ni nako ug nimo.

Ang matag-saad aning Balaang Libro, para nako.

—Wala Ma-Ilbi Kung Kinsa Ang Nagsulat—

“Kinahanglan ngaatong masayran sa atong kasingkasing nga ang Kasulatan tinuod. Kini nasulat pinaagi sa lamdag sa Dios, ug kini ang mapa nga pipasikaran sa atong kinabuhi”

“Apan siya mitubag, “Nasulat na, ‘Ang tawo mabuhi dili sa pan lamang kondili sa matag pulong nga mogula sa baba sa Dios.’

—Mateo 4:4 (ABCEB)

“Ang langit ug ang yuta mangahanaw, apan ang akong mga pulong dili gayod mahanaw.”

—**Marcos 13:31 (ABCEB)**

“Magyukbo ako paatubang sa imong Templo nga balaan ug magpasalamat sa imong ngalan tungod sa imong gugmang walay paglubad ug sa imong pagkamatimumanon; kay gibayaw nimo labaw sa tanan ang imong ngalan ug ang imong pulong.”

—**Salmo 138:2 (ABCEB)**

“Ang tibuok nga Kasulatan gisulat uban sa lamdag sa Dios ug mapuslanon alang sa pagpanudlo, alang sa pagpamadlong, alang sa pagpanul-id ug alang sa pagmatuto diha sa pagkamatarong, aron ang tawo sa Dios mahimong hingpit, sangkap alang sa tanang maayong buluhaton.”

—**2 Timoteo 3:16–17 (ABCEB)**

“Kay ang pulong sa Dios buhi ug naglihok, hait pa kay sa espada nga duhay sulab, modulot lahos ngadto sa nag-ulang sa kalag ug espiritu, sa mga lutahan ug sa mga kauyokan ug motugkad sa mga hunahuna ug katuyoan sa kasingkasing.”

—**Mga Hebreohanon 4:12 (ABCEB)**

“Unsaon man sa usa ka batan-on nga magpabiling hinlo ang iyang dalan? Pinaagi sa pagmatngon niini sumala sa imong pulong.... Ang imong pulong suga sa akong mga tiil, ug kahayag sa akong agianan.”

—**Salmo 119:9,105 (NKJV)**

“Unya nakita nako nga nabukas ang langit, ug dihay usa ka puti nga kabayo! Ang nagkabayo niini ginganlan ug Kasaligan ug Matuod ug pinaagi sa pagkamatarong siya nagbukom ug nakiggubat. Ang iyang mga mata daw kalayo nga nagdilaab, ug sa iyang ulo dihay daghang mga purongpurong, ug siya may sinulat nga ngalan nga walay bisan kinsa nga nasayod gawas sa iyang kaugalingon. Siya nagsul-ob ug bisti nga gituslob sa dugo, ug ang ngalan nga gitawag kaniya, Ang Pulong sa Dios. Ug ang mga panon sa

Kinahanglang Mokaon Ka (You Must Eat)

kasundalohan sa langit nga nagbisti ug pino nga lino, puti nga pagkabinlo, nagsunod kaniya, nagsakay ug mga puting kabayo.”

—Pinadayag 19:11–14 (ABCEB)

“Ang Biblia, bisan tuod ug gisulat ni siya sa papel pinaagi sa mga tawo, pero ang nagpasiugda ani mao ang Dios pinaagi sa Espiritu Santo nga maoy naglamdag nila. Napadayag ang Dios diri nato karong panahona pinaagi sa Biblia.”

Mao ra ba ni ang bugtong nga paagi nga gipadayag sa Dios ang Iyang kaugalingon? Dili! Pero bisan unsa nga klase sa pagpadayag ug pagpamuhat sa Dios pinaagi sa Espiritu Santo (rhema) kinahanglan nga perming mag-uyonay sa Kasulatan (Logos). Lantawa ug sa unsang paagi giklaro ni Apostol Pedro ang dako nga awtoridad sa Kasulatan labaw sa tanan.

“Kay sa iyang (Jesus) pagkadawat sa pasidungog ug himaya gikan sa Dios nga Amahan, sa dihang gihatod kaniya sa Halangdong Himaya ang tingog nga nag-ingon, “Kini mao ang akong pinalanggang Anak, nga kaniya may kalipay ako.” Kami nakabati gayod sa maong tingog gikan sa langit, sa dihang kami uban kaniya didto sa bukid nga balaan. Ug napamatud-an pa gayod ang pulong sa propesiya nga among gibatonan. Maayo nga inyong himoon ang pagtagad niini sama sa usa ka suga nga nagsiga sa ngitngit nga dapit, hangtod magsingabot na ang adlaw ug mosubang ang bituon nga kabugason diha sa inyong mga kasingkasing. Una sa tanan, kinahanglang inyong mahibaloan kini, nga walay propesiya diha sa kasulatan nga mahimoan ug kinaugalingon nga pagsabot, tungod kay walay propesiya nga miabot pinaagi sa kabubut-on sa tawo apan minandoan sa Espiritu Santo, ang mga tawo nagsulti gikan sa Dios.”

—2 Pedro 1:17-21 (ABCEB)

Ang sinugdanan sa Bibliya dili lang kay kabobot-on ni sa tawo. Ang kasulatan dili mga pulong nga gibulak-bulakan o opinyon lang sa mga relihiyoso nga mga tawo. Mga

Kinahanglang Mokaon Ka (You Must Eat)

amigo nako nga mga Kristohanon, ayaw mo pailad sa uban bahin ani nga argumento! Kay ang Bibliya tinuod gyud nga nasulat pinaagi sa lamdag ug panghunahuna sa Dios mismo. Sa dihang basahon nato ning mga bersikolo sa ubos, ato gyung basahon ug sabton ug maayo.

“Paningkamoti pag-ayo ang pagpakita sa imong kaugalingon ngadto sa Dios ingon nga iyang nahimut-an, usa ka magbubuhat nga dili maulaw, nga sa hustong paagi magpasabot sa pulong sa kamatuoran.”

—2 Timoteo 2:15 (ABCEB)

Bantayi ang gisulti ani nga bersikolo kabahin ni Kristo ug sa Iyang dakong pagtagad sa Iglesia.

*“Aron iyang balaanon siya sa mahinloan na niya siya pinaagi sa paghugas kaniya ug tubig pinaagi sa pulong (**rhema**), aron nga sa iyang atubangan ang iglesia ikahalad diha sa iyang katahom, walay buling o kunot o bisan unsa nga sama niini, aron siya mahimong balaan ug dili masaway.”*

—Mga Taga-Efeso 5:26-27 (ABCEB)

Sa unsang paagi nga ang Iglesia mahimong balaan ug walay tatsa, walay mantsa ug kunot? Pinaagi sa paghugas gamit ang tubig pinaagi sa Pulong! Sa dihang basahon nato ang Pulong nga sinulat (Logos), ang Balaang Espiritu maoy maghatag ug kinabuhi ani isip “rhema” nga Pulong, ug pinaagi ani nalimpyohan ta gikan sa himaya padulong sa himaya.

LOGOS UG RHEMA:

Sa English nga Biblia, makita nato nga ang mga tig-translate naggamit lang ug “Word” para sa duha ka lain-laing mga pulong nga makita sa orihinal nga Griyego.

Ang usa ani mao ang **Logos**, ug ang lain mao ang **Rhema**.

Logos

Griyego: λόγος

Ang Pag-basa: log'-os

: ang kinatibuk-an sa Kasulatan.

Rhema

Griyego: ῥῆμα

Ang Pag-basa: hray'-mah

: ang Logos nga gipadayag sa usa ka panghitabo, lugar, ug inubanan sa gahom. O pwedi natong ingnon nga, gipadayag nga realidad sa Logos gikan sa o pinaagi sa Espiritu Santo.

Kung basahon nato ang pulong nga “pulong” sa atong Biblia, importante nga mabal-an nato kung ang gipasabot ani **Logos** o **Rhema** ba.

Kung atong basahon sa dihang gitintal si Ginoong Jesus sa kamingawan, atong mabasa nga niingon si Ginoong Jesus nga, “ang tawo dili mabuhi sa pan lamang, apan sa matag **pulong** nga mugula sa baba sa Dios.” ani nga bersikulo ang pulong nga “pulong” mao ang **rhema**. Niingon si Ginoong Jesus, “Ako ang pan sa kinabuhi.” Mao nga ang gipasabot ni Ginoong Jesus mao nga, dili lang **logos** (Jesus) nga mao si Ginoong Jesus, ang imong gikinahanglan, pero nagkinahanglan pud ka sa **rhema** nga mao ang Balaang Espiritu.

Ato pung mabasa nga si Ginoong Jesus nag-ingon, “Kung magpabilin mo nako ug ang akong mga pulong (Rhema/Balaang Espiritu) magpabilin diha ninyo, pwedi ka

makapangayo bisag unsa nga imong gipangandoy, ug ihatag kini diha kanimo.” (John 15:7)

Ang makanunayon nga pag-toon sa Pulong (Logos) ug ang pagka-puno sa Balaang Espiritu (Rhema) mao dapat ang pundasyon sa matag tinun-an ni Kristo.

Ang pagpamati sa Pulong (Logos) diha sa mga pag-panudlo ug sa mga pag-wali, ug ang personal nga pagtoon niini sa atong kaugalingon, maoy mupalihok sa Balaang Espiritu (Rhema) sa pag-pamuhat sa pag limpyo, ug sa paghugas nga gikinahanglan nga makita sa atong tagsa-tagsa ka mga kinabuhi adlaw-adlaw.

“Kung kanunay tang magtoon sa Biblia ug maminaw sa mga pagpanudlo ug sa mga pagwali sa mga dinihogan nga mga magwawali, makabaton ta ug saktong pundasyon nga atong gikinahanglan aron kita motobo aron mahimng kusgan ug himsog nga tawo sa Dios. Mahimo tang andam ug angayan sa bisag unsa nga maayo nga mga buluhaton.”

Kung dili nato hatagan ug dakong bili ang Pulong ug basahon permi, ug tugotan ang Balaang Espiritu nga mo-badlong ug mopadayag sa realidad ni Kristo diri nato, ang atong kinabuhi dili ma balanse ug mahimo tang huyang. Dili madugay, makaplagn nalang nato atong kaugalingon sa kamingawan nga diin ang kaaway maoy nagpakaon nato ug ginagmay nga bahin sa Kasulatan, nga giusab ang tinuod nga kahulogan, gi-usab ang kamatuoran, ug ang mahitabo atong i-apply sa atong kinabuhi ang dili mao nga pagtulon-an. Kung mao ni ang mahitabo, dili gyud ta mo-mature. Dili nato masinati ang kabobot-on sa Dios para sa atong mga kinabuhi.

Walay tinuod nga discipleship sa kinabuhi sa usa ka tawo nga dili motoman sa Pulong sa Dios. Ang usa ka tawo kinahanglan nga mobasa sa Biblia ug kinahanglan nga motobo human siya matawo pag-usab. Kay kung dili, mabantayan nalang nimo nga nibalik naka sa karaan nimong kinabuhi, nga mura lang ug walay nahitabo. Pwedi kang mosolod ug simbahan, bisag asa, unya mag suhid-suhid ka sa gibuhat o gisulti sa uban, niya nagtoo ka ug mao nana ang imong discipleship, pero dili diay.

Kinahanglang Mokaon Ka (You Must Eat)

“Dili ingon nga kami nangahas sa pagpakig-ingon o sa pagpakigtandi kanila nga nagdayeg sa ilang kaugalingon, apan sila nga nagsinukdanay sa ilang kaugalingon ug nagtinandiay sa ilang kaugalingon—sila dili maalamon.”

—2 Corinto 10:12 (ABCEB)

Aron mahulagway nako ni sa lain nga paagi, sultihano mo nako atong batan-on pa ko sa dihang nagtrabaho ko sa bakahan (rancho). Sa didto pa ko, naka-amigo ko ug batan-ong lalaki nga dyesisiete pa ang edad atong panahona. Cowboy gyud siya, maayo kaayo siyang mokabayo, ug daghan pa gyod siyang nahibal-an. Kada Sabado o Dominggo, moapil siyang Rodeo ug makadaog ug kwarta. Usa ka adlaw, giingnan ko niya nga ni apply siya para pang-professional para maka apil siyang pang world champions nga kompetisyon. Gipangutana nako siya nganong moapil paman kag pang-world champions nga permi naman siyang nakadaog, wala naman siyay pilde-pilde daan. Dili ko kalimot sa iyang giingon nako. Ingon siya, *“Nahadlok ko nga kong dili ko makig-mopetensya sa mga professional, magpabilin ra kong parehas sa mga amateurs ug dili gyud ko mo-angat.”*

Nilabay ang mga katuigan, katong batan-on nga lalaki nidaog ug mga dagko ug sikat nga mga rodeo sa kalibotan, samtang katong mga amateur nga iyang kontra sauna nagpabilin lang gihapon ug apil sa mga ginagmay nga mga kompetesyon kung unsa sila kaniadto.

Mao pud ni mahitabo nato sa espiritwal kung dili ta magtinood sa pagtoon sa Kasulatan mintras batan-on pa ta. Tun-an nato ang mga kinabuhi sa mga bantogan nga mga katawhan (lalaki ug babaye) sa Dios ug magkinabuhi ta parehas sa ilang gihimo diha sa dapit sa Pagtoo!

Kinahanglan nga pakaonon nato ang atong kaugalingon gikan sa Pulong kong ganahan ta nga mahimong David, Deborah, Pedro, o Pablo.

“Sa dihang tun-an nato ang Pulong sa Dios sa putli nga kasingkasing, ang Espiritu Santo maga lig-on sa atong espiritu, ug tungod ani, ang atong espiritu

mamohat sa aton kalag nga maoy magdala ug kabag-ohan. Makabantay nalang ta nga napuno na ta sa pagtuo ug sa bag-ong panglantaw kung kinsa ta diha ni Kristo ug unsa iyang kagustohan para sa atong mga kinabuhi.”

Ang pag-surrender diha kang Kristo nagpasabot nga atong ipailalom ang atong kinabuhi diha sa pag-uyon sa Kasulatan. Sa dihang mas masabtan pa gyud nato kong kinsa ang Dios, mas masabtan pa gyud nato kong kinsa ta diha Niya. Ang pinaka-simple nga pag-sulti ani mao ni, “Ang bugtong nga paagi nga mailhan nimo kinsa ka mao ang pag-ila kong kinsa ang imong Dios, ug ang bugtong nga paagi nga mailhan nimo kong kinsa gyud ang imong Dios mao ang pag-basa ug pagtoon sa Biblia.”

KAPAHULAYAN

Naay basic kaayong kalainan sa pagka-Kristohanon ug sa ubang mga relihiyon sa kalibotan. Ang ubang mga relihiyon namugna alang sa kinahanglan nga buhaton sa tawo para sa iyang dios, pero ang pagka-Kristohanon diha ni sandig sa kong unsa ang gibuhad na sa Dios alang sa tawo. Kay kung ang uban nag iyon “buhata,” ang Krus ni Kristo naga ingon, “humana!” Sa uban nga mga relihiyon, kinahanglan maningkamot ang tawo para mahimong takos atubangan sa iyang dios. Sa pagka-Kristohanon, nadawat nato ang atong posisyon pinaagi sa pagsalig sa kong unsa ang gihimo na sa halad sa dugo ni Kristo. Ang bugtong pamaagi nga mahimo tang takos diha sa atong relasyon sa Dios pinaagi lang sa pagtoo sa gipatuilo nga dugo ni JesuKristo isip maoy bayad sa atong mga kasal-anan.

“Ang mga Kristohanon nagapahulay sa kasigurohan nga sila gilukat na ug naa nay pagpakigdait sa Dios. Ang mga tawo sa ubang relihiyon nagkinabuhi nga wala’y kasigurohan kong unsay kahimtang sa ilang kinabuhi karon, ug sa umaabot. Samtang sila naningkamot ug nagpangabudlay aron makab-ot ang ilang posisyon atubangan sa Dios, ang Kristohanon nagapahulay diha sa pagtuo, nga nasayod nga naangkon na nila kini.”

Ang Kasulatan nagtudlo nato nga ang bugtong nga pagkamatarong nga dawaton sa Dios gikan sa tawo mao ang pagkamatarong nga iyang gisul-ob diri nato sa dihang atong gibutang ang atong tibook nga pagtoo sa kmatayon ni JesuKristo. Kay pinaagi sa atong paghinolsol ug sa pagsalig sa dugo nga ula ni Kristo Jesus isip bayad sa atong mga sala, kita naluwas. Pinaagi sa atong pagtoo diha ni Kristo lamang, kita gitubos gikan sa atong pagkatambog ug nahiuli ang atong relasyon diha sa Dios.

“Ang dugo ni Jesus maoy naglimpyo nato gikan sa atong mga sala ug nagpasiguli sa atong relasyon sa Dios, nga naghimo nato nga matarong sama sa hingpit nga pagkamatarong ni Kristo mismo”

*“Bisan sa dihang patay pa kita tungod sa atong mga kasal-anan, naghimo kanato nga buhi uban kang Cristo. Tungod sa grasya giluwes kamo. Ug ang Dios mibanhaw kanato uban kang Cristo Jesus, ug nagpalingkod kanato uban kaniya diha sa mga langitnong dapit diha kaniya, aron nga sa mga katuigan nga umaabot ang Dios makapadayag sa dili masukod nga kadato sa iyang grasya agig kaluoy nganhi kanato diha kang Cristo Jesus. **Kay tungod sa grasya kamo nangaluwas pinaagi sa pagtuo ug kini dili gikan kaninyo, kini gasa sa Dios.**”*

—Mga Taga-Efeso 2:5-8 (ABCEB)

“Ug gikan kang Jesu-Cristo, ang kasaligan nga saksi, ang panganay gikan sa mga nangamatay, ug ang pangulo sa mga hari sa yuta. Kaniya nga nahigugma kanato ug nagpahigawas kanato gikan sa atong mga sala pinaagi sa iyang dugo ug naghimo kanato nga usa ka gingharian, mga pari ngadto sa iyang Dios ug Amahan, iya ang himaya ug ang paggahom hangtod sa kahangtoran. Amen.”

—Pinadayag 1:5-6 (ABCEB)

Kung atong basahon ni nga bersikolo, makita nato nga ang gigamit nga pulong mao ang **“gihimo.”**

Importante kaayo ni.

Sa akong pagtoon sa original nga Greek ani nga bersikolo, akong napamatud-an nga nasa past tense gyud diay ni. Boot pasabot nga humana ug nahimo na!

Hangtod nga dili ta makapahulay nga magsige ug paningkamot nga dugangan ang nahuman na nga buhat ni Kristo, dili gyud nato masinati ang kinatibuk-an nga pag bo-

bo sa grasya sa Dios sa atong mga kinabuhi nga angay unta natong masinati. Sa atong paglakaw uban sa Dios, kinahanglang magbantay ta nga dili ta mosimang gikan sa atong tinuod nga pagkatawo karon pinaagi sa hingpit ug nahuman na nga buhat ni Kristo sa Krus.

“Sugod sa atong pagkaluwas, dili gyud ta mobiya sa atong dapit sa kapahulayan kay nakabalo ta nga kita na ang pagkamatarong ni Kristo.”

Kay ang atong pagtoo diha sa hingpit nga buhat ni Kristo, nga iyang gitapos pinaagi sa iyang kamatayon ug pagkabanhaw mga 2,000 ka tuig na ang nilabay, maoy nag pa-gawas sa langitnon nga impluwensya sa Espiritu sa Dios ug sa Iyang grasya. Nagpuyo na Siya sulod nato ug kita nagpuyo na sulod Niya. Kung malimtan nato ni, magsugod na pud tag pangitag paagi sa paghimo sa atong kaugalingon nga pagkamatarong pinaagi sa atong mga binuhatan ug pagpaningkamot.

Ang example sa atong paglakat diha sa grasya makita sa Daang Tugon, sa dihang nagsugo ang Dios sa mga pari nga dili sila magsul-ob ug bisan unsa nga maoy makaingon nga panington sila samtang naghimo sila sa ilang mga buluhaton sa templo atubangan sa Dios.

Kini usa ka ilustrasyon kung unsaon nato nga dili nato tugotan nga ang atong kaugalingon nga pagpaningkamot mosulod sa atong kinabuhi ilalom sa grasya. Samtang naglakat kita ilalom sa gahom sa Espiritu, dili kita mo-undang sa pagpahulay diha sa natapos nga gihimo ni Kristo ug sa Iyang dugo, ug sa kung kinsa kita karon diha Niya.”

Sa dihang naa ta sa pagpahulay, permi natong pakan-on ang atong kaugalingon sa Pulong: magmasinugtanon: giniyahan sa tingog sa Balaang Espiritu: samtang nagkinabuhi ta diha sa atong pagpakigrelasyon ug pagpakig-uban sa Dios pinaagi sa pagtoo.

“Kinahanglan nga magkinabuhi ta nga nagapahulay sa dapit diin kita naa nay hingpit nga kapasayloan ug pagkadinawat atubangan sa trono sa Dios!”

Kapahulayan (Rest)

Sa dihang makasala ta, atong gilapas kining relasyon sa gugma ug atong gipasobo ang Balaang Espiritu.

Kung mahitabo man ni, kinahanglan ta nga mobalik dayon diha ni Kristo nga maykagool ug paghinolsol.

Sa samang paagi nga nagkinahanglan ta sa dugo ni Jesus aron ta maluwas, nagkinahanglan pud ta sa Iyang dugo aron ta makapadayon.

“Mga anak, gisulatan ko kamo niini aron dili na kamo magpakasala. Apan kon may makasala, may manlalaban kita nga si Jesu-Cristo, ang matarong. Siya maoy mangatubang sa Amahan. Siya mao ang balad aron mapasaylo ang atong mga sala ug dili lang kay ang ato ra kondili ang mga sala usab sa tanang tawo.”

—1 Juan 2:1–2 (MBBCEB99)

Human nga kita tinod-anay nga naghinolsol ug nangayo ug kapasayloan sa atong sala, pwedi na ta nga mopaholay ug balik diha sa gugma ug panalangin sa Dios.

Ayaw pailad sa yawa kong patoohon ka niya nga ang Dios nagbase sa imong mga binuhatan aron ka mahimong takos sa Iyang atubangan.

Sa dihang makasala ka, ang Balaang Espiritu maoy mo badlong nimo. Kung mahitabo man gani ni, kinahanglan nga hinolsolan dayon nimo ang imong sala, pero ayaw duhahai ang kamatuoran sa imong bag-ong pagkatawo. Ang yawa dili gyud mo undang sa pagpaningkamot nga mapakyas ta diri sa parte sa atong kalag ug unod, unya patoohon ta niya nga ang hingpit nga buhat sa atong bag-ong espirituhanon nga pagkatawo dili tinood.

“Tungod niini, karon dili na hukman sa silot ang nahiusa kang Cristo Jesus.”

—Mga Taga-Roma 8:1 (MBBCEB99)

Ayaw duha-duhai ang imong kaluwasan! Kay kong magduhaduha ka, mawala nimo ang imong kalinaw unya maningkamot dayon ka sa pagbuhat sa mga butang nga gihimo na ni Kristo didto sa Krus!

“Kung magkinabuhi ta ilalom sa bakak ug sa atong kanunay nga pagbasol sa atong kaugalingon, sa pagkatinood, atong gilimod si Kristo pinaagi sa pagsalikway nato sa Iyang grasya ug ato hinoon nga gipulihan sa atong kaugalingong pagpaningkamot.”

Kung mao ni ang mahitabo, nihonong na ta sa paglakaw diha sa Espiritu pinaagi sa pagtoo, ug nisimang ta balik sa pagka-higpit sa balaod.

Kung mabantayan nato ang atong kaugalingon nga nakigrelasyon ta sa Dios base sa atong binuhatan o pagka-walay binuhatan, kinahanglan ta nga mangayo ug pasaylo. Pinaagi ani, gawasnon na usab nga makapamuhat ang grasya sa Dios diri nato aron maka angkon ta sa Iyang kinabuhi ug makapamunga.

Usa sa pinakadako nga rason nganong kalabanan nato naglisod aning bahina tungod kay wa pa gyud nato masulbad ni nga isyu kabahin sa panglantaw sa Dios Amahan mahitungod nato. Sa dugay na nga panahon, si Satanas nagpalibog nato pinaagi sa pagbuhat ug dautan dayon basolon niya ang Dios, samtang sa samang paagi iyang angkonon ang mga maayong butang nga gihimo sa Dios.

Tungod ani, ang kadaghanan nato kinahanglang koreksyonan ang atong pagsabot kabahin sa panglantaw sa Dios diri nato.

Naa tay panaghap nga paminaw nato usahay malipayon Siya, usahay nasuko, ug basin perming wala Siya sa mood. Kalabanan nato naay feeling nga basig nalipay siya sa ubang mga tawo, pero siguro wala siya nalipay namo. Usahay wa tay puangod kay nagtuo ta nga ang Dios naay personal nga pagdumot nato.

“Si Satanas dili gyud mohunong sa pagsulay sa pag-lingla nato aron patoohon ta nga dili gugma ang Dios. Gusto siya nga magpuyo ta nga ilalom sa paghukom imbes nga mopabilin sa natapos na nga buhat ni JesuKristo.”

*“Palandongang ninyo unsa ka dako ang paghigugma sa Amahan kanato!
Gihigugma kita niya pag-ayo nga tungod niini giisip kitang mga anak sa
Dios ug mao gayod kana kita.”*

—1 Juan 3:1 (MBBCEB99)

*“Busa kamong mga dili Judio dili na mga langyaw o mga dumuduong
kondili mga kauban na sa katawhan sa Dios ug mga sakop na sa iyang
banay.”*

—Mga Taga-Efeso 2:19 (MBBCEB99)

Gatoo ta nga ang pagdool nato ni Kristo murag pultahan nga naablig gamay nga igo lang tang maka-lili aron makalantaw sa Ginoo. Dayon maningkamot ta ug pangitag paagi nga dawaton ta aning lisod kaayong duolon nga Dios nga usahay, mangihunahunaon diri nato. Dako kaayo ning sayop!

Ang Balaang Kasulatan klaro kaayo nga nag-ingon nga gisagop na ta ingon nga mga anak diha sa panimalay sa Dios. Mga manununod kita kauban ni Kristo.

“Sa dihang na tawo ta pag-usab, kinahanglan natong masabtan nga nilakat ta paingon sa pultahan sa Dios ug kini nga pultahan inablihan para nato. Ang Dios sa walay kataposan nagdala kanato pinaagi sa Iyang mga kamot ug karon Iya na tang mga kaanakan”

Ang atong relasyon sa Dios usa ka lig-on nga kamatooran diha sa Iyang kasingkasing.

Naglingkod na ta karon sa lamesa sa panimalay sa Dios nga atong Amahan nga diin naga pakig-ambit kita sa Iyang walay kataposan nga panalangin.

Ipagawas ang imong pagtuo ug ablihi ang kinabuhi nga giandam sa Dios alang nimo!

Kapahulayan (Rest)

“Karon, unsa may atong ikasulti mahitungod niini? Kon dapig kanato ang Dios, kinsay makigbatok kanato? Kon wala magdumili ang Dios sa pagtugyan sa iyang Anak ngadto sa kamatayon alang kanatong tanan, dili ba hatagan usab kita niya sa tanang butang nga atong pangayoong kaniya?”

—Mga Taga-Roma 8:31–32 (MBBCEB99)

Mobalik ta sa Genesis ug atong lantawon ug unsay naa sa sulod sa kasingkasing sa atong Langitnon nga Amahan para nato. Sa dili pa, basahon nato ni nga mga bersikolo kay makatabang ni aron mas masabtan pa gyud nato.

“Unya si Pedro misugod sa pagsulti ug miingon, “Sa pagkatinuod akong naila nga ang Dios walay pinalabi. Apan diha sa matag nasod, si bisan kinsa nga mabadlok kaniya ug magbuhat sa matarong dawaton niya.”

—Mga Buhat 10:34–35 (ABCEB)

“Kay ang tanan kaninyo nga gibautismohan ngadto kang Cristo nagsul-ob kang Cristo. Walay Judio o Grego, walay ulipon o gawasnon, walay lalaki o babaye, kay kamong tanan usa ra diha kang Cristo Jesus.”

—Mga Taga-Galacia 3:27–28 (ABCEB)

Karon atong uyonan nga tuohan ug dawaton nga kining mga bersikoloha para ni nato. Dili ta makaingon nga wala tay labot sa plano sa kaluwasan. Kung gidawat na nimo si Jesus isip Ginoo ug gibyaan ang imong sala, nan kung gihigugma man sa Dios ug gidawat ang uban, gihigugma ug gidawat pud ka Niya!

NASILYOHAN NA KA HANGTOD SA HANGTOD DIHA NI KRISTO

Kung sukwahi ani ang atong panglantaw sa atong kaugalingon, nagpasabot nga kulang ug mabaw ra kaayo ang atong pagtoo diha ni JesuKristo.

Nahinomdoman nimo sa estorya kabahin sa Garden sa Eden nga maghisgot ta nga naay duha ka klase sa kahoy’ng ginganlan ug gihisgotan didto? Gihisgotan na nato ang

“Kahoy sa Pag-ila sa Maayo ug Dautan,” pero ang usa diay ka kahoy? Mao to ang “Kahoy sa Kinabuhi.”

Nag-ingon ang Dios nga pwedi silang maka-kaon sa tanang bunga sa kahoy gawas sa bunga sa “Kahoy sa Pag-ila sa Maayo ug Dautan.”

Ang “Kahoy sa Kinabuhi” gibutang didto aron unta kaonon sa tawo.

Didto sa Garden, gihatagan sa Dios ang tawo ug pagbolot-an sa pagpili nga makabaton ug kinabuhing dayon kauban Siya, ug ang pagbolot-an sa pagpili sa pag-supak ug mamatay. Kung wala pa nisupak si Adan ug si Eba sa Dios, na-kaon unta nila ang “Kahoy sa Kinabuhi” ug nagpabilin didto sa Garden. Wala unta nakasala ang tawo, ug wala untay kamatayon ang mga tawo.

“Ang katuyoan sa Dios alang sa tawo mao lang gihapon. Naghatag Siyag dalan paingon sa kinabuhi pinaagi kang Jesu-Cristo, ug naa sa tawo ang pag-pili sa pag-dawat ni Cristo, o sa pag-dumili ug magpabilin nga patay”

Karon nga nahibal-an na nato ni, ang atong himoon mao ang pagpadayon ug pagsunod sa kabobot-on sa Dios alang nato samtang Siya naninguha sa pagpanalangin ug pagluwas sa Iyang mga kaanakan.

“Ug gipanalanginan sila sa Dios, ug ang Dios miingon kanila, ‘Sanay kamo ug panaghan, ug lukpa ang yuta ug dumalaha kini ug kamo ang maggahom ibabaw sa mga isda sa dagat, ug sa mga langgam sa kalangitan, ug sa tanan nga buhing binuhat nga naglihok sa ibabaw sa yuta.’”

—Genesis 1:28 (ABCEB)

“Ug gipanalanginan sa Dios si Noe ug ang iyang mga anak, ug miingon kanila, ‘Sanay kamo ug panaghan, ug pun-a ninyo ang yuta.’”

—Genesis 9:1 (ABCEB)

Kapahulayan (Rest)

“Ug akong buhaton gikan kanimo ang usa ka dako nga nasod, ug ikaw panalanginan nako ug himoong bantogan ang imong ngalan, aron ikaw mahimo nga usa ka panalangin.”

—Genesis 12:2 (ABCEB)

“Niadtong panahona si Abram dato kaayo sa kahayopan, sa plata ug sa bulawan.”

—Genesis 13:2 (ABCEB)

“Ikaw panalanginan gayod nako ug akong padaghanon ang imong mga kaliwat sama sa mga bituon sa langit ug ingon sa balas nga anaa sa baybayon sa dagat.”

—Genesis 22:17 (ABCEB)

“Ug nagpugas si Isaac niadtong yutaa ug nakaani niadtong maong tuig ug usa ka gatos ka pilo kay siya gipanalanginan sa Ginoo. Ug siya nadato ug nagpadayon sa pagtigom ug daghan pa gayod hangtod nga siya nahimong adunahan kaayo.... Ug mipakita kaniya ang Ginoo niadtong gabhiona ug miingon, “Ako mao ang Dios ni Abraham nga imong amahan. Ayaw kabadlok kay ako nag-uban kanimo ug ikaw panalanginan nako, ug padaghanon nako ang imong mga kaliwat tungod kang Abraham nga akong sulugoon.”

—Genesis 26:12–13,24 (ABCEB)

“Ug ang Ginoo miingon kang Moises, 23“Sultihi si Aaron ug ang iyang mga anak nga lalaki: Sa ingon niini nga paagi kamo magpanalangin sa mga anak sa Israel, ingna ninyo sila, Ang Ginoo magpanalangin kaninyo ug magbantay kaninyo; Ang Ginoo magdan-ag sa iyang nawong ibabaw kaninyo, ug magmaluluy-on kaninyo; Ang Ginoo magyahat sa iyang nawong nganha kaninyo ug maghatag kaninyo ug kalinaw. “Busa ibutang nila ang

Kapahulayan (Rest)

akong ngalan sa ibabaw sa katawhan sa Israel ug ako magpanalangin kanila.”

—Numeros 6:22–27 (ABCEB)

“Tan-awa, ako nakadawat ug sugo sa pagpanalangin; ug siya nagpanalangin ug ako dili makabakwi niini.”

—Numeros 23:20 (ABCEB)

“Ug kon inyong tumanon ang tingog sa Ginoo nga inyong Dios, nga magmatngon sa pagbuhat sa tanan niyang kasugoan nga gisugo nako kaninyo niining adlaw, ang Ginoo nga inyong Dios magbutang kaninyo ibabaw sa tanang nasod sa yuta. Ug kining tanang mga panalangin moabot kaninyo ug modangat kaninyo kon inyong tumanon ang tingog sa Ginoo nga inyong Dios. Mabulahan kamo didto sa lungsod ug mabulahan kamo sa inyong kaumahan. Mabulahan ang bunga sa inyong lawas ug ang bunga sa inyong yuta ug ang bunga sa inyong mga mananap, ang tubo sa inyong mga baka ug ang mga nati sa inyong panon sa karnero. Mabulahan ang inyong bukag ug ang inyong masahanan. Mabulahan kamo sa dihang mosulod kamo ug mabulahan kamo sa dihang mogula kamo. “Ang Ginoo maghimo nga ang inyong mga kaaway nga moalsa batok kaninyo mabuntog diha sa inyong atubangan. Manggula sila batok kaninyo sa usa ka dalan, ug sa pito ka dalan mokagiw sila gikan kaninyo. 8Ipadala sa Ginoo ang panalangin nganha kaninyo, sa inyong mga kamalig ug sa tanan nga inyong buhaton ug siya magpanalangin kaninyo didto sa yuta nga gihatag kaninyo sa Ginoo nga inyong Dios. Ang Ginoo magtukod kaninyo ingon nga katawhan nga balaan alang sa iyang kaugalingon sumala sa gipanumpa niya kaninyo kon tumanon ninyo ang mga sugo sa Ginoo nga inyong Dios ug maglakaw kamo diha sa iyang mga dalan. Ug ang tanang mga katawhan sa kalibotan makakita nga kamo gitawag pinaagi sa ngalan sa Ginoo, ug sila mangahadlok kaninyo. Ug ang Ginoo magpadagaya kaninyo diha sa kauswagan, sa bunga sa inyong lawas, sa bunga sa inyong kahayopan, sa mga

Kapahulayan (Rest)

bunga sa inyong yuta, sa yuta nga gipanumpa sa Ginoo ngadto sa inyong katigulangan nga ibatag niya kaninyo. Buksan sa Ginoo alang kaninyo ang iyang maayong tipiganan, ang kalangitan, aron sa paghatag ug ulan alang sa inyong yuta sa panahon niini ug aron sa pagpanalangin sa tanang buhat sa inyong mga kamot, ug magpahulam kamo ngadto sa daghang mga nasod apan dili kamo manghulam. Ug ang Ginoo maghimo kaninyo nga ulo ug dili ikog. Ug kamo maibabaw lamang ug dili mailalom kon kamo motuman sa mga sugo sa Ginoo nga inyong Dios nga gisugo nako kaninyo niining adlaw, nga magmatngon sa pagbuhat niini.”

—Deuteronomio 28:1–13 (ABCEB)

Karon atong basahon ang uban pang mga bersikolo nga nagpakita nga ang tanang panalangin nga gisaad sa Dios kang Abraham ug sa nasod sa Israel, naatoa na pud karon diha ni JesuKristo!

“Si Cristo milukat kanato gikan sa tunglo sa Balaod sa diha nga nahimo siyang tunglo alang kanato—kay nasulat, “Tinunglo ang matag usa nga gibitay diha sa kahoy”— aron nga pinaagi kang Cristo Jesus ang panalangin kang Abraham mahiadto sa mga Gentil (kita), aron nga pinaagi sa pagtuo kita makadawat sa gisaad nga Espiritu.”

—Mga Taga-Galacia 3:13, 14 (ABCEB)

“Ug kon kamo mga iya ni Cristo, kaliwat kamo ni Abraham, mga manununod sumala sa saad.”

—Mga Taga-Galacia 3:29 (ABCEB)

Diha sa atong pagpahuway sa natapos na nga gibuhad didto sa Krus, ato pud nga nahibal-an nga gisagop ta isip mga kaanakan sa panimalay ni Israel ug nahimo tang mga anak nga lalaki ug babaye ni Abraham, ang amahan sa atong pagtoo.

Kapahulayan (Rest)

Sa dihang basahon nato ang Balaang Kasulatan, ang nasod sa Israael; ang natural nga kaliwat ni Abraham, sa wala madugay nawala gikan nila ang yuta tungod sa ilang pagsupak sa Dios.

Pero bisan pa man, atong makita nga ang kasingkasing sa Dios nasubo tungod sa Iyang gugma.

“Kay ako nahibalo sa akong mga laraw alang kaninyo, nag-ingon ang Ginoo, mga laraw sa kaayohan ug dili sa kadaotan, sa paghatag kaninyo ug kaugmaon ug paglaom. Unya motawag kamo kanako, ug moduol ug magampo kamo kanako, ug ako mamati kaninyo. Kamo mangita kanako ug makakaplag kanako; sa diha nga kamo mangita kanako uban sa tibuok ninyong kasingkasing, ako makaplagn ninyo, nag-ingon ang Ginoo.”

—Jeremias 29:11–14 (ABCEB)

“May kalipay ba ako sa kamatayon sa tawong daotan, nag-ingon ang Ginoong Dios, ug dili ba hinuon nga siya mobalik gikan sa iyang dalan, ug mabuhi?”

—Ezekiel 18:23 (ABCEB)

Ang kagustohan lang sa Dios mao nga kita makabaton ug kinabuhi nga madagayaon.

“Ang kawatan moanhi aron lamang sa pagpangawat ug sa pagpatay ug sa paglaglag. Ako mianhi aron sila makabaton ug kinabuhi ug magbaton niini sa madagayaon gayod.”

—Juan 10:10 (ABCEB)

Wala’y sayop sa Dios ug sa iyang mga handom diri nato, ug walay maayo diha sa panulay ug sa iyang mga plano kontra nato.

Kapahulayan (Rest)

“God seeks only to love and to bless, while the devil seeks only to rob and to kill. Let’s settle in our hearts once and for all, God loves us, and His love will never fail!”

Gipakita sa Dios ang gugma pinaagi ni JesuKristo.

Kinahanglan nga dawaton nato ni nga gugma pinaagi sa pagtoo ug mupahuway ta.

“Si bisan kinsa nga magsugid nga si Jesus mao ang Anak sa Dios, ang Dios magpabilin diha kaniya, ug siya diha sa Dios. Kita nahibalo ug nagtuo sa gugma nga gibatonan sa Dios alang kanato. Ang Dios gugma ug ang nagpabilin sa gugma nagpabilin sa Dios ug ang Dios nagpabilin diha kaniya.”

—1 Juan 4:15–16 (ABCEB)

“God loves us, and we can’t change that! We must simply believe that it’s true and know that He died for us because his love was so great!”

Iya tang gipahigawas, unya, uban sa Iyang nawong nga nagkadugo ug sa Iyang mga kamot nga nasamaran sa lansang, nangutana Siya diri nato uban sa gugma, **“Mosunod ba ka nako?”**

ANG LAWAS

Human nato mabasa ang Bag-ong Tugon, atong naklaro nga ang pagka born again dili lang kutob sa pag usab sa atong panghuna-huna ug dili ni usa ka bag-o nga prinsipyo. Usa ni ka paagi sa pagkinabuhi. Kinahanglan makita nato ang atong kaugalingon nga sa diin, usa ka miyembro sa usa ka panimalay nga gitawag ug Lawas ni Kristo, nga mao ang Iglesia.

“Ang presensya sa usa ka Iglesia sa usa ka lugar mao ang gitawag nato ug local nga Iglesia. Palibot aning usa ka pamilya atong ikinabuhi ang walay pinalabi nga gugma nga gibutang ni Kristo sa atong mga kasingkasing”

Ang Iglesia dili mao ang simbahan nga atong gitigoman, kondili mao kini ang Lawas ni Kristo, nga mao ang mga magtotoo. Basahon nato ang mga bersikolo nga naghisgot kabahin ani.

“Apan gisulat nako kining maong mga butang aron nga kon malangan man ako, ikaw mahibalo na unsaon sa paggawi diha sa sulod sa panimalay sa Dios nga mao ang iglesia sa buhi nga Dios, ang haligi ug patukoranan sa kamatuoran.”

—1 Timoteo 3:14-15 (ABCEB)

“Ug ang inyong kaugalingon usab, ingon nga mga buhi nga bato, ipahimo ninyong espirituhanon nga balay, alang sa balaan nga pagkapari, aron sa paghalad ug espirituhanong mga halad nga kahimut-an sa Dios pinaagi kang Jesu-Cristo.”

—1 Pedro 2:5 (ABCEB)

Ang panglantaw sa Dios nato karon dili na parehos sa Iyang panglantaw nato kaniadto, kondili gilantaw ta Niya isip mga miyembro sa Lawas ni Kristo diri sa Kalibotan.

“Kay wala gayoy tawo nga nagdumot sa iyang kaugalingong lawas, kondili magpakaon hinuon niini ug mag-amoma niini sama sa gibuhay ni Cristo alang sa iglesia, kay mga bahin man kita sa iyang lawas.”

—Mga Taga-Efeso 5:29–30 (ABCEB)

“Ug ang Dios nagpabiluna sa tanang mga butang aron mahisakop ilalom sa iyang mga tiil, ug naghimo kaniya nga ulo ibabaw sa tanang mga butang alang sa iglesia nga mao ang iyang lawas ang kahingpitan niya nga mao ang naghingpit sa tanan diha sa tanan.”

—Mga Taga-Efeso 1:22-23 (ABCEB)

Mga miyembro ta sa Lawas ni Kristo, nga mao ang Iglesia. Ang Balaang Kasulatan nagtudlo nato nga ang Lawas daghang miyembro ug mga parte, pero usa lamang ka lawas. Matag usa kanato parte sa usa ka Lawas ni Kristo.

“Kay sama nga ang lawas usa ra ug adunay daghang mga bahin, ug ang tanang mga bahin sa lawas bisan daghan usa ra ka lawas, ingon usab niana diha kang Cristo. Kay pinaagi sa usa ka Espiritu kitang tanan, mga Judio o mga Grego, mga ulipon o mga gawason, gibautismohan ngadto sa usa ka lawas ug kitang tanan gipainom sa usa ka Espiritu.”

—1 Corinto 12:12-13 (ABCEB)

“Oo, ang lawas adunay daghang bahin, dili lang usa ka bahin ... Mao kini ang akong buot ipasabot: Kitang tanan managsama usa ka lawas ni Cristo, ug ang matag-usa kanato usa ka lahi ug importante nga bahin niini.”

—1 Corinto 12:13–14, 27

Sa dihang gidawat nato si Ginoong Jesus, gihatagan ta Niya'g parte sa Iyang Lawas. Sa walay duhaduha, ang Pulong sa Dios nag-ingon nga dili na kita maoy tag-iya sa atong kaugalingon, hinoon ang Dios na maoy nanag-iya nato.

“Dili ta maka-ingon nga may tinuod ta nga relasyon ni Kristo kung wala tay saktong relasyon sa Iglesia. Kinahanglang masabtan nato nga dili lang kini usa ka abstract nga ideya. Sa pisikal ug espiritwal, kinahanglan kita magtinabangay ug mahimong kabahin sa Lawas ni Kristo.”

“Busa naghangyo ako kaninyo mga igsoon, pinaagi sa mga kaluoy sa Dios, sa pagtugyan sa inyong mga lawas isip halad nga buhi, balaan ug makapahimuot sa Dios nga mao ang inyong espirituhanon nga pagsimba.”

—Mga Taga-Roma 12:1 (ABCEB)

Timan-i nga ang gi-ingon itugyan ang atong kaugalingon, dili lang ang atong pag uyon ani nga pamaagi, kondili ang aktwal ug pisikal nga mag-apil sa imong kinabuhi sa katilingban sa lokal nga Iglesia.

Notice that it says present your bodies, not your agreement to this concept, but the actual physical involvement of your life in the society of the local church.

“Ug mamalandong kita alang sa pagdinasigay sa usa ug usa ngadto sa paghigugma ug sa mga maayong buhat, 25sa walay pagbiya sa atong panagtigom, ingon sa gibuhat sa pipila, hinuon magdinasigay kita sa usa ug usa ug ilabina gayod sa makita na ninyo nga ang Adlaw nagkaduol na.”

—Mga Hebreohanon 10:24–25 (ABCEB)

Aron ta mo-tubo ug mahimong usa ka tawo nga gipangandoy sa Dios para nato, kinahanglan tang mahimong kabahin nga nagkahiusa sa Lawas ni Kristo nga gipadayag diri sa kalibotan, nga mao ang lokal nga Iglesia.

Atong makaplagan ang gugma sa Dios sa lokal nga Iglesia. Dinhi gikinabuhi ang gugma ni Kristo.

“Kay ang balita nga inyong nadungog sukad sa sinugdan mao nga kinahanglang maghigugmaay kita sa usa ug usa... Pinaagi niini kita nahibalo sa gugma, nga siya mitahan sa iyang kinabuhi alang kanato ug kinahanglan nga kita usab magtahan sa atong kinabuhi alang sa mga igsoon.”

—1 Juan 3:11,16 (ABCEB)

Kabantay ka nga wala nag ingon ang kini nga bersikolo nga imong ihalad ang imong kinabuhi alang ni Kristo, kondili ang giingon mao nga atong ihalad ang atong kinabuhi sa atong isigka-tawo.

“Mga hinigugma, maghigugmaay kita sa usa ug usa kay ang gugma iya sa Dios, ug siya nga nahigugma gipakatawo sa Dios ug nakaila sa Dios. Ang wala mahigugma wala makaila sa Dios kay ang Dios gugma. Ang gugma sa Dios gipadayag dinhi kanato pinaagi niini, nga gipadala sa Dios ang iyang bugtong Anak nganhi sa kalibotan aron kita mabuhi pinaagi kaniya. Niini ania ang gugma, dili nga kita nahigugma sa Dios kondili nga siya nahigugma kanato ug nagpadala sa iyang Anak nga halad sa pasig-uli alang sa atong mga sala. Mga hinigugma, kon ang Dios nahigugma gayod kanato, kinahanglan nga kita usab maghigugmaay sa usa ug usa.”

—1 Juan 4:7–11 (ABCEB)

Karon atong lantawon ug unsa’y kabobot-on sa Dios nga buluhaton sa lawas ni Kristo sa dihang kini magakatigom.

*“Busa unsa man, mga igsoon? Inigtigom ninyo, ang **matag-usa** andam na nga may alawiton, may pagtulun-an, may pinadayag, may laing*

pinulongan, o hubad sa kabulogan niini. Ipahimo ang tanan alang sa pagpalig-on.”

—1 Corinto 14:26 (ABCEB,2011)

Dapat natong timan-an nga ang giingon sa bersikolo kay “ang matag-usa,” nga ang pasabot, apil ta tanan. Kung gidawat nato si JesuKristo sa atong kasingkasing, kung naninguha ta nga mahimong Iyang tinun-an, kinahanglan nga giniyahan ta sa Balaang Espiritu paingon sa atong responsibilidad diha sa lawas ni Kristo.

Ang Dios nagtawag sa uban niya nga mga alagad sa pag alagad sa simbahan pinaagi sa espisyal nga mga klase sa ministry. Ang Biblia naghigot kabahin sa lima ka klase sa ministry nga gihatag sa iglesia para sa buluhaton sa pag-alagad aron sa pag-sangkap sa mga balaang katawhan sa Dios. Mao ni siyay ginatawag ug “ang five-fold ministries” sa iglesia.

“Ug ang iyang (Jesus) mga gasa mao nga ang uban mahimong mga apostoles, ang uban mga propeta, ang uban mga ebanghilista, ang uban mga pastor ug mga magtutudlo, aron sa pagsangkap sa mga balaan alang sa buhat sa pagpangalagad, alang sa paglig-on sa lawas ni Cristo, hangtod makakab-ot kitang tanan ngadto sa pagkahiniusa sa pagtuo ug sa kabibalo mahitungod sa Anak sa Dios, ug ngadto sa kahamtong sa pagkatawo, sa sukod sa gidak-on sa kabingpitan ni Cristo”

—Mga Taga-Efeso 4:11 (ABCEB)

Ang Balaang Kasulatan klaro kaayong nag-ingon nga plano ni sa Dios nga kining lima ka mga klase sa ministry makita sa local nga iglesia hangtod nga ang tanan mo-mature ug maparehas ni Cristo. Sa ato pa, makita nato sila nga naga-minister sa mga magtotoo sa iglesia hangtod sa pag-balik ni Cristo, o hangtod nga ang tanan sa iglesia mahisama ni Cristo Jesus. Ang kinabuhi, gahom, ug katoyoan sa atong nabanhaw nga Ginoo mapadayag kong kining lima ka klase sa ministry nagapamuhat ilalom sa mando sa Dios. Parehas nga ang silhig perming gigamit sa pagsilhig sa salog arong magpabilin nga

limpyo, kini nga mga ministries kinahanglan pud nga ilhon ug i-release aron sa pag minister sa lawas ni Cristo aron nga mahimo ning balanse ug himsog.

Sulod sa lokal nga panagtigom, naa ang mga deacons ug elders. And deacon maoy gitahasan sa mga pang-adlaw adlaw nga mga pagdumala ug buluhaton sa simbahan, samtang ang elders naga-focus sa ilang kaogalingon sa pag-ampo ug sa pagtoon sa Pulong.

Dili ni dapat himoon natong pasangil nga ang atong panglantaw sa uban mas matarong ug mas taas ug posisyon atubangan ni Kristo ikompara nato. Atong makita kong atong basahon ang Libro sa Buhat nga ang mga *deacons* naghimo ug daghang mga milagro parehas sa mga naunang mga Apostoles o mas labaw pa gani.

Bisan pa man ug mag-alagad ta o dili sa ing-ani nga kapasidad, kinahanglan nga maninguha gihapon ta nga motubo ug mahimong angayan sa mga gikinahanglan para sa pag-ministry.

Sa sulat ni Pablo para sa mga taga-Roma, nahibal-an nato nga ang Dios naay gihatag nga specific nga buluhaton para nato diha sa iglesia. Ang Balaang Espiritu naghatag ug grasya, katakos nga gikan sa Dios, aron ang kada-usa nato makahimo sa atong buluhaton ug maka-alagad sa iglesia.

“Kay sama nga diha sa usa ka lawas adunay daghang mga bahin, ug ang tanang mga bahin dili managsama ug buluhaton, mao usab kita, bisan daghan, usa ra kita ka lawas diha kang Cristo, ug ang matag usa kanato kabahin sa usa ug usa. Ug kay nabatonan man nato ang espirituhanong mga biyas nga nagkalainlain sumala sa grasya nga gihatag kanato, kinahanglan nga gamiton nato kini: kon pagpropesiya, sumala sa gidak-on sa pagtuo; kon pag-alagad, diha sa pagpangalagad; ang nagtudlo, diha sa iyang pagpanudlo; sang nagmaymay, sa iyang pagpangmaymay; ang nag-amot, diha sa pagkamadagayaon; ang nangulo, diha sa kadasig; ang naghimo ug mga buhat sa kaluoy, diha sa kasaya. Kinahanglang walay pagminaot ang gugma. Dumti ninyo ang daotan; kupot sa maayo. Paghigugmaay kamo nga

mainiton sa usa ug usa ingon nga mga igsoon, pagpalabwanay kamo sa pagtahod sa usa ug usa. Ayaw kamo pagtinapolan, hinuon pagmainiton kamo diha sa Espiritu. Alagari ninyo ang Ginoo.”

—Mga Taga-Roma 12:4–11 (ABCEB)

Kini nagsulti nato nga kita parte sa usa ka lawas. Nagsulti pud ni nato nga sa atong paglakat diha sa gugma, kinahanglan gamiton nato ang atong mga gasa aron sa paglig-on sa iglesia.

“Sulod sa Simbahan, pwedi tang motobo diha ni Ginoong Jesus sa dihang magpasakop ta sa mga dinihogang alagad sa Dios nga Iyang gibutang dinhi. Sa atong pakig-uban uban sa uban nga magtutuo, atong mailhan ang plano ug katuyuan sa atong kinabuhi diha Kaniya.

Naay karaan nga panultihon nga nag-ingon, “Kung ganahan kang mo-tubo, kinahanglang motongha ka.” Dili lang kay cute ni siyang paminawon, pero tinuod ni! Parehas nga gitagana nang daan sa Dios nga ang mga kabataan motubo diha sa usa ka panimalay, Iyang pud nga gitagana nang daan nga ang mga Kristohanon motubo diha sa lokal nga iglesia. Kung ato ning tugotan, mausab ang atong mga kinabuhi, ug motubo ta paingon sa pagka-hamtong nga mga tinun-an samtang nagka-lalom ang atong relasyon diha ni Kristo sa dihang himoon nato ang ginapahimo nato kong asa ta gibutang sa Dios diha sa Iyang lawas. Mahimo ta nga mga tawo nga Iyang gikahimot-an sa tanan nga paagi, mamunga ta ug maga-awas ang atong mga maayong binuhatan.

Dasigon ta mo pag-usab nga dili ni relihiyon, usa ni ka pagpakig-relasyon.

“Ang lawas ni Kristo dili usa ka organisasyon, usa ni ka organismo. Dili gyud ni makabarog nga nag-inusara”

Ang mga bag-ong nakabig karon kinahanglan nga maoy mahimong Apostle, Pastor, Teacher, Evangelist, ug Prophet sa umalabot.

“Sulod sa usa ka himsog nga lawas, makita nimo ang mga bag-ong nakabig mosulod, mo-tubo, ug mahimong mga ginikanan sa mga mosunod nga mga henerasyon sa mga nakabig.”

Kung ang lawas mobuhat sa angay nga gipabuhat niya, ang tanan maka-angkon sa tinoud nga ministry ug relasyon.

Una sa tanan, ang pagpangalagad dapat paingon sa babaw ngadto sa Dios, dayon paingon sa sulod diha sa panimalay sa Dios uban ang pagpagawas sa gahom ug presenysa sa Balaang Espiritu, dayon sa gawas paingon sa kalibotan.

Kinahanglan nga pinahimotang ni, may saktong relasyon sa Dios, napun-an sa Balaang Espiritu, may relasyon sa isigka-magtotoo nga puno sa gugma, dayon tinawag ni Cristo para sa kalibotan nga nawala ug kahimatonon. Kung ang iglesia wala napahimotang basi sa kamandoan sa Dios, makita nato ang kalibog ug panag-bingkil, o labi na gyud wala naga-uswag, uga ang masinati sa mga miyembro, imbes ang kinabuhi ug gugma ni Jesus.

Kinahanglan mangita tag paagi nga makabaton ug saktong relasyon diha sa Iglesia ni Ginoong Jesu Cristo. Gisulti nako ni samtang ginapasidan-an ko kamo bahin sa mga problema nga mahimo ninyong masinati diha sa lokal nga lawas usahay. Kinahanglan nga kabalo naka aning daan para kong maka sugat man kag kasamok, dili ka ma-discourage ug dili na mosimba. Naay mga higayon diha sa lokal nga simbahan nga maka sugata tag panaglalis tungod sa pagka-immature ug sa atong tawhanon nga kinaiya.

“Apan kon diha sa inyong mga kasingkasing aduna kamoy pait nga kasina ug hinakog nga tinguha, ayaw kamo panghambog ug pamakak batok sa kamatuoran. Dili kini mao ang kaalam nga naggikan sa kabitas-an kondili yutan-on, tawhanon ug yawan-on. Kay diin gani anaa ang kasina ug ang hinakog nga tinguha anaa usab ang kagubot ug ang tanang ngil-ad nga buhat.”

—Santiago 3:14–16 (ABCEB)

“Kay ang Ginoo nagtan-aw dili ingon sa makita sa tawo, kay ang tawo nagtan-aw sa panagway sa gawas apan ang Ginoo nagtan-aw sa kasingkasing.”

—1 Samuel 16:7 (ABCEB)

Usa ka dako ug makaguol nga realidad diha sa simbahan kung usahay hugaw ang mga motibo sa mga tawo. Kung mahitabo man gani ni, kinahanglan nga ang atong lantawon mao ang Dios nga atong gialagaran ug magpadayon sa atong personal nga pagpakig-relasyon ni Cristo ug sa Iyang gugma.

Ang Dios naghimo ug hingpit nga binuhatan taliwala sa mga makasasala nga mga tawo. Base sa giingon sa **2 Corinto 11:3**, usahay parehas ni Eba nga na-limbongan sa panulay, ang mga tawo sa simbahan pwedi pud nga malimbongan. Kung may mga tawo nga nagkinabuhi nga tawhanon ug wala nagsunod sa Balaang Espiritu, daghan gyud sa simbahan ang ma-sakitan, nga maoy hinongdan nga dili na sila mosimba. Dili nato tugotan nga mahitabo ni nato. Pinaagi lamang sa walay hunong nga pag-ampo ug sa pagkamalahutayon kita makapabilin nga matinud-anon sa Dios taliwala sa mga panagbingkil nga nahitabo. Aning mga panahona, kinahanglan nga mas magpaduol pa gyud tag maayo sa Ginoo aron ang Balaang Espiritu maka giya nato labang sa bagyo. Kung nibiya na ta gikan sa usa ka personal nga pagpakigrelasyon sa Balaang Espiritu ug sa relasyon nga naka-sentro sa uban, ining higayona pweding maoy makaingon nga mo biya ta gikan sa gitagana sa Dios ug sa Iyang plano para nato. Dili nato ni tugotan nga maoy maka-ingon nato nga mobiya ta sa mga panagtigom ug mo-distansya ta gikan sa kinabuhi nga naa diha sa iglesia. Ang Balaang Espiritu maoy moingon nato kung panahon na ba gyud nga mangita tag laing grupo.

Kung nasakitan ta, kinahanglan nga mopasaylo ta! Kung nasamdan ta, si Cristo maoy mo-ayo nato. Kung magpabilin tang matinud-anon Niya, mapasidunggan Siya. Makasulti gyud ko ani gikan sa akong personal nga kasinatian nga diha pa hinoon sa panahon nga may kaguliyang sulod sa simbahan nakabaton ko ug mas lalom pa gyud nga kinabuhi diha ni Cristo, sa dihang nagkalisod ko unsay angay himoon aron

malampasan nako ni. Dinhi aning mga panahona makat-on ta sa pag tuman sa giingon sa Biblia ug sa pagpaminaw sa Balaang Espiritu samtang ni-eskapo ta gikan sa mga trap ug pag-kontrol sa usa ka tawo apilan pa gyud sa mga limbong sa kaaway.

“Importante gyud kaayo nga kita nakagamot diha sa Pulong sa Dios isip mga tawo, ug wala nagsalig sa simbahan o sa laing mga tawo para sa atong personal nga pagpakig-relasyon sa Dios.”

Importante pud ni kaayo labina kong nangitan tag simbahan nga kabalhinan o kung mobalhin tag puyo sa laing lugar. Kung ang atong gisudlan, usa ka grupo nga wala nagsunod sa Biblia, tungod kay nasayod ta sa Pulong sa Dios dili na ta masakitan o malingla tungod sa mga sayop nga pagpanudlo.

“Kadaghanan sa mga Kristohanon karon kay mga edukado na kaayo, pero nahimo silang walay gamit kay wala man sila mo-tuman sa Dios diha sa pag-pasakop sa usa ka lokal nga simbahan. Ang ilang kinaiya nga dili mo sagol sa uban tungod kay magsige nalang silag pamantay sa tanang butang maoy hinongdan nga wala na noon silay nahimo bisag usa.”

Imbes nga mamunga, sa ilang hunahuna paminaw nila mga bantugan sila. Kinahanglang magbantay ta nga dili ni mahitabo nato. Kung ganahan ta nga motubo nga mahimong hamtong nga galamiton nga maoy gipangandoy sa Dios para nato, kinahanglan nga motuman ta sa Balaang Espiritu ug pangitaon nato kung asa Niya gusto nga moadto ta.

Sa dihang naa ta sa lokal nga panagtigom kauban sa atong mga kaigsoonan sa pagtuo, usa sa mga labing balaan ug bililhon nga mga higayon nga atong masinati kay kanang maghiusa ta sa pag-apil sa *communion*. Para nako, ang pinakamaayo nga paagi sa pagpasabot ani ninyo mao ang pagbasa kung unsa ang gisulat ni Pablo para sa mga magtutoo nga nauna nato.

“Kay nadawat nako gikan sa Ginoong ang gihatag usab nako kaninyo, nga ang Ginoong Jesus, sa gabii nga gibudhian siya, mikuha ug pan, ug sa

nakapasalamat na siya, kini iyang gipikaspikas ug miingon, “Kini mao ang akong lawas nga gipikaspikas alang kaninyo. Buhata ninyo kini sa paghandom kanako.” Sa samang paagi human sa panihapon, ang kupa gikuba niya nga nag-ingon, “Kining kupa mao ang bag-ong kasabotan sa akong dugo. Buhata ninyo kini, sa matag inom ninyo niini, sa paghandom kanako.” Kay sa matag kaon ninyo niining pan ug matag inom ninyo niining kupa, gisangyaw ninyo ang kamatayon sa Ginoo hangtod sa iyang pag-anhi.”

—1 Corinto 11:23–26 (ABCEB)

Dili nako ma-explain ang kalipay ug ang kahinam nga akong gibati katong premero nakong apil sa *communion*! Nagpasalamat ko sa Dios nga walay nag-ulang nako ug sa Dios atong panahona. And dugo ni Jesu Cristo maoy naghatag nakog agianan paingon sa trono sa Dios, ug walay tawo nga makapanghilabot ani. Nakigtagbo ang Dios nako dinhi sa maka-daghan na nga higayon ug sa nagkalain-lain nga pamaagi. Kung gawasnon ta gikan sa sala ug limpyo, maka-expect gyud ta Niya nga mosulti, mo-badlong, moligon, moluwas, ug bisan pa gani ang pag-ayo nato sa dihang atong ipagawas ang atong pagtuo diha Niya sa dihang mo-apil ta sa balaan nga *communion*.

Ang lain pa gyud nga ministry nga atong makit-an diha sa local nga iglesia mao ang pagpandong sa mga kamot.

“Wala na siguroy mas bililhon pa sa hikap ni Jesus pinaagi sa gugma sa uban nga mga magtutoo samtang ilang gipakita ang pag-unong nato. Mahitabo ni kong ang matag-usa sa iglesia mopandong sa ilang mga kamot diri nato sa usa ka partikular ug espiritohanon nga katoyoan.”

Gigamit ni sa nagkalain-lain nga mga pamaagi, ug ang tanan nila napamatud-an nga naka base sumala sa Kasulatan. Ang pagpandong sa mga kamot gigamit diha sa Biblia isip maoy sinugdanan nga mogawas ang pagtoo sa pag-ayo sa masakiton.

“Ug kasikbit niadtong dapita mao ang kayutaan nga iya sa pangulo sa maong pulo nga ginganlan ug Publio, nga midawat kanamo ug

maabiabihong mipapuyo kanamo sulod sa tulo ka adlaw. Ug nahitabo nga ang amahan ni Publio nagbigda nga gihilantan ug may disenterya. Ug si Pablo miadto kaniya ug nag-ampo ug mitapion sa iyang kamot diha kaniya, ug naayo siya. Pagkahitabo niini, ang ubang mga tawo sa pulo nga may mga sakit miadto usab ug nangaayo.”

—Mga Buhat 28:7–9 (ABCEB)

“Aduna ba kaninyoy nasakit? Ipatawag kaniya ang mga kadagkoan sa iglesia ug paampoa sila alang kaniya, maghaplas kaniya ug lana pinaagi sa ngalan sa Ginoo. Ang pag-ampo sa pagtuo mag-ayo sa masakiton, ug siya pabangonon sa Ginoo, ug kon siya nakasala man, pasayloon siya.”

—Santiago 5:14–15 (ABCEB)

Bisan tuod nakabalo ta nga ang pagpandong sa mga kamot komon kaayo nga ginahimo sa mga magtotoo kaniadto, usahay ang ubang mga tawo niguwa na daan ang ilang pagtoo, ug maoy hinongdan nga ang kaayohan nahitabo bisan wala na sila pandongi. Pananglitan, ang ubang mga tawo nanga-ayo bisan lang gani sa anino ni Pedro. Ang uban naayo lang tungod kay naay laing tawo nga nibungat sa pulong. Pero ang pinakanaandan gyud mao ang pisikal nga pagpandong sa mga kamot.

Karon atong lantawon ang pipila ka mga bersikolo nga diin ang pagpamandong sa mga kamot gigamit sa mga katuyoan gawas sa pagpang-ayo.

“Busa si Ananias miadto ug misulod sa balay ug sa nagpandong siya sa iyang mga kamot kang Saulo, siya miingon, “Igsoong Saulo, ang Ginoong Jesus nga nagpakita kanimo sa dalan nga imong giagian padulong dinhi, mipaanhi kanako aron maulian ang imong panan-aw ug mapuno ikaw sa Espiritu Santo.” Ug dihadiha gikan sa iyang mga mata may nangatagak nga daw mga himbis ug siya naulian sa iyang panan-aw. Unya mitindog siya ug gibautismohan, ug siya mikaon ug nabaskog.”

—Mga Buhat 9:17–19 (ABCEB)

“Samtang nagsimba sila sa Ginoo ug nagpuasa, ang Espiritu Santo miingon, “Igahin kanako si Bernabe ug si Saulo alang sa buluhaton nga niini gitawag nako sila.” Unya human sila makapuasa ug makaampo, ilang gipandong ang ilang mga kamot kanila ug gipagikan sila.”

—Mga Buhat 13:2–3 (ABCEB)

“Ayaw pasagdi ang hiyas nga anaa kanimo nga gikahatag kanimo pinaagi sa propesiya uban sa pagpandong kanimo sa mga kamot sa mga kadagkoan.”

—1 Timoteo 4:14 (ABCEB)

“Tungod niini, ako nagpahinumdom kanimo sa pagpasiga pag-usab sa gasa nga anaa kanimo pinaagi sa pagpandong kanimo sa akong mga kamot.”

—2 Timoteo 1:6 (ABCEB)

Klaro kaayo nga makita nato diring dapita sa Kasulatan nga pinaagi sa pagpandong sa mga kamot, ang gasa ug ang katuyoan sa Dios pweding madawat gikan sa usa ka tawo paingon sa laing tawo. Dinhi ni mahitabo sulod sa iglesia, nga diin ang tawo nga naghatag ug ang tawo nga nakadawat pulos nato nailhan ug nabal-an nga nagpa-ilalom sa iglesia. Dili ta magpataka ug dawat ug mga pagpamandong gikan sa mga tawo nga wala nato nailhi ug na-siguro nga mga tinud-anay nga mga alagad sa Dios. Sa samang paagi, dili pud ta magdalidali sa pagpamandong sa atong mga kamot sa usa ka tawo ug sangunan sila sa mga buluhaton bisag dili ta sigurado sa ilang espirituhanon nga kahimtang.

Sulod sa iglesia, ma-experience nato uban sa atong mga kaigsoonan ang pagpamandong ug uban pa nga mga gasa ug nagkalain-laing pamaagi sa pagpadayag sa presensya sa Ginoo.

Kini nga relasyon dili lang makatabang nato sa atong pagkinabuhi diha sa gugma, makatabang pud ni nato aron magpabilin ta nga mapainubsanon ug naa sa husto nga dalan diha sa atong paglakat uban kang Cristo.

Ang Biblia nagpahinomdom nato nga ang kahibalo usahay maoy hinungdan nga kita magpasigarbohon, pero ang gugma maoy makapalig-on sa usag-usa. **(1 Corinto 8:1)**

“Ang kahibalo nga kutob lang sa ulo dili maoy makapahimo nato nga inila nga tinun-an. Kundili ang gugma. Walay laing lugar nga pwedi natong mapamatod-an nga tinood ni gawas diha sa taliwala sa iglesia.”

Sa dihang magtuo ta nga hingpit na ta parehas ni Jesus, ang atong relasyon uban sa lawas ni Cristo maoy magpahinomdom nato sa kamatuoran sa atong tinuod nga kahimtang. Ang Biblia naghatag natog mga example sa mga gitawag nato ug mga inila nga mga sumosunod ni Ginoong Jesus kaniadto nga napakyas, parehas ni Pedro nga iyang gitigbas ang dulunggan sa gwardya, o si Pablo ug si Barnabas nga wala nagkasinabot. Nagpasabot lang ni nga parte ni siya sa pag-hamtong. Kung naay lang gyud tay pagkamapainobsanon sa pag-dawat ani, ang atong kahibalo mapolihan ngadto sa paglakat diha sa gugma, nga diin atong hunahunaon nga mas maayo pa ang uban kay kanato.

Diha sa iglesia, naay daghan kaayong mga kahigayonan nga pwedi gyud tang maka-alagad (minister) sa atong mga kaigsoonan. Ang usa sa mga example ani nga panaghiusa klaro kaayo diha sa Libro sa Mga Buhat nga diin gipakita diri nato kung giunsa sa mga nauna nato nga mga Kristohanon sa pag-pangaon, pag-ampo, ug sa pagbahin-bahin sa bisan unsa nga naa nila. Kung naglakat ta diha sa Espiritu, mabati nato nga gi-tandog ta Niya sa pagpadayag sa gugma, sa pakighiusa, ug sa kalooy.

Kung atong gikinabuhi ang atong kinabuhi diha sa pag-alagad sa uban, ang gina-totokan gyud sa Dios mao ang mga bag-o nga mga magtotoo. Gikan dinhi, Iyang tukoron ang Iyang iglesia. Kasagaran karon nabali ni siya.

“Kinahanglan nga magmatngon ta sa paglakat diha sa gugma ug sa maayo nga relasyon, ug atong kabigon ang uban nga mas maayo pa kay kanato, ug dili ta mo-focus sa mga programa ug sa pagtukod ug mga buildings.”

Sa atong paglakat diha sa gugma, nagkinabuhi ta nga may kagawasan, kay nasayod ta nga gidawat ta sa Dios pinaagi sa atong pagtoo ni Jesu Cristo. Kanang atong mga maayong binuhatan resulta ra na sa atong gugma. Magkalalom pa gyud ni kung magpadayon ta sa pag-lakat kauban Siya, giniyahan sa Balaang Espiritu ug magkinabuhi alang kang Cristo.

Pangandoy sa Dios nga magpabilin ta diha sa gugma. Kung buhaton nato ni, muadto ta sa mga panagtigom nga parehas sa usa ka sudlanan nga puno sa Balaang Espirit, nga andam ihuwad tungod sa pag-alagad nga puno sa gugma, imbis nga motongha lang ta nga walay sulod ug galuya, igo lang nitongha aron modawat ug mga panalangin.

Pinaagi sa atong pagkinabuhi nga makigsuod pag-ayo sa Dios isip mga indibidwal, mahimo ta nga usa ka kusgan nga iglesia nga maoy gitinguha sa Dios para nato.

Daghan kaayo kong nailhan nga mga magtotoo ug mga kongregasyon nga diin ang mga tawo didto pila na ka-tuig nagsimba, pero nagpabilin gihapon silang mga bata sa pagtuo. Mo adto silag simbahan ug maghulat nga hungitan ug hatagag higayon nga mohilak, dayon mamaoli dayon mao na pud ni buhaton nila sa sunod nga panagtigom. Hasta nga magpabilin sila nga motongha lang nga walay binasahan sa Pulong ug walay ampo-ampo, walay oras kauban ang Dios, magpabilin sila nga walay disiplina ug walay bunga.

Kay diha sa atong personal nga relasyon sa Dios atong unang makaplagaan ang gugma ni Cristo ug ang tingog sa Balaang Espiritu. Gikan ana, mahimo tang mag masinugtanon sa pagtuman ug mahimo tang usa ka tawo nga maoy gusto sa Dios nga mahitabo diri nato, mao kini ang tinood nga lawas ni Cristo.

“Ang kinabuhi sa Iglesia makaplagaan diha sa Balaang Espiritu ug wala sa tawo. Ang tinuod nga lider igo lang naghimo sa kabobot-on sa Balaang Espiritu. Gawas ani, ang usa ka grupo dili gyud masayod o molampos sa pagbuhat sa tanan nga katoyoan sa Dios.”

Ang tanan diha sa simbahan kinahanglan nga moapil aron nga ang realidad ug ang gahom ni Jesu Cristo mapadayag pinaagi sa Balaang Espiritu. Kung mao ni ang

mahitabo, ang iglesia mabag-o gikan tawhanong kahibalo ngadto sa pagpadayag sa buhi nga gahom sa Dios.

Aron mapadayag ang kinatibok-an nga grasya sa Dios, kinahanglan nga masabtan nato nga dili gyud kabobot-on sa Dios nga ang iglesia mabahin diha sa duha ka grupo, ang uban nag minister unya ang uban wala. Importante gyud kaayo nga atong makita ang usa ka iglesia nga sama sa usa ka buhi nga organismo.

Diha sa lawas ni Cristo ang matag-myembro naay manag-sama nga bili ug posisyon atobangan sa Dios. Ang matag-miyembro templo sa Balaang Espiritu.

Ang Iglesia dili mahimong tinood nga Iglesia hangtod nga ang Balaang Espiritu mapadayag labaw pa sa hunahuna ug kaalam sa tawo ug makita nato ang realidad ug gahom ni Cristo nga gipakita diha sa mga gasa sa Balaang Espiritu taliwala nato.

Ang tanan naay parehas nga responsibilidad nga mao ang pagpakita sa mga gasa sa Balaang Espiritu sumala sa kabobot-on sa Espiritu.

Pinaagi ani nga pamaagi nag-tindog ta atubangan sa trono sa Dios nga patas.

Ang matag-usa nato kinahanglan nga makahibalo ug magpagamit sa gahom ug presensya sa Balaang Espiritu.

“Busa, mga igsoon ko, tinguhaa gayod ninyo ang pagpropesiya, ug ayaw ninyo idili ang pagsulti ug laing mga pinulongan.”

—1 Corinto 14:39 (ABCEB)

Dili igo ang pag-sugid, pag-pamatuod, ug ang pagsulti kabahin sa himaya sa atong Ginoo! Kinahanglan nga molihok pud ta diha sa gahom ug sa dapit sa Balaang Espiritu.

Wala nay lain nga mas importante ug mas suod sa Dios kay kanato, ug wala nay lain nga naay mas dako nga responsibilidad sa pag-alagad Niya sa tibook nilang kasingkasing gawas nato.

Nadawat nato ang hingpit ug kompleto nga pagsulod diha sa trono sa Dios pinaagi sa pagkamatarong ni Jesu Cristo nga gibutang diri nato. Parehas sa akong gisulti ganiha, ang atong bili ug ang atong pagka-dinawat atubangan sa Dios atong na-angkon pinaagi lang sa atong pagtoo diha sa dugo nga gihalad ni Jesus. Sulod sa usa ka panimalay, dili gyud ta maghunahuna nga ang amahan mas suod sa Dios kaysa inahan o sa mga kabataan. Sa iglesia dapat dili pud lain-lain ang atong panglantaw sa matag-miyembro.

Kitang tanan gitawag aron mahimong mga hari ug mga pari ngadto sa Dios (Gipadayag 1:6). Dili nato ipaka-mobo ang atong kaugalingon balik sa karaang pamaagi sa mga Levita (ang Balaod ni Moises) nga diin ang pipila lang nga mga pinili nga mga katawhan ang pweding mo barog aron magpataliwala sa Dios ug sa tawo.

“Ang bugtong tawo nga atong gikinahanglan nga pweding mopataliwala nato ug sa Dios mao si Cristo Jesus! Walay tawo o grupo nga maka-pugong nato sa pag duol deretso sa atong Langitnon nga Amahan pinaagi ni Jesu Cristo. Kay pinaagi lang sa dugo ni Ginoong Jesus kita nakadawat ug hingpit nga kahimtang atubangan sa Dios.”

Samtang atong barugan kini nga kamatuoran, kinahanglan pud ta nga magpabilin sa kamatuoran nga naay mga awtoridad diha sa iglesia nga kinahanglan natong ilhon ug magpailalom ta. Gihatag sila diha sa iglesia para sa katuyoan sa pag-pangalagad aron sa pag panalipod ug sa pag-pagawas sa Balaang Espiritu ug sa pag lig-on sa mga magtotoo. Ang pagkapantay-pantay sa tanang katawhan atubangan sa Dios gibayran pinaagi sa dugo ni Cristo didto sa Krus, ug dili ni nato maangkon pinaagi sa atong paningkamot. Gikan aning pantay-pantay nga kahimtang, ang Dios nagpili sa uban alang sa mga posisyon sa pang-gobyerno sulod sa iglesia. Kinahanglan nga ilhon nato sila, mopailalom ta nila, ug makat-on ta gikan nila. Pwedi nato ning himoon uban ang kalipay human nga naa na tay sakto nga pagsabot kung kinsa gyud ta diha ni Cristo.

Balik ta sa example sa usa ka panimalay. Bisan tuod kung ang anak ug ang amahan parehas ra ug bili, ang amahan nagpabilin nga maoy naay awtoridad ibabaw sa bata samtang siya nagtubo ug mohamtong. Ingon ani pud diha sa iglesia.

“Dili gyud ta dapat maninguha nga maka-baton ug awtoridad tungod lang sa atong kaugalingon nga kagustohan, kay imposible nga mahitabo nga naa tay kasingkasing sa usa ka tinood nga alagad unya naa pud tay personal nga interes.”

Ang pag-uswag naga-gikan sa Dios, ug dili base sa unsay pagtan-aw sa uban kanato. Samtang giyahan ta sa Dios kung diin gyud ta na-haom diha sulod sa iglesia, ang ato lang buhaton mao ang pagsunod nga may kasingkasing sa usa ka alagad ug malipayon nga maga-alagad kaniya diha sa iglesia.

Human nga makita na nato nga ang posisyon diha sa iglesia walay kalabotan sa atong kaluwasan o sa atong kahintang atubangan sa Dios, mawala ang atong sayop nga pagbati nga mga ubos ra ta ikompara sa uban. Dinhi pud mawala ang atong mga pasangil nga maoy rason nga dili ta maningkamot nga mo dotdot sa Dios ug mahimo nato ang tanan nga Iyang gipangandoy alang nato. Naa tay tulobagon sa Dios ug Siya nag-dahom nga atong palambuon ang mga butang nga Iyang gihatag kanato.

Ang atong posisyon diha sa iglesia natural ug espiritwal, ug kinahanglan nga mangalagad ta sa duha ka pamaagi. Gihatag kini pinaagi sa usa ka pagpili diha sa grasya, nga karon kita naay katungdanan nga atong himoon. Sa maka-daghang higayon, ang espiritwal nga katungdanan ato lang gisalig sa mga lider ug wala lang panumbalinga sa mga magtotoo. Ang espiritwal nga awtoridad dili parehas sa atong natural nga posisyon sa pag-alagad sulod sa kongregasyon.

Ang atong posisyon diha ni Cristo maoy naghatag nato ug espiritohanong awtoridad. Mao ni ang nagbutang nato ibabaw sa ginharian sa kangitngit. Kasagaran, ang usa ka tawo nga nagkinabuhi nga balaan ug naay insakto nga pagpakig-relasyon ni Cristo ug sa iglesia maoy maka-himo ug mas dagko nga mga butang para sa Dios diha sa Espiritohanong dapit kaysa sa tawo nga perming busy sa paghimo ug maayong mga buhat ug nagkulang sa personal nga pagpakig-suod sa Dios. Tinood ni bisan pa kung ang lider parehas sa unang tawo o sa ikaduha nga tawo. Tinood gihapon ni kung ang atong gihisgutan usa ka apohan, batan-on, o usa ka pobre nga tawo ug dili siya apil anang ginatawag nato nga “mga lider.”

“Pabilin kamo kanako, ug ako diha kaninyo. Sama nga ang sanga dili makapamunga sa iya rang kaugalingon gawas kon magpabilin kini sa punoan; mao usab kamo, dili makapamunga gawas kon magpabilin kamo kanako. Ako mao ang punoan sa paras, kamo mao ang mga sanga. Ang magpabilin kanako ug ako diha kaniya, siya mamunga ug daghan, kay kon kamo bulag kanako wala gayod kamoy mahimo.”

—Juan 15:4–5 (ABCEB)

Pahinumdoman mo nako pag-usab nga kabahin ni sa pagpakig-relasyon, ug dili relihiyon. Walaon gyud nato sa atong pagbati nga basin ang uban mas suod sa Dios kaysa nato. Pero, dili pud nato huna-hunaon nga, “Kami lang ug si Ginoong Jesus, ug gawasnon ko, walay magboot nako.” Kay klaro kaayong nag-paabot ang Dios nato nga makig-hiusa sa iglesia, magpailalom sa mga tawo sa atong palibot, ug sa bulohaton nga Iyang gisangon diri nato.

Sa dihang kita mopailalom sa bulohaton nga gibutang sa Dios sa Iglesia, pwedi tang maka-dawat sa mga gasa nga gibutang sa Dios dinha. Dinhi nato makita ang atong kaugalingon nga gilig-on inubanan sa gugma.

“Ug ang inyong kaugalingon usab, ingon nga mga buhi nga bato, ipahimo ninyong espirituhanon nga balay, alang sa balaan nga pagkapari, aron sa paghalad ug espirituhanong mga halad nga kahimut-an sa Dios pinaagi kang Jesu-Cristo.... Apan kamo mao ang usa ka pinili nga kaliwat, harianong pagkapari, ang balaan nga nasod, ang katawhan nga iya sa Dios, aron kamo magmantala sa kahibulongang mga buhat niya nga nagtawag kaninyo gikan sa kangitngit ngadto sa iyang katingalahang kahayag. Kaniadto kamo dili katawhan sa Dios, apan karon kamo katawhan na sa Dios; kaniadto kamo wala kaluy-i, apan karon kamo gikaluy-an na.”

—1 Peter 2:5,9-10 (ABCEB)

Ang pinaka-dako nga pagtawag nga atong masinati mao ang hingpit nga dapit sa grasya nga atong gipuy-an samtang nagpadayon kita sa pagpalalom sa atong relasyon kang Cristo. Kay ang atong pagpakig-relasyon diha Niya maoy makapagawas sa Espiritu sa Dios diri nato ug pinaagi nato. Mao nga magpabilin ta diha sa pagpakigrelasyon diha Niya ug mopahuway ta diha sa grasya samtang siya nagtukod sa Iyang iglesia pinaagi nato.

Ang Dios maoy magbout sa pagpili kung unsa man gyod ang iyang ipabuhat Niya nato, ug dili kita. Kung dili nato masabtan ug tuohan ni, magpabilin ta nga maglisod ug pagpangita ug unsa ug asa gyud ang atong bulohaton.

“Kung ang atong pagtan-aw sa awtoridad diha sa iglesia naaykalabotan sa atong bili ug sa atong posisyon atubangan sa Dios, ang mahitabo mangita tag paagi nga makigrelasyon sa Dios pinaagi sa paghimo ug mga maayong binuhatan.”

Mao ni makaingon nga ang ato lang kaugalingon permi ang atong gina-una ug ang atong pagtan-aw sa uban mga kopetensya, imbes nga moalagad ta nga naay gugma. Kinahanglan nga makita nato nga si Cristo mao ang ulo sa Iglesia, ug ang Balaang Espiritu mao ang tigdumala. Kitang tanan, ma apostoles man o usher (tig abi-abi), pulos ta mga alagad. Kung supakon ni sa tawo, mo resulta ni ug patayng mga binuhatan, ug ang Balaang Espiritu na-santa sa atong taliwala. Mao na nga ang atong tinguhaon mao gyud ang kahimayaan sa Dios ug dili ang ato samtang kita maga dala ug mas dagko pa nga impluwensya alang Niya.

“Nasayod kamo nga ang mga namunoan niining kalibotana nagpahawud-hawod ug ang mga kadagkoan hangol ug gahom. Apan dili kini mao ang paagi nga angay ninyong sundon. Kon usa kaninyo gustong ilhon nga dako kinahanglan nga mag-alagad siya sa tanan. Ug kon usa kaninyo gusto nga molabaw sa tanan kinahanglan nga magpaulipon siya kaninyo—sama sa Anak sa Tawo nga wala moanhi aron alagaran kondili sa pag-alagad ug paghatag sa iyang kinabuhi aron pagluwas sa daghang tawo.”

—Mateo 20:25–28 (MBBCEB99)

Kinahanglan nga mag-amping gyud tag maayo nga atong permanentihon ang pagbaton ug kasingkasing sa usa ka alagad alang sa iglesia ug kung asa man ta gibutang sulod ini.

“Kinahanglan nga balik-balikon gyud ta sa pagpahinomdom nga dili lang ang mga pangulo, pero ang tanan nga mga tumoloo, managsama ug posisyon atubangan sa Dios, ug kitang tanan kinahanglan nga mobarog gikan sa natural nga pangagamhanan paingon sa pangagamhanan sa Espiritu Santo. Kay makita lang nato ang kinatibok-an ni Cristo kung ang iglesia magsugod sa pag-hiusa ug sa pag-lihok sa mas taas nga lebel sa Espiritu.”

Tinood ni bisan pa ug naa ta sa house-church o sa mas dako nga panagtigom sa Simbahan. Bisag unsa nga pamaagi sa atong panagtigom, kinahanglan mabal-an nato ug atong alagaran ang Balaang Espiritu aron nga ang lawas ni Cristo mahimo nga buhi nga organismo nga maoy gi-desenyo sa Dios alang ani.

Kasagaran, sa atong panagtigom gamay lang ang nagpailalom gyud sa lihok sa Espiritu Santo sa punto nga ilang masayran kung unsa man diay gusto nga himoon ni Ginoong Jesus alang sa iglesia ana nga lugar ug anang orasa. Ang kana nga panagtigom kutob ra sa mga pag-awit sa pagdayeg, dayon ang mensahe para sa mga katawhan, nanghinaot nga mapukaw sila sa ilang kaugalingon paingon sa Espiritu. Pero, posible nga matuman o dili matuman inig human sa panimbahon. Imbes nga ang matag miyembro sa lawas ni Cristo maghiusa sa panagtigom aron molihok sumala sa angay gyud niyang pagahimoon, ang nahitabo, ang mga miyembro igo lang nitambong aron mapuno sa iyang kaugalingon, aron mapanalanginan ug saktong maka padayon para sa lain na pud nga semana sa pag tagbaw sa iyang kaugalingon. Tungod ani, dili gyud makab-ot sa iglesia ang hunahuna ug tumong ni Cristo.

Kinahanglan nga maglakat kita sulod sa pagpakigsuod sa Balaang Espiritu aron nga kita, isip lawas ni Cristo, sa atong panagtigom, ma-anaa si Cristo sa atong taliwala. Naa ang Dios dinha, ug naa Siyay plano para ana nga panimbahon. Mahimo gyud ni nga usa ka malipayon ug sadya nga higayon kung ang mga ginikanan mooli sa balay ug ang mga

kabataan excited ug malipayon, ug nindot kaayo ni nga higayon sa panaghiusa sa dihang ang tanan nag-abot nga puno sa gugma.

“Sa dihang ang matag miyembro sa lawas ni Cristo mopailalom sa nagadumala sa Iglesia, nga mao ang Balaang Espiritu—ug ang hunahuna ni Cristo, ang potensyal naa sa atong taliwala aron ang gahum ni Jesus motagbo sa atong matag panginahanglan. Ang kinatibok-an ni Jesus ug ang Iyang mga milagro makita, ug mas daghan pa gyud nga mga butang kaysa nangagi ang mahimo sa atong taliwala.”

Ang Espiritu sa Dios dili lang mapagawas diha sa atong pagsimba, pero ang mga gasa sa Balaang Espiritu kinahanglan pud ngamapagawas pinaagi sa matag-usa nato isip mga magtotoo. Samtang ang iglesia mahimong usa ka sudlanan uban ang kalag, ug samtang ang dapit sa pagkamaalamon mahimong magpailalom sa Espiritu Santo, ang gahom ni Cristo mismo mapadayag pinaagi sa mga gasa sa Balaang Espiritu nga maoy tinguha sa Dios nga mahitabo. Samtang ang mga gasa ug ang pagpanglihok sa Balaang Espiritu napagawas, si Jesu Cristo ug ang Iyang gahom mahimong realidad ug ang Biblia mahimong tinuod diri nato.

“Si Jesu-Cristo mao gihapon kagahapon, karon ug sa walay kataposan.”

—Mga Hebreo 13:8 (MBBCEB99)

Wala ta naghulat sa Dios, Siya ang naghulat nato. Gimandoan ta Niya sa pag tubo diha sa grasya ug kahibalo kang Jesu Cristo. Dili nato tugotan ang atong kaugalingon nga wala ma-balanse ug igo lang nitubo ang ang atong kahibalo nga kutob ra sa ulo unya napakyas ta sa pagpatubo sa atong relasyon sa Balaang Espiritu. Ang pinaka grabe nga example ani atong makita sa mga Pariseo, nga abi nila ug kompleto na gyud ang ilang nahibal-an kabahin sa Dios, unya wala gani sila makaila ni Ginoong Jesus sa dihang Siya nagtindog sa ilang atubangan.

Kung wala ta mapun-an sa Balaang Espiritu, mahimo gihapon nga naa tay sakto nga pagsabot kabahin sa Dios pero dili ta mahimo nga usa ka tawo nga nagalakat sa gahom ug sa potensyal nga maoy gusto sa Dios para nato. Pwedi man tang mo-uyon sa mensahe

nga atong nabatian nga kini tinuod pinaagi sa atong hunahuna, ug ato ning sulayan sa pag-apply pinaagi sa atong kaugalingong pagbulut-an, pero ato ba gyud nga mahibal-an ang realidad ug ang gahom sa Dios? Naa kaha ang presensya ug gahom sa Balaang Espiritu dinha, o maghisgot lang ta kabahin sa panahon, kabahin sa pamilya, ug sa mga kasagaran nga mga butang imbes nga moholom diha sa presensya sa atong Dios?

“Importante ang panaghiusa kauban sa mga magtotoo, pero dili siya ika-kompara sa pagpangita sa presensya sa Dios. Kung makita nato nga ang pagka-utokan maoy pamaagi nga maduol ta sa Dios imbes sa pagpagawas sa gahom sa Balaang Espiritu pinaagi nato, kana, makahatag gyud nay negatibo nga impluwensya sa uban nga mga magtotoo.”

Ang atong kahibalo kabahin sa Dios maayo kung mao ni ang mas makapa-lalom pa gyud sa atong relasyon Niya, pero makadaot ni kung mao ni ang makaingon nga imbes nag-salig ta sa Balaang Espiritu, nag-salig nalang hinoon ta sa atong kaugalingong kahibalo. Kalabanan, ang usa ka tawo nga daghan ug nahibal-an mahimong makapa-impress sa mga tawo, pero ang Dios dili. Kung ang pagtindog atubangan sa Dios nagadepende kung unsa ka daghan sa atong nahibal-an, ang mga bag-o nga mga magtotoo mabati nila nga murag dili sila takos kay paminaw nila gamay ra ilang nabal-an ug basig kulang ra kaayo ni aron makahimo sila bisag-unsa para sa Dios.

Dili ta dapat mo-babag sa mga pag-eskwela. Ang tinood, mas nindot man gani kung naa tay iniskuylahan. Pero magbantay pud ta nga ang atong natun-an dili maoy maka-ingon nato sa pagpaningkamot sa pagsunod sa Dios base nalang sa atong kahibalo unya ato gilimod ang Espiritu Santo ug ang gahom sa kamatayon ni Cristo sa Krus sa kalbaryo.

“Ang rason nga wala tay gahom ni Cristo sa atong taliwala, kasagaran, tungod kay atong gisanta ang Balaang Espiritu pinaagi sa atong pag-gukod sa Iyang grasya pinaagi sa atong kaugalingon kaalam. Ang iglesia kinahanglan nga mohamtong diha sa Espiritu nga diin ang Balaang Espiritu mao na ang nag-kontrol, ug dili ang pagkamaalamon sa tawo.”

Dayon, isip usa ka lawas, ang iglesia pwedi nga molakaw sa gahom ug sa pagkabanhaw ni Jesu Cristo!

Dili man gyud siguro tanan nato tawgon sa Dios alang sa “five-fold ministry,” pero kitang tanan gitawag alang sa pag-alagad ug sa pagpadayag sa Balaang Espiritu. Walay limit kung hasta asa taman ang matag usa nato makapanglihok diha sa Espiritu sa Dios kung andam lang gyud ta sa pag-sakripisyo sa pagkinabuhi alang Niya. Nganong dili man ta maka-sakripisyo kung atong pamalandongan kung unsa ang Iyang gibuhay alang nato?

Usa sa mga mahinongdanon nga mga butang nga paga-himoon sa Dios Iyang himoon pinaagi sa mapainobsanon nga tinun-an samtang sila nagkinabuhi sa usa ka kinabuhi nga nalansag atubangan sa trono sa Dios.

“Ug sa maong panahon si Jesus miingon, “Nagpasalamat ako kanimo, Amahan, Ginoo sa langit ug sa yuta, nga kining mga butanga gililong nimo sa mga maalamon ug sa mga hait ug salabotan ug gipadayag hinuon nimo ngadto sa mga kabataan. Oo, Amahan, kay kini mao man ang imong gikahimut-an. Ang tanang mga butang gitugyan kanako sa akong Amahan ug walay nakaila sa hingpit kinsa ang Anak gawas sa Amahan ug walay nakaila sa hingpit kinsa ang Amahan gawas sa Anak ug kang bisan kinsa nga buot sa Anak nga padaygan sa Amahan.”

—Mateo 11:25-27 (ABCEB)

“Nag-ampo ko nga dili gyud ka mo give-up o mobiya sa plano sa Dios ug sa imong posisyon diha Niya. Natural kaayo nga usahay naay tsansa nga atong lantawon ang atong kaugalingon diha sa natural nga kahimtang, ug dili sa Espiritohanon nga kahimtang. Mao ni makaingon nga mobati ta nga murag kulang ra kaayo ta para makapamuhay diha sa Espiritu sa Dios.”

Kinahanglan nga ato ning ilansang ug ato ning buntogon ug atong hibaw-on nga mga bag-o na tang binuhat diha ni Cristo nga gikatakda sa pagbuhat ug mga maayong binuhatan. Ayawg hunong sa pagtoo, ug ayaw ug give-up sa imong kaugalingon!

We must crucify and overcome this and know that we are a new creation in Christ who is ordained to do good works. Never quit believing this, and never give up on yourself!

“Ug aduna kami niining maong bahandi nga sinulod diha sa mga sudlanan nga yuta, aron sa pagpadayag nga ang labawng gabom iya sa Dios ug dili gikan kanamo.”

—2 Corinto 4:7 (ABCEB)

“Apan siya miingon kanako, “Ang akong grasya igo alang kanimo kay ang akong gabom gihingpit diha sa kaluyahon.” Sa ingon niana, labaw nakong gikalipay ang pagpasigarbo tungod sa akong mga kaluyahon aron ang gabom ni Cristo molandong nganhi kanako.”

—2 Corinto 12:9 (ABCEB)

Dili nato tugotan ang bisag kinsa, o ang bisag unsa mokawat sa atong potensyal diha sa Dios.

“Ang Dios naay giandam nga kaugmaon para nimo sa Iyang Gingharian, ug mas dako pa ni kaysa imong gihunahuna diha sa imong natural nga panghunahuna. Ayaw, ayaw, ayaw gyud ug give-up!”

Siya nga nagsugod aning maayong buhat diha nimo, Siya pud maoy magtapos ani!

ANG PAGHATAG

Sa Daang Tugon, ang Dios nagsugo sa mga katawhan sa pag-hatag sa ilang mga tithes ug offering base sa pagtuman sa balaod. Ilalom sa Bag-ong Kasabotan sa pagpakigsaad sa grasya, ang Dios nagpanalangin na nato ug naghatag na nato sa tanan. Wala na ta maghatag base sa kasugoan, kondili pinaagi sa pagtuo, atong gi-release ang mga butang nga ato nang daan pinaagi sa dugo ni Cristo Jesus.

Ato lang i-release pinaagi sa pagtuo ang mga bahandi nga karon ato na tungod sa Himaya ni Cristo.

“Diha ni Jesu Cristo, gihatag na sa Dios diri nato ang tanang butang. Wala na ta maghatag tungod sa kahadlok, naghatag ta nga may pagtuo. Mao ni ang makapa-abli sa nga butang nga ato nang daan diha ni Cristo.”

Sa Bag-ong Kasabutan gisugo ta labaw pa sa pagkamasinugtanon sa pag-hatag sa atong ikanapulo sa paagi nga atong talikdan ang tanan mahitungod nato, ang tanan nga naa nato, ug ang tanan nga atong gi-handom alang nato.

Ang mga Kristohanon sa Bag-ong Tugon nga karon patay na uban ni Cristo, nabuhi isip bag-o nga tawo nga giniyahan sa Balaang Espiritu.

Karon naa na tay buhi nga relasyon tali kanato ug sa Dios pinaagi sa atong paghatag nga nga parehas sa usa ka liso mopugas ta ug dili tungod kay naa tay utang sa Dios.

Aron masabtan nato ang paghatag kinahanglan usa nga masabtan nato ang kasingkasing sa Dios para nato ug sa iyang tumong ug plano para nato sa dihang maghatag ta.

Ang Paghatag (Giving)

“Nga daw may panginahanglan siya, kay siya mao ang naghatag ug kinabuhi ug ginhawa ug sa tanang butang ngadto sa tanang mga tawo.”

—Mga Buhat 17:25 (ABCEB)

Sa gibuhat sa Dios ang kalibotan ug Iyang gibutang ang tawo dinhi, Iya kining gibuhat sa pamaagi nga aron makita gyud nato ang kinatibok-an binuhat, kinahanglan ang tawo nga mosulod sa relasyon uban sa gibuhat na sa Dios, ug pinaagi sa pagtuo, magagahum siya ug maghari sa kinabuhi pinaagi Niya.

“Kon tungod sa paglapas sa usa ka tawo naghari ang kamatayon tungod sa maong tawo, labaw pang maghari diha sa kinabuhi kadtong makadawat sa madagayaong grasya ug sa gasa sa katarong pinaagi kang Jesu-Cristo.”

—Mga Taga-Roma 5:17 (ABCEB)

Sa kasingkasing sa kada Kristohanong amahan ug inahan, ang ilang pinaka dakong pangandoy mao ang suod nga relasyon sa ilang mga anak nga puno sa gugma.

Wala sila nangita ug unsay mahatag sa ilang bata, hinoon nagakalipay sila sa ibalos sa ilang bata tungod sa gugma nga ilang gipakita.

Ingon ana pud ang Dios bahin nato.

Gahanan gyud kaayo ang Dios nga mahimong Dios taliwala nato.

Ang pinaka dakong katoyoan sa paghatag mao aron maga-lakat kita sa pagtuo sulod sa buhi nga pagpakigrelasyon sa Dios samtang iyang gi-bubo ang grasya ug ang kadagaya nga karon atoa na diha ni Cristo.

“Tungod kay dili na kamo mga pangayaw ug mga langyaw, kondili mga lumolopyo na sa Ginghamarian sa Langit kauban sa mga Balaan, ug miyembro na sa panimalay sa Dios.”

Karon naglingkod na ta sa lamesa sa Dios isip miyembro sa iyang panimalay.

Ang Paghatag (Giving)

Sa atong paghatag, atong isugid sa atong Dios, **“Ikaw ang nagbuhat sa Langit ug sa Yuta ug gipanag-iyahan mo ang tanang mga butang, karon ug sa walaykatapusan. Ikaw lamang ang akong Dios.”** Dinhi maka pahulay/pabilin ta diha Niya ug atong madawat ang bisag-unsang sa dihang naghatag ta nga may pagtuo diha ni Cristo.

Dinhi atong gitugyan ang atong kaayohan, ang atong kaugmaon, ang bunga sa atong mga hinagoan, ug ang mga tinguha sa atong kasingkasing ilalom sa pagka-Ginoo ni Jesu Cristo ug nisulod ta sa usa ka kinabuhi nga labaw pa sa atong kaugalingon samtang natika nato ang Dios nga nagdala nato ngadto sa kinabuhi nga madagayaon. (Juan 10:10)

“Kay ang Ginoo nga Dios adlaw ug taming; ang Ginoo mohatag ug grasya ug himaya. Walay maayo nga butang nga ihikaw niya gikan niadtong mga naglakaw nga matarong.

—Salmo 84:11 (ABCEB)

“Busa unsa may atong isulti mahitungod niini? Kon ang Dios dapig kanato, kinsa man ang mobatok kanato? Siya nga wala mohikaw sa iyang kaugalingong Anak kondili mitugyan binuon kaniya alang kanatong tanan, dili ba ihatag usab niya kanato ang tanang mga butang uban kaniya?”

—Mga Taga-Roma 8:31-32 (ABCEB)

Sa atong pagkinabuhi adlaw-adlaw; gikan sa atong mga panginahanglan, atong ihatag (magtanom) ang atong binhi ug atong i-release ang atong pagtuo nga ang Dios maoy motagbo sa tanan natong mga gikinahanglan.

Mabal-an nato nga sobra-sobra na gyud ang atong nahatag sa dihang naga-hatag na ta dili basi sa atong rang masarangan kondili paingon sa punto nga diin atong i-release ang atong pagtoo ug kay nakasiguro ta nga nagkinahanglan ta nga makasinati sa milagroso nga pagpanalangin sa Dios.

Ang Paghatag (Giving)

“Ug ang akong Dios magsangkap sa tanan ninyong kinahanglanon sumala sa iyang kadato, sa himaya diha kang Cristo Jesus.”

—Mga Taga-Filipos 4:19 (ABCEB)

Ayawg ingon nga, ang Dios igo lang motagbo sa atong mga gikinahanglan ug walay labot ang atong mga gipangandoy tungod kay dili na tinood.

“Paglipay diha sa Ginoo, ug siya maghatag kanimo sa mga tinguha sa imong kasingkasing.”

—Salmo 37:4 (PJV)

Ang Roma 5:17 nag-ingon nato nga magahari ta sa kinabuhi pinaagi sa atong Ginoo ug Manluluwas nga si Jesu Cristo!

Human ta makahatag nga may pagtuo, magpaabot ta nga ang atong Ginoo mo tunga diha sa punto sa atong panginahanglan uban ang Iyang panalangin. Bisan pa ug nagkinahanglan ni ug usa ka milagro. Imbes nga moingon ta sa atong kaugalingon nga,

“Wala gani koy ikabayad sa akong mga balayran, unsaon paman nako paghatag?” Ang atong iingon, **“Ihatag nako sa Dios ang akong binhi gikan sa akong panginahanglan. Akong i-release ang akong pagtuo ug tuohan nako nga ang buhi nga Dios sa Langit mopadayag sa Iyang gahom ug realidad diri nako pinaagi sa pagtagbo sa akong pinansyal nga mga panginahanglan.”**

Parihas nga magkuha ta ug binhi unya atong itanom sa yuta, ato pud nga itanom ni nga binhi sa pinansyal ngadto sa Ginoo.

Human nga ato nang nalubong ang binhi ilalom sa yuta, dili na na nato mapuslan gawas kung ang Dios maghatag anig bag-ong kinabuhi. Ingon ana pud sa kwarta nga aton gihatag sa Dios. Nawala na to hangtod sa hangtod. Dili na to nato magamit para kaonon o sa pagpalit. Human nga ang binhi naa na ilalom sa yuta, dili na gyud ni lagi mapuslan gawas kung mabuhi ni. Ingon ani pud sa atong paghatag. Ang Dios sa pagtanom, Dios

Ang Paghatag (Giving)

pud sa pag-ani. Ang Dios nga nagpatubo sa trigo ug sa humay, mao pud ang Dios nga nagpatubo sa atong halad ug ikanapulo. Ang pagtanom sa binhi usa ka natural nga buluhaton nga nagkinahanglan sa ulan ug sa adlaw aron motobo. Ang paghtag usa ka espiritwal buluhaton ug nagkinahanglan ni sa atong pag-release sa atong pagtuo aron kini motobo. Kining duha nagkinahanglan ug pailob, ug sa kataposan, maghatag nato ug daghang ani.

Usa lang ka dapit sa Biblia diin ang Dios naghagit nato sa pagsulay Kaniya, ug kini may kalabotan sa paghatag sa atong kwarta nga diin Iyang pamatud-an ang buhi nga relasyon Niya diri nato.

Ang mga Kristohanon sa Bag-ong Kasabutan nagahatag nga giniyahan sa Balaang Espiritu. Ato ning makita sa **2 Corinto 8:5** nga diin si Pablo naghigot kabahin sa mga katawhan nga naghatag.

“This they did, not as we hoped, but first gave themselves to the Lord, and unto us by the will of God.”

Niuna silag duol sa Ginoo ug nangayo sa Balaang Espiritu sa Iyang kabobot-on sa wala pa sila maghatag ngadto sa mga alagad.

“Ang matag usa maghatag sumala sa kabubut-on sa iyang kasingkasing, dili sa pagpanuko o ingon nga pinugos kay gihigugma sa Dios ang naghatag nga malipayon.”

—2 Corinto 9:7 (ABCEB)

“Karon timan-i kini: siya nga nagpugas ug diyotay moani usab ug diyotay, siya nga nagpugas ug daghan moani usab ug daghan.”

—2 Corinto 9:6 (ABCEB)

Kung magtanom ka ug usa ka komkom nga humay, maka-dawat ka ug pipila ka sako nga humay. Kung magtanom ka ug usa ka gatos ka sako nga humay, ang imong

Ang Paghatag (Giving)

madawat mao ang gabundo nga humay. Ingon ani pud ang mahitabo sa atong paghatag sa Dios.

Dili paigo isulat ini nga study-guide kung ako pang i-saysay ninyo ang mga panahon nga nagkalisod ko sa pinansyal, ug tungod sa akong panginahanglan, akong nahatag ang naa nako kaniadto isip usa ka binhi sa pagtuo.

Sa dihang akoa tong gipugas, akong gi-release ang akong pagtuo.

Balik-balik, walay hunong, ang Dios nagtagbo sa akong panginahanglan ug Iya kong gihaw-as gikan sa kinabuhi nga magpabilin ra unta ko didto kung wala pa ko misalig Niya.

ANG PAG-AMPO

“Kay ang akong balay tawgon nga usa ka balay nga ampoanan alang sa tanang mga katawhan.

—Isaias 56:7 (ABCEB)

“Ug miingon siya kanila, “Nasulat, ‘Ang akong balay tawgon nga balay ampoanan,’ apan gihimo ninyo kini nga langob sa mga tulisan.”

—Mateo 21:13 (ABCEB)

“Pangayo ug kamo hatagan, pangita ug kamo makakaplag, panuktok, ug ang pultahan ablihan alang kaninyo. Kay ang tanan nga mangayo makadawat ug ang mangita makakaplag ug alang kaniya nga manuktok ablihan ang pultahan. Kinsa bang tawhana diha kaninyo nga kon ang iyang anak mangayo kaniya ug pan, hatagan hinuon niya ug bato? O kon kini mangayo ug isda, hatagan hinuon niya ug bitin? Busa, kon kamo, bisan sa inyong pagkadaotan, mahibalo man ganing mohatag ug mga maayong gasa ngadto sa inyong mga anak, unsa pa kaha ang inyong Amahan nga anaa sa langit nga mohatag ug mga maayong butang ngadto sa mga nangayo kaniya!”

—Mateo 7:7–11 (ABCEB)

“Sa pagkatinuod gayod, sultihan ko kamo nga ang nagtuo kanako magbuhat usab sa mga buhat nga akong gibuhat, ug labaw pa ka dagko kay niini ang iyang buhaton kay ako moadto man sa Amahan. Ug bisan unsay inyong pangayoon pinaagi sa akong ngalan, buhaton nako kini aron ang Amahan mapasidunggan diha sa Anak. Kon mangayo kamo ug bisan unsa pinaagi sa akong ngalan, kini akong buhaton.”

—**Juan 14:12-14 (ABCEB)**

Kung naga-tuo ka ni Ginoong Hesus, kining bersikoloha para gyud ni nimo. Kung ang imong gipangayo apil aning gitawag ug “bisag-unsang”, nan si Ginoong Hesus nag-ingon kanimo karon, BUHATON KO KANA! Bisan unsa nga mga butang nga gihimo sa Dios kang bisan kinsa, buot pud Niyang buhaton kana karon alang nimo agi ug tubag sa imong pag-ampo! Wala’y maka-babag sa Dios sa pag-tubag sa imong pag-ampo karon!

Diha sa pag-ampo niduol ta sa presensya sa Dios mismo ug atong makaplagaan ang Iyang plano, ang iyang pagluwas nato, ug ang iyang gahom. Dinhi sa pag-ampo ato Siyang gidayeg ug gisimba sa tanang Niyang pagka-Siya, sa tanan Niyang gibuhay, ug sa tanan Niyang pagabuhaton pa.

“Siya naghatag ug gahom niadtong naluya, ug kaniya nga walay kabaskog nagdugang siya ug kusog. Bisan ang mga batan-on mangaluya ug kapoyon, ug ang mga batan-on mangapukan sa hilabihang kakapoy; apan kadtong naghulat sa Ginoo magbag-o sa ilang kusog, sila manglupad pinaagi sa mga pako sama sa mga agila, sila managan ug dili kapoyon, sila manglakaw ug dili mangaluya.”

—**Isaias 40:29-31 (ABCEB)**

Ang mga tawo nga nasayod aning dapit sa pagpakigrelasyon sa Dios mao kadtong niduol sa Dios pinaagi ni Jesu Cristo.

Sa atong pakig-hiusa sa Dios, ang atong pag-ampo naay nagkalain-laing pamaagi, parehas sa nakig-estorya ta sa atong isigkatawo. Naay tay example sa pag-ampo nga gihatag ni Ginoong Jesus.

“Busa, ingna binuon niini pag-ampo: ‘Amahan namo nga anaa sa langit, balaanon ang imong ngalan; maghari ka kanamo ug tumanon ang imong pagbuot dinhi sa yuta sama nga gituman kini didto sa langit. Ihatag kanamo

Ang Pag-Ampo (Prayer)

ang pagkaon nga among gikinahanglan karong adlaw; ug pasayloa kami sa among mga sala sama nga kami nagpasaylo sa mga nakasala kanamo. Ayaw kami itugyan sa pagsulay; luwasa hinuon kami gikan sa daotan. Kay imo ang gingharian, ang gabom ug ang himaya hangtod sa kahangtoran.”

—Mateo 6:9–13 (MBBCEB99)

“Kay kamo nasayod sa grasya sa atong Ginoong Jesu-Cristo, nga bisan tuod siya dato, siya nahimong kabos tungod ug alang kaninyo aron nga pinaagi sa iyang kakabos kamo mahimong dato.”

—2 Corinto 8:9 (ABCEB)

“Ug niana unyang adlaw wala na kamoy ipangutana pa kanako. Sa pagkatinuod gayod, sultihan ko kamo, nga kon mangayo kamo ug bisan unsa gikan sa Amahan pinaagi sa akong ngalan, siya mohatag niini kaninyo. Hangtod karon wala pa kamo mangayo pinaagi sa akong ngalan. Pangayo kamo ug makadawat kamo aron mahingpit ang inyong kalipay.... Niana unyang adlaw kamo mangayo pinaagi sa akong ngalan, ug wala ako mag-ingon kaninyo nga ako mag-ampo sa Amahan alang kaninyo, kay ang Amahan gayod nahigugma man kaninyo kay kamo nahigugma man kanako ug nagtuo nga ako gikan sa Dios.”

—Juan 16:23–24, 26–27 (ABCEB)

Ingon ani gyud ni basta naa ta ni Jesus.

“Ang tanan nga bahandi sa Langit atoa na tungod Niya. Ang atong pagtuo sa gibuhay ni Ginoong Jesus didto sa Krus nagpahigawas nato sa atong mga sala ug nahatagan ta ug katungod nga makaduol sa Amahan. Didto, atubangan sa Iyang trono, naa tay relasyon Niya. Ang mga bahandi sa gingharian naangkon nato pinaagi sa pag-ampo nga may pagtuo.”

*“Ikaw nakadungog niini, nakakita niining tanan; ug dili ba ikaw magpahayag niini? Sukad niining panahona, pabation ko ikaw ug bag-ong mga butang, tinagong mga butang nga wala nimo mahibaloi. **Kini gibuhat karon**, dili kay kaniadto pa; sa wala pa karong adlaw ikaw wala makadungog niini, kay tingali unya ug moingon ikaw, ‘Tan-awa, ako nahibalo niini.’*

—Isaias 48:6-7 (ABCEB)

Kung wala pa namugna sa Dios ang imong ginapangayo, Iya nang himoon agig tubag sa imong pag-ampo ug ihatag Niya ni nimo, kay Iya man kang pinili.

Pwedi tang makaduol sa trono sa atong Magbubuhath pinaagi sa pag-ampo ug mupahulay isip mga harianon, hinlo ug gawasnon diha ni Cristo. Dinhi atong gi-release ang gahom ug kinabuhi nga gikan sa Dios sa atong mga sirkomstansya ug sa mga sirkomstansya sa uban.

“Sa ingon niana, uban sa pagsalig manuol kita ngadto sa trono sa grasya, aron makadawat ug kaluoy ug makakaplag ug grasya nga makatabang kanato sa panahon sa pagpanginahanglan.”

—Mga Hebreohanon 4:16 (ABCEB)

“Ayaw kamo kabalaka mahitungod sa bisan unsang butang, apan sa tanang butang ipahibalo ninyo sa Dios ang inyong mga hangyo pinaagi sa pag-ampo ug sa pagpangamuyo uban ang pagpasalamat.”

—Mga Taga-Filipos 4:6 (ABCEB)

“Si Jesus mitubag nga nag-ingon kanila, “Sa pagkatinuod, sultihan ko kamo, kon aduna kamoy pagtuo ug dili magduhaduha, makahimo kamo dili lamang sa nahimo ngadto sa kahoyng iger, kondili bisan pag moingon kamo niining bukira, ‘Maalsa ka ug matambog ngadto sa lawod,’ kini mahimo. Ug

ang tanang butang nga inyong pangayoon pinaagi sa pag-ampo madawat ninyo kon aduna kamoy pagtuo.”

—Mateo 21:21–22 (ABCEB)

“Kong atong lantawon ang Biblia uban matitud-anon nga kasingkasing, atong makita nga ang tanan nga sarang mahimo sa Dios, Iyang gisaad nga Iyang himoon agig tubag sa atong pag-ampo. Katingalahan kaayo ni sa punto nga maglisod gyud tag tugkad ani kung walay tabang sa Espiritu Santo.”

Kinahanglan nga bantayan nato ang atong kasingkasing ug ang atong mga intensyon sa dihang naa ta atubngan sa trono sa Dios sa pag-ampo. Sa dili pa ka mag-ampo, kinahanglan atong pangutan-on ang atong kaugalingon, “Nag-ampo ba ko sa Dios kay naa lang koy kinahanglan, o ako ba gyud gi-surrender akong kaugalingon sa Ginoo sa akong kinabuhi?”

Karon nga nakita na nato ang pagka-available sa Iyang gahom para nato, atong lantawon ang mga bersikulo nga naghigot kabahin sa atong dapat nga kinaiya sa dihang mag-ampo ta.

“atoni kining hunahunaa diha kaninyo nga nabatnan ninyo diha kang Cristo Jesus, nga bisan tuod siya naglungtad diha sa kinaiya sa Dios, wala siya maghunahuna nga ang pagpakigtupong sa Dios usa ka butang nga huptan, apan gihaw-asan niya ang iyang kaugalingon diha sa kinaiya sa usa ka ulipon, diha sa iyang pagkasama sa mga tawo. Ug sa nakita diha sa tawhanon nga dagway, siya nagpaubos sa iyang kaugalingon ug nahimong masinugtanon hangtod sa kamatayon, bisan pa sa kamatayon diha sa krus.”

—Mga Taga-Filipos 2:5–8 (ABCEB)

Kita nga natawo pag-usab diha ni Cristo sa pagkatinuod naa tay gahom sa atong Magbubuhay nga naa diri sa Kalibotan. Dili ni siya usa ka butang nga kinahanglan natong hagoan ug maayo aron maangkon. Ang ato lang buhaton mao ang pagsalig

pinaagi sa pagtuo. Dayon mo balik ta sa gibuhat ni Jesus didto sa Krus, ug uban sa pagpaubos atong itugyan ang tanan balik kang Cristo. Mao ni ang dapit nga ang Espiritu Santo maoy mo kontrol nato, dili ang unod o ang atong pagkamaalamon.

Kung ang atong pinaka-tumong sa pag-ampo dili ang pagpalalom pa gyud sa atong pagpakigsuod sa Makagagahom, Ato nalang mabantayan sa atong kaugalingon nga nagsige lang tag-pangayo ug mga butang unya wala nato ni madawat.

“Nangayo kamo apan wala makadawat niini tungod kay sayop man ang inyong pagpangayo, aron lamang usik-usikan alang sa inyong mga pangibog.”

—Santiago 4:3 (ABCEB)

Kritikal kaayo nga dili nato gamiton ang gahom sa Dios unya ang atong gitinguha mao lang ang pag usik-usik ani sa pag-tagbaw sa atong karaan nga pagkatawo diha sa mga kailibgon sa unod. Ang uban nagtoo nga sa dihang natawo ka pag-usab, pwedi nimong gamiton ang gahom sa Dios unya pwedi na kang maka himo ug imong kaugalingon nga kalibotan sa pagkadato uban sa imong pag ampo nga may pagtuo. Kung wala ta ni-surrender ngadto sa Iyang kabobot-on, igo lang natong gigamit ang Dios aron tagbawon ang atong pagka-rebelyoso. Kung kini ang atong gibuhat, parehas ra nga nagkaon ta sa “Kahoy sa Pag-ila sa Maayo ug Daotan” ug wala gyud ta nagkalaw diha sa Espiritu. Pwedi man tang makadawat ug pipila ka mga panalangin aning paagiha. Kay kong atong sabton, Iya mang gipabundak Iyang ulan sa mga matarong ug dili-mataron. Pero dili nato masinati ang usa ka suod kaayo nga relasyon nga gipangandoy sa Dios kauban nato.

Makalolooy kaayo ni paminawon kung kini nga klase sa kinaiya atong ikompara sa kasingkasing ni Jesus.

“Kay ako nanaog gikan sa langit, dili sa pagbuhat sa akong kaugalingong kabubut-on, kondili sa kabubut-on sa nagpadala kanako.”

—Juan 6:38 (ABCEB)

Diri na sad, dili nato huna-hunaon nga ang pag-ampo nga may pagtuo parehas ug nagsugod tag dagan, unya dayon modiretso na ta sa pagbuhat ug dagko nga mga butang samtang makig-sulti lang tag panagsa sa Dios ug makahigayon.

Wala nay mas bati pa sa usa ka tawo nga dalhon lang ang ngalan ni Cristo ug gamiton ang Iyang grasya alang sa iyang kaugalingon ambisyon ug pagka-hakog. Usa kini ka dakong trahedyang atong bantayan ug maayo nga dili nato ni himoon. Anagay natong masabtan nga ang atong relasyon diha Niya maoy pinaka-dakong benipisyo nga pweding madawat ni bisan kinsa pinaagi sa pag-ampo.

“Kon gibanhaw man kamo uban kang Cristo, pangitaa ninyo ang mga butang nga atua sa itaas diin anaa si Cristo, naglingkod sa tuo sa Dios. Itumong ang inyong mga hunahuna diha sa mga butang nga anaa sa itaas ug dili sa mga butang dinhi sa yuta. Kay kamo nangamatay ug ang inyong kinabuhi natago uban kang Cristo diha sa Dios.”

—Mga Taga-Colosas 3:1-3 (ABCEB)

Kinahanglan nga atong masabtan nga kung ang atong gipangandoy gawas sa kaboboton ni Cristo, nagpasabot nga usa ni ka daotan nga pangandoy, ug kinahanglan natong isugid ni nga usa ka sala.

“Busa gihatagan niya sila sa ilang gipangayo, apan gipadad-an usab niya sila ug makalilisang nga balatian.”

—Psalm 106:15 (MBBCEB99)

“Kadtong nag-ingon, “Pinaagi sa among dila mopatigbabaw kami, ang among mga ngabil ania kanamo; kinsa ba ang among agalon?”

—*Salmo 12:4 (ABCEB)*

“Pwedi tang maka-salig, maka-sugid, maka-pamatuod, pero kong ang atong ginapangayo nga mga butang gawas sa kabobot-on sa Dios ug gikan lang sa atong lawasnon nga mga tinguha, nagpasabot nga nagkinabuhi pa gihapon ta nga tawhanon.”

Samtang nagkinabuhi ta diha sa pagpakigsuod sa Dios, ug samtang ang Espiritu Santo naga-giya kanato, atong i-release ang tong pagtoo ug atong maangkon ang tanan nga giandam sa Dios para kanato.

Kinahanglan ta nga naay abli, ug personal nga relasyon Kaniya aron atong mapadayag ang atong mga tinguha ug atong tugotan Siya nga Iyang ipadayag diri nato ang Iyang kabobot-on ug katoyoan.

Kinahanglan nga atong siguraduhon nga ato gyud nga imbetaron ang Balaang Espiritu aron sa pagtabang nato sa dihang mag-ampo ta. Kung makahulat lang gyud ta, atong makita ang atong kaugalingon nga gigiyahan sa balaang Espiritu diha sa panahon sa atong mga pag-ampo.

Kinahanglan nga magpadayon ta sa pag-ampo hangtod nga nagkasinabot na ta sa Dios. Diha atong masiguro nga mao na gyud ni ang kabobot-on sa Dios para nato ug para sa atong kinabuhi. Pwedi Niyang ingon ang usa sa pag-palit ug sakyanan, samtang ang usa Iyang ingnon nga ayaw.

“Human nga masayran nato ang Iyang kabobot-on, mosugod na dayon ta sa pagpadayon samtang atong makita nga daw gipakatawo ang Iyang tubag sa atong pag-ampo pinaagi sa pagtuo. Dinhi ta nakighiusa sa Espiritu ug atong angkonon ang atong panulondon nga mga saad sa Dios samtang kita nagtuo, nagpanugid, naga-pamatuod, ug naga-dayeg Kaniya tungod sa mga katumanan sa atong mga pag-ampo. Mosulti ta! Ang bukid mobalhin! Sa Dios lamang ang himaya! Amen! Ang Biblia puno sa mga saad nga para kanato samtang nangita ta sa kabobot-on sa Dios diha sa pag-ampo.”

Ang pinaka-importante nga butang para nato mao ang pag-ampo. Naay linibo ka mga rason nga dili ta ganahan mag-ampo, pero ang pinaka-bati nga pag-ampo sa usa ka tawo mas maayo pa ikompara sa tawo wala gyuy ampo-ampo. Kinahanglang atong masabtan nga wala tay relasyon sa usa ka tawo nga wala gyud nato maistorya. Ingon ani pud sa Dios, ug ingon ani pud sa ubang mga tawo.

“Apan kon mag-ampo ka, sulod ngadto sa imong kuwarta unya sirhi ang pultahan ug pag-ampo ngadto sa imong Amahan nga dili makita. Ug gantihan ka sa imong Amahan nga nagtan-aw sa imong gibuhat sa tago.”

—Mateo 6:6 (MBBCEB99)

Naay mga panahon nga gibati ka nga murag kinahanglan gyud nimo nga i-ampo ning tawhana, o kining butanga unya imo nalang dayon mahibal-an nga nagkinahanglan gyud diay ug pag-ampo atong mga orasa.

Ang lain nga bahin sa pag-ampo mao ang pag-puasa. Mao ni panahon nga dili ta mokaon, ug usahay dili pud moinom ug tubig, samtang nakiglayog ta diha sa pag-ampo.

Kung atong tun-an ang Pulong, atong mabal-an nga dili lang ang Dios, pero ang mga anghel, molihok agig tubag sa atong pag-ampo ug pag-puasa.

Gawas sa panahon sa Pentecostes, naay laing upat ka mga higayon diha sa Biblia nga diin ang taas kaayong panahon sa pag-ampo gishisgotan dinhi.

- 1. Daniel**
- 2. Jesus**
- 3. Ang mga Kristohanon kaniadto nga nag-ampo para ni Pedro**
- 4. Pablo**

Atong nabal-an nga sa dihang si Daniel nag-puasa ug nag-ampo, usa ka anghel nagpakita niya. Human natapos ang pagtintal ni Ginoong Jesus didto sa kamingawan, daghang mga anghel ang niduol Niya ug gisilbihan Siya. Sa dihang ang mga Kristohanon kaniadto nag-ampo alang kang Pedro nga atoa sa prisohan, niabot ang anghel ug iyang

gipagawas si Pedro. Human matapos sa pag-puasa ug sa pag-ampo si Pablo taliwala sa unos tunga sa dagat, human sa pila ka mga adlaw ang usa ka anghel nipakita ug gitabangan siya.

“Kung mahimo tang mainiton kaayo sa pag-ampo, ang Dios nga naghimo sa uniberso mopaubos sa Iyang Kaugalingon ug Iyang tandugon ang mga bahandi sa Langit ug sa yuta tungod ug alang nato.”

Murag halos imposible kaayo nga atong matugkad ning mga butanga. Karon nga anaa na ta ni Cristo, sa pagkatinood apil ta sa pagpadala sa mga anghel ug sa gahom sa Dios nga makamugna!

Kay diha sa pag-ampo, nga sa dihang atong ipagawas ang atong pagtuo, nakig-gyera kita batok sa espirituhanong mga teritoryo sa kangitngit ug nagamando kita ibabaw sa atong mga sitwasyon ug sirkomstansya. Ato ang kadaugan sa dihang mobarog kita pinaagi sa awtoridad ni Jesu Cristo. Ang yawa ug ang tanan niyang mga demonyo, mahadlok ug mokurog kung ang Iglesia moluhod sa iyang tuhod ug mosugod sa pagpa-irog sa gingharian sa Dios abante batok kaniya.

Sugod ining mga adlaw sa imong paaglakaw kauban ang Dios, ako kang gidasig nga imong ikinabuhi ang pag-puasa ug pag-ampo.

ANG KAAWAY

Ang yawa? Katong cute nga naay gagmay nga mga sungay dayon nagsuot ug pula nga pajama unya nag-dala ug tinidor? Katong bugoy kaayo nga gamayng tawo nga dili maka-unsang bisan kinsa? Dili! Siya kadtong naglimbong nato aron patoohon ta nga siya cute ug walay dautang intensyon. Siya ang kaaway sa atong mga kalag! Siya ang gihisgutan ni Ginoong Jesus sa Juan 10:10 nga Siya nag-ingon, *“Ang kawatan moanhi aron lamang sa pagpangawat ug sa pagpatay ug sa paglaglag.”*

“Siya ang yawa nga gitawag sa Bibliya ug, “tigsumbong sa atong kaigsoonan,” nga nagdumot pag-ayo sa atong mahigugmaon nga Amahan ug ang iyang kalipay mao ang pagpatay sa mga anak sa Dios.”

Panahon na para mobalik ta sa Pulong pag-usab ug atong lantawon kung unsay giingon sa Biblia kabahin sa yawa ug kinsa gyud siya.

“Ikaw ang patik sa kabingpitan, puno sa kaalam, ug hingpit sa katahom. Ikaw didto sa Eden, ang tanaman sa Dios; ang tanang mahalon nga bato maoy imong hapin, ang kornalina, ang topasyo, ug ang haspe, ang krisolito, ang berilo, ug ang onyx, ang sapiro, ug ang karbungko, ug ang esmeralda; ug hinimo sa bulawan ang imong kuwentas ug ang imong mga kinulit. Sa adlaw sa pagbuhat kanimo kini giandam. Uban sa dinihogan nga kerubin nga tigbantay gipahimutang ko ikaw; ikaw didto sa balaan nga bukid sa Dios, sa taliwala sa mga bato nga nagsiga ikaw milakaw. Ikaw dili masaway sa imong mga kagawian sukad sa adlaw sa pagbuhat kanimo, hangtod nga ang sala nakita diha kanimo. Diha sa kadaghan sa imong patigayon, ikaw napuno sa kabangis, ug ikaw nakasala; busa gisalikway ko ikaw ingon nga butang nga makauulaw gikan sa bukid sa Dios, ug ang kerubin nga tigbantay nag-abog kanimo gikan sa taliwala sa mga bato nga nagsiga. Ang

imong kasingkasing mapagarbobon tungod sa imong katahom; gidaot nimo ang imong kaalam tungod ug alang sa imong katahom. Gilabay ko ikaw ngadto sa yuta; gihukasan ko ikaw sa atubangan sa mga hari, aron sila motan-aw kanimo.”

—Ezekiel 28:12–17 (ABCEB)

Atong mabasa dinhi giunsa pagbuhat sa Dios si Satanas nga puno sa kaalam ug hingpit ang iyang katahom.

Karon, si Satanas naa diri sa kalibotan puno sa kadautan, naninguha sa pagkawat, pagpatay, ug paglaglag.

“Ikaw miingon diha sa imong sa kasingkasing, ‘Ako mokayab ngadto sa langit, ibabaw sa mga bituon sa Dios, ako magpahimutang sa akong trono sa itaas, ako maglingkod sa bungtod nga tigomanan, sa kinatumyang dapit sa amihanan. Mokayab ako sa ibabaw sa mga kabitas-an sa kapanangoran, himoon nako ang akong kaugalingon nga sama sa Labing Halangdon.’ Apan gidala binuon ikaw ngadto sa Sheol, sa kinahiladmang dapit sa Gabong.”

—Isaias 14:13–15 (ABCEB)

Sa sinugdan si Satanas naa magpuyo sa Langit isip usa ka anghel sa Dios. Sa dihang iyang gipataas ang iyang kaugalingon isip dios, gitambog siya gikan sa Langit. Sa Libro sa Gipadayag Kapitulo 12 atong nabal-an nga si Satanas gitambog gikan sa Langit ug one-third sa mga anghel gitambog uban niya. Naghisgot si Ginoong Jesus kabahin ani sa Lucas 10:18 sa dihang miingon Siya,

“Nakita ko si Satanas nga nahulog ingon sa kilat gikan sa langit.”

Tinuod nga naa dinhi sa kalibotan nga atong gipuy-an si Satanas karon, nga diin naninguha gihapon siya sa pag-tuboy sa iyang kaugalingon.

“Parehas nga ang Dios hingpit ang Iyang pagkamaayo ug walay daotan nga makita diha Niya, si Satanas hingpit ang iyang pagka-daotan ug wala gyuy maayo nga makita diha niya. Ang iyang tinguha mao ang pag-ulipon sa mga kayawhan pinaagi sa sala ug limbong ug sa pagpakig-away batok sa Dios.”

“Diha kanila ang mga hunahuna sa mga dili magtutuo gibutaan sa dios (ang yawa) niining panahona, aron dili sila makakita sa kahayag sa Maayong Balita sa himaya ni Cristo nga mao ang dagway sa Dios.”

—2 Corinto 4:4 (ABCEB)

“Ug kini dili angay ikahibulong, kay bisan gani si Satanas nagtakoban man sa iyang kaugalingon ingon nga anghel sa kahayag. Busa dili ikahibulong kon ang iyang mga sulugoon magtakoban usab sa ilang kaugalingon ingon nga mga ministro sa pagkamatarong. Ang ilang dangatan motukma ra unya sa ilang mga binubatan.”

—2 Corinto 11:14–15 (ABCEB)

“Ang nagbuhat ug pagpakasala, iya sa yawa”

—1 Juan 3:8 (NIV)

“Kamo gikan sa inyong amahan nga mao ang yawa ug nagtinguha kamo sa pagbuhat sa kabubut-on sa inyong amahan. Siya mamumuno gayod sukad pa sa sinugdan, ug walay labot sa kamatuoran kay ang kamatuoran wala man diha kaniya. Sa dihang mamakak siya, magsulti siya tukma sa iyang kaugalingong kinaiya kay siya bakakon man ug amahan sa mga bakak.”

—Juan 8:44 (ABCEB)

Si Jesus mao ang dalan, ang kamatuoran, ug ang kinabuhi.

Si Satanas mao ang Amahan sa tanang bakak ug sa tanan nga naga-sunod kaniya, siya ang nagadala sa tawo ngadto sa kalaglagan (silot nga walay kataposan).

“Kaniadto kamo nagkinabuhi sumala sa pamaagi niining kalibotana, sumala sa kagamhanan sa kahanginan (ang yawa), sa espiritu nga karon mao ang naglihok diha sa mga tawong masupilon. Kauban nila, kitang tanan nagkinabuhi kaniadto diha sa mga pangibog sa atong unod, mga masinugtanon sa mga pangandoy sa unod ug sa hunahuna, ug busa sa kinaiya mga anak kita sa kaligutgot sama sa uban.”

—Mga Taga-Efeso 2:2–3 (ABCEB)

Sa dihang natawo ta pag-usab ug gidawat nato si Jesu Cristo isip atong personal nga Manluluwas, dili na ta mga anak sa yawa, pero nahimo na tang mga anak sa Dios.

“Ang nagbuhat ug pagpakasala, iya sa yawa kay ang yawa nagpakasala man sukad pa sa sinugdan. Ang hinungdan nganong gipadayag ang anak sa Dios mao ang paglaglag sa mga binubatan sa yawa.”

—1 Juan 3:8 (ABCEB)

“Busa ingon nga ang mga anak (ikaw ug ako) nakaambit man sa unod ug dugo, siya (Jesus) gayod usab miambit niini, aron pinaagi sa kamatayon malaglag niya ang may gahom sa kamatayon, nga sa ato pa, ang yawa, ug aron maluwas niya silang tanan nga naulipon sulod sa tibuok nilang kinabuhi tungod sa kahadlok sa kamatayon.”

—Mga Hebreohanon 2:14–15 (ABCEB)

Sa dihang naluwas ka, gitubos ka pinaagi sa dugo ni Cristo gikan sa kangitngit paingon sa Ginghamian sa Dios sa kahayag. Mao ni basihan sa atong kaugmaon ug sa atong padulngan hangtod sa kahangtoran. Katong nagpabilin sa kangitngit malaglag kauban ni Satanas sa kataposan niining kapanahonan.

Sa dihang gilansang si Cristo ug nabanhaw pag-usab, nagmadaugon Siya ibabaw ni Satanas ug sa iyang mga kaubanan, ug Iyang gipasundayag ang Iyang kadaugan,

nagmadaugon Siya ibabaw nila pinaagi sa Iyang pagkabanhaw gikan sa mga minatay ug pagkayab pagbalik ngadto sa Amahan didto sa Langit.

“Ayaw kahadlok! Ako (Jesus) mao ang sinugdan ug ang kataposan 18ug ang buhi. Ako namatay, apan tan-awa, ako karon buhi hangtod sa kahangtoran, ug ania kanako ang mga yawi sa Kamatayon ug sa Hades.”

—Pinadayag 1:17-18 (ABCEB)

“Karon atong makita sa atong kaugalingon nga naa ta sa tunga sa giyera batok sa duha ka magka-atbang nga gingharian. Ang gingharian sa Dios nga makaplagnan sa atong sulod, ug ang gingharian ni Satanas nga makit-an sa atong palibot dinhi sa makasasala nga kalibotan nga puno sa sala ug pag-antos. Magpadayon ni nga giyera hangtod sa katapusan sa kapanahonan sa dihang si Satanas hingpit na gyud nga laglagon hangtod sa kahangtoran.”

“Ug usa ka kusog nga tingog didto sa langit akong nadungog nga nag-ingon, “Karon miabot na ang kaluwasan ug ang gabom ug ang gingharian sa atong Dios ug ang kagahom sa iyang Cristo, kay gikatambog na ang tigsumbong batok sa atong kaigsoonan, siya nga sa adlaw ug sa gabii mao ang nagsumbong batok kanila sa atubangan sa atong Dios. Ug sila nagmadaogon batok kaniya pinaagi sa dugo sa Nating Karnero ug sa pulong sa ilang pagpamatuod.”

—Pinadayag 12:10–11 (ABCEB)

“Ug ang yawa nga nagpabisalaag kanila gitambog ngadto sa linaw nga kalayo ug asupri diin atua ang bangis nga mananap ug ang mini nga propeta, ug didto sakiton sila adlaw ug gabii hangtod sa kahangtoran.”

—Pinadayag 20:10 (ABCEB)

Sa dihang miduol ta ni Ginoong Jesus ug midawat Niya isip atong Manluluwas, gibalhin ta gikan sa gingharian sa kangitngit paingon sa gingharian sa kahayag sa Dios, nga diin karon naa na tay relasyon diha Niya.

“Ang kagahom nga gihuptan ni Satanas batok nato naputol na. Karon, ato siyang gi-daog pinaagi sa dugo sa Kordero ug ang Pulong sa atong pagpamatuod. Pinaagi sa atong pagtuo sa Pangalan ni Jesu Cristo, atong gihuptan ang awtoridad ibabaw sa tanang pangagamhanan sa kangitngit.”

Samtang nabuhi pa ta ining gubot nga kalibotan, atong pildihon ang mga teritoryo sa kangitngit ug angkonon ang atong panulondon nga karon ato na diha ni Jesu Cristo. Ato ning buhaton pinaagi sa pagtuo ug sa atong pagsugid samtang kita nagalakat sa pagkabalaan kauban ang atong Dios.

Wala tay kahadlok ni Satanas kay ang Dios man ang nagbuhat niya kaniadto, ug kinahanglan nga moyukbo siya sa awtoridad ni Cristo nga karon ania nato sa dihang atong ibungat ang Ngalan nga labaw sa tanang ngalan.

“Kay bisan tuod ang inyong pagkamasinugtanon naabot ngadto sa tanan, nga tungod niana nalipay ako tungod kaninyo, buot nako nga magmaalamon kamo mahitungod sa maayo, apan mga walay alamag mahitungod sa daotan. Ug sa dili madugay ang Dios sa kalinaw magdugmok kang Satanas diha sa ilalom sa inyong mga tiil. Ang grasya sa atong Ginoong Jesu-Cristo mag-uban kaninyo.”

—Romans 16:19-20 (ABCEB)

ANG AWAY

Nakahinumdom ko sa pipila ka mga tuig ang milabay, sa dihang ang akong anak nga si Doug nagpangidaron pa ug 10 or 11 anyos, ako siyang gihatod pauli sa balay gikan sa eskwelahan unya samtang nag drive ko seryoso kaayo among estoryahanay. Naay siyay giingon nga dili gyud nako malimtan. Ingon siya, “Dad, kong magpatuo ko nimo ug sa Ginoo, nindot kaayo akong pamati sa sulod, pero lain akong pamati sa gawas. Unya kong akong buhaton ang gustong ipabuhat sa ubang mga bata nako, nindot akong pamati sa gawas, pero lain akong pamati sa sulod.”

Sigurado ko nga tinuod pud ni sa imong kinabuhi sa dihang nakaila nimo si Ginoong Jesus. Human nato dawata si Cristo, nakabantay ta nga naay struggle sa atong kaugalingon tali sa atong bag-ong espirituhanon nga pagkatawo ug sa mga pagtintal aning kalibotana.

Lantawa ning mga bersikoloha.

“Pagtukaw ug pag-ampo kamo aron dili kamo mahisulod ngadto sa pagsulay. Sa pagkatinuod, matinguhaon ang espiritu apan luya ang lawas.”

—Mateo 26:41 (ABCEB)

“Pakigbisog diha sa maayong pakigbisog sa pagtuo. Hupti ang kinabuhing dayon nga niini gitawag ikaw.”

—1 Timoteo 6:12 (ABCEB)

“Pagmaigmat, pagbantay kanunay. Ang inyong kaaway nga mao ang yawa naglibotlibot sama sa liyon nga nagngulob ug nangita ug iyang matukob. Sukol kamo kaniya ingon nga kamo lig-on sa inyong pagtuo, sa nahibaloan

*Ang **Away** (The Fight)*

ninyo nga ang samang mga pag-antos kinahanglan gayod masinati ninyong tanan nga kaigsoonan nga ania sa kalibotan.”

—1 Pedro 5:8–9 (ABCEB)

“Sa kataposan, paglig-on kamo diha sa Ginoo ug sa kusog sa iyang gahom. Isul-ob ninyo ang tibuok kahimanan sa gubat nga gikan sa Dios aron makabarog kamo batok sa mga pagpanglimbong sa yawa. Kay ang atong pagpakig-away dili man sa unod ug dugo, kondili batok sa mga nagmando, batok sa mga kagamhanan, batok sa mga makagagahom sa kalibotan nga gingitngitan, batok sa mga daotan nga espirituhanong panon diha sa mga langitnong dapit.

—Mga Taga-Efeso 6:10–12 (ABCEB)

Magmadaugon ta pinaagi sa pagsugid, ug sa atong pagbuhat samtang atong gi-release ang atong pagtuo.

Ang atong lantawon ning pipila ka mga bersikolo kabahin ani unya ato pa gyud ning hisgutan ug maayo.

“Nga uban kaniya usab kamo gibanhaw pinaagi sa pagtuo sa gahom sa Dios nga nagbanhaw kaniya gikan sa mga patay... Ang mga pamunoan ug kagamhanan iyang gitangtangan sa mga hinagiban ug iyang gipasundayag sila sa kadaghanan”

—Colosas 2:12,15 (ABCEB)

“Ang bunyag nagluwas kaninyo pinaagi sa pagkabanhaw ni Jesu-Cristo. Siya ang miadto sa langit ug atua na sa tuo sa Dios, nagmando sa mga anghel ug sa mga langitnong gahom.

—1 Pedro 3:21–22 (MBBCEB99)

“Gi-lumpag ni Ginoong Jesu Cristo ang gahom sa yawa ibabaw nato dihang nabanhaw Siya gikan sa mga minatay. Kini nga awtoridad ni Ginoong Jesus gihatag diri nato ug pinaagi sa pag-too magahari ta ibabaw sa kangitngit.”

Ang akong pag-ampo alang ninyo parehas sa pag-ampo ni Pablo para sa iglesia sa Efeso. Atong dunganan ug basa ni nga pag-ampo.

“Tungod niini, sukad nga nadungog ko ang mahitungod sa inyong pagtuo sa Ginoong Jesus ug sa inyong gugma sa tanang katawhan sa Dios, wala akoy hunong sa pagpasalamat sa Dios tungod kaninyo. Gibinumdoman ko kamo sa akong mga pag-ampo ug naghangyo ako sa Dios sa atong Ginoong Jesu-Cristo, ang gambanang Amahan, nga hatagan unta kamog kaalam ug pagsabot sa mga gipadayag aron kamo hingpit nga makaila kaniya. Naghangyo usab ako nga malamdagan unta ang inyong salabotan aron masayod kamo unsa ang paglaom nga alang niini gitawag kamo ug aron masayran ninyo ang kadagaya sa mga panalangin nga gisaad niya sa iyang balaang katawhan. Giampo ko usab nga masayran ninyo ang kadako sa iyang gahom nga ania kanato nga nagtuo kaniya. Kining gahoma nga ania kanato mao ang iyang gigamit sa pagbanhaw ug pagpalingkod kang Cristo sa iyang tuo didto sa langit. Didto naghari si Cristo labaw sa tanang mga hari ug sa mga anaa sa gahom ug sa mga namunoan ingon man sa mga pangulo. Labaw gayod siya sa tanan dili lamang niining panahona kondili sa umaabot usab. Gibutang sa Dios ang tanan ubos sa pagmando ni Cristo ug alang sa simbahan gihimo siyang pangulo nga labaw sa tanan. Ang simbahan mao ang lawas ni Cristo, ang kahingpitan niya nga mao ang naghingpit sa tanang butang.

—Mga Taga-Efeso 1:15–23 (MBBCEB99)

“Ug ang Dios mibanhaw kanato uban kang Cristo Jesus, ug nagpalingkod kanato uban kaniya diha sa mga langitnong dapit diha kaniya.”

—Mga Taga-Efeso 2:6 (ABCEB)

Atong makita sa Kasulatan nga sa dihang si Cristo nabanhaw gikan sa mga minatay, gibutang sa Dios ang yawa ug ang tanan niyang awtoridad ilalom sa tiilan ni Jesus.

Sa dihang gidawat nato si Cristo isip atong personal nga Manluluwas, gibutang ta sa Iyang lawas.

Pasabot nga kita pud, kauban ni Cristo naay gahom ibabaw sa kangitngit, samtang magpabilin ta diha Niya.

Si Ginoong Jesus, human nga Siya mabanhaw milingkod sa tuo sa Amahan, pero sa wala pa Niya na buhata, Iyang gihatag ang Iyang awtoridad sa lawas ni Cristo, nga mao ang Iglesia.

Karon nga naa na ta sa Iyang lawas, ang iglesia, naa ta mahimutang dapit sa Iyang ulo ug sa Iyang tiil.

Tanan nga pangagamhanan gibutang ilalom sa Iyang tiil (ang Iglesia nga isip Iyang lawas), mao nga sa dihang magpabilin ta sa Iyang lawas, naa pud tay gahom ibabaw sa yawa ug sa iyang ginsakopan.

Ato ning nakuha pinaagi sa atong pagtuo sa nahuman na nga buhat sa dugo ni Cristo, ang Iyang gibuhat sa Krus, ug ang kadaugan nga karon atoa na pinaagi sa atong pag-sugid sa atong gihuptan nga pagtuo ug sa atong pagtuo diha sa Ngalan ni Jesus.

Sa samang paagi nga ang Dios naay nindot nga plano para nimo karon, nga ang padulngan mao ang Langit, ang yawa pud naay plano para nimo nga mosangpot sa impyerno. Dili siya manghilabot nimo kung magpadayon ka sa paghimo sa iyang nagustohan. Nailad gyud kag maayo niya, kay sa wala pa ka maluwas, wala gyud kay kalibotan nga siya ang imong amahan kaniadto. Ang tanan nimong maayong binuhatan, gitabangan pud ka niya, kay iyang gigamit ang imong maayong kahimtang para patuohon ang ubang mga tawo nga wala sila magkinahanglan ni Ginoong Jesus.

“Human nga imong gidawat si Cristo, imong gikuha gikan ni Satanas ang iyang plano para nimo, unya karon naningkamot siya nga pugngan ka sa pagkuha pa gyud ug lain

pang mga butang gikan niya ug sa iyang gingharian. Himoon niya ni pinaagi sa pagsulay sa pag-guba nato sugod sa atong sulod pinaagi sa sala, ug pinaagi sa pagkawad sa atong pagtoo pinaagi sa temporaryo nga mga pagsulay.”

Atong lantawon sa dihang gi-tintal si Ginoong Jesus ug atong makita ang mga pamaagi sa yawa.

“Unya si Jesus nga puno sa Espiritu Santo, mibalik gikan sa Jordan, ug gidala siya sa Espiritu ngadto sa kamingawan sulod sa 40 ka adlaw diin siya gitintal sa yawa. Wala siya mokaon sulod niadtong mga adlaw ug pagkahuman niini, gigutom siya. Ug ang yawa miingon kaniya, “Kon ikaw Anak sa Dios, sugoa kining bato nga mahimong pan.” Si Jesus mitubag kaniya, “Nasulat, ‘Ang tawo dili mabuhi sa pan lamang.’” Unya gidala siya sa yawa ngadto sa itaas ug sa daklit gipakita kaniya ang tanang mga gingharian sa kalibotan, ug miingon kaniya, “Ihatag nako kanimo kining tanang kagahom ug ang ilang himaya, kay kini gitugyan man kanako ug ihatag ko kini ngadto kang bisan kinsa nga buot nakong hatagan. Busa, kon ikaw mosimba kanako, maimo kining tanan.” Ug si Jesus mitubag kaniya, “Nasulat kini, ‘Simbahon nimo ang Ginoo nga imong Dios, ug siya lamang ang imong alagaran.’” Unya ang yawa midala kaniya ngadto sa Jerusalem ug mipatungtong kaniya sa kinahabogang bahin sa Templo ug miingon kaniya, “Kon ikaw Anak sa Dios, ambak gikan dinhi ngadto sa ubos, kay nasulat man kini, ‘Siya magsugo sa iyang mga anghel mahitungod kanimo, sa pagbantay kanimo,’ ug nga ‘Sa ilang mga kamot ikaw ilang sapnayon aron ang imong tiil dili maigo sa bato.’” Ug si Jesus mitubag kaniya, “Giingon, ‘Ayaw tintala ang Ginoo nga imong Dios.’” Sa nahuman na sa yawa ang tanang mga pagpanintal, mibiya siya gikan kaniya hangtod sa laing higayon. Unya diha sa gahom sa Espiritu, si Jesus mibalik sa Galilea,”

—Lucas 4:1–14 (ABCEB)

Atong nakita nga si Satanas nitintal ni Ginoong Jesus pinaagi sa lawas. Iyang gisulayan pag-tintal ang mga tinguha sa pagtagbaw sa lawasnon nga mga panginahanglan. Gitintal niya Siya sa paglakat pinaagi sa makita ug dili pinaagi sa pagtuo, diha sa pag-sulay sa pagtagbo sa Dios. Sa katapusan, iya Siyang gitintal aron mag-duhaduha nga Anak Siya sa Dios ug gihatagan Siyag mas sayon uig dali nga paagi nga maghari Siya sa mga gingharian, bisan ug dili na Siya motuman sa Iyang Amahan. Mao pud ni nga mga pag-tintal nga kinahanglan natong atubangon.

“Gisulatan ko kamo, mga batan-on, kay kamo kusgan man, ug ang pulong sa Dios nagpabilin diha kaninyo, ug inyo nang nabuntog ang daotan. Ayaw ninyo higugmaa ang kalibotan o ang mga butang diha sa kalibotan. Kon may nahigugma sa kalibotan, ang gugma sa Amahan wala diha kaniya. Kay ang tanan nga anaa sa kalibotan, ang pangibog sa unod ug ang pangibog sa mga mata ug ang garbo sa kinabuhi, dili gikan sa Amahan kondili sa kalibotan. Ug ang kalibotan mahanaw ug ang pangibog niini apan siya nga nagtuman sa kabubut-on sa Dios magpabilin hangtod sa kahangtoran.

—1 Juan 2:14–17 (ABCEB)

Ang Espiritu Santo, samtang naga-giya Siya nato, tugotan Niya nga madangat ta sa kamingawan. Didto mohimo ta ug desisyon, kung alagaran ba nato ang Dios o ang atong kaugalingon nga pagpakasala.

“Hangtod nga dili nato ma-daog ang mga unodnon nga mga kailibgon, dili gyud ta mahimong epektibo nga maka-alagad sa Dios. Ang desisyon nga atong pagahimoon didto sa kamingawan maoy basehanan kung molampos ba ta o mapakyas sa atong paglakat kauban ang Dios. Kung dili gyud nato mapugngan ang tentasyon, sa matag higayon nga ang Dios naay giandam nga maayong butang para nato, moabot dayon si Satanas ug iyang gub-on ang plano sa Dios pinaagi sa pag-atake sa dapit sa atong kinabuhi kung diin ta huyang. Ang pag-atake sa yawa permi gyud sa atong karaan nga makasasala nga pagka-tawo basta makita niya nga mapildi ta niya dihang dapita.”

Kung atong lantawon ang nahitabo sa nasod sa Israel sa dihang didto pa sila sa kamingawan human nga gidala sila ni Moises gawas sa Ehipto, makaguol nga makita nato ang ilang kapildihan tungod kay gipili nila nga dili mosunod sa Dios. Ilang gipaundayonan ang sala ug mas gitooan pa nila ang ilang nakita imbes nga mosalig pinaagi sa pagtoo sa gisulti sa Dios ngadto nila.

“Mga igsoon, dili ako buot nga kamo dili mahibalo nga ang tanan natong katigulangan nailalom sa panganod ug silang tanan mitabok sa dagat, ug silang tanan gibautismohan ngadto kang Moises diha sa panganod ug sa dagat, ug silang tanan nangaon sa samang espirituhanong pagkaon, ug silang tanan nanginom sa samang espirituhanong ilimnon. Kay sila nanginom man gikan sa espirituhanong Bato nga misunod kanila, ug ang maong Bato mao si Cristo. Bisan niining tanan, ang Dios wala mahimuot sa kadaghanan kanila ug sila gipangpukan didto sa kamingawan. Ug kining mga butanga mga pasidaan alang kanato, aron dili kita mangandoy ug mga daotang butang ingon sa ilang gibuhat. Ayaw kamo pagsimba sa mga diosdios sama sa uban kanila; kay sumala sa nasulat, “Ang katawhan nanglingkod aron sa pagkaon ug pag-inom, ug nanindog aron sa pagsayaw.” Dili kita maghimo ug salawayong pakighilawas ingon sa gibuhat sa uban kanila, busa sulod sa usa ka adlaw 23,000 ang nangapukan kanila. Dili nato sulayon ang Cristo sama sa gibuhat sa uban kanila nga tungod niana gipanglaglag sila sa mga bitin. Ug dili kita magbagolbol, sama sa gibuhat sa uban kanila busa gilaglag sila sa tiglaglag. Karon kining mga butanga nahitabo kanila ingon nga pasidaan ug gisulat alang sa pagtudlo kanato nga maabtan sa katapusan sa kapanahonan. Busa, ang naghunahuna nga siya nagbarog angay nga magbantay kay tingali unya ug mapukan siya.

—1 Corinto 10:1–12 (ABCEB)

Ang mga nanghitabo sa katawhan sa Israel didto sa kamingawan nahimong atong panag-ingnan. Kato silang tanan, ang ilang tibook henerasyon, wala gyud maka-gawas gikan sa kamingawan. Nangamatay na lang sila ug wala gyud nila maangkon ang ilang

panulondon tungod sa ilang pagsupak ug pagka walay pagtuo. Wala gyud nila mabuntog ang tentasyon sa sala.

Kung nagpadala pa sa sala si Ginoong Jesus, dili unta Siya makagawas sa kamingawan.

Kung magpadala ta sa sala, magpabilin ta sa kamingawan nga padayon nga makiglayog sa sala.

Nakita ba nimo kung unsay giingon diha human nga mabuntog ni Ginoong Jesus ang tentasyon. Mipauli Siya sa Galilea nga puno sa “Gahom sa Espiritu Santo” (Lucas 4:14)

Didto nagsugod siya sa Iyang ministry sa pag-bungkag sa mga buhat sa yawa, nga nisangpot sa Iyang kamatayon sa Krus, ug didto sa Krus hingpit Niyang gibuntog si Satanas.

“Ang atong pakig-away batok sa sala dili kausa lang nga panghitabo. Magpadayon ta sa pagpakig-away batok sa atong karaan nga makasala nga pagkatawo ug sa mga pag-atake sa yawa hangtod nga mobiya na ta aning kalibotana. Kung, ug kung mapakyas man ta, kinahanglan nga maghinolsol ta ug atong hibaloan nga Siya nga nagsugod aning maayong buhat dinhi nato maoy mopadayon ani hangtod nga mahuman kini.”

Ang tanan nga nakasala naglapas sa balaod. Gani, ang sala mao ang pagkamalapason sa balaod.

“Kamo nasayod nga siya gipadayag aron sa pagkuha sa mga kasal-anan, ug diha kaniya walay sala. Ang tanan nga nagpabilin diha kaniya dili magpakasala; ang tanan nga nagpakasala wala makakita kaniya o makaila kaniya.”

—1 Juan 3:5–6 (ABCEB)

“Akong mga anak, nagsulat ako kaninyo niining mga butanga aron kamo dili magpakasala. Apan kon may makasala man gayod, kita adunay

Manlalaban nga mangatubang sa Amahan, si Jesu-Cristo, ang matarong. Ug siya mao ang halad sa pasig-uli alang sa atong mga sala ug dili lamang sa atong mga sala kondili sa mga sala usab sa tibuok kalibotan.”

—1 Juan 2:1–2 (ABCEB)

“Kinahanglan pud nato nga mabuntog ang sala aron ta makahimo sa paglakat ilalom sa gahom sa Espiritu Santo. Kinahanglan nga ato gyud nga pilion sa pag-ingon, pinaagi sa atong kaugalingon nga pagbulot-an, “dili” sa imbetasyon sa pagpakasala.”

Ang tentasyon sa pagpakasala moabot diri nato pinaagi sa atong makasasala nga pagkatawo ug pinaagi sa pag-impluwensya o mga honghong sa yawa. Dili gyud nato pweding basolon ang yawa tungod sa atong daotan nga mga tinguha, pero kinahanglan pud natong masabtan nga tinood si Satanas, ug ang iyang buhat mao ang pagtintal nato aron sa pagpakasala.

Si Apostol Pablo nag-ingon sa Galacia nga kadtong anaa ni Cristo naglansang sa ilang kaugalingon uban sa lawasnon nga mga tinguha ug mga kailibgon. Tinood gyud ni, kay kung wala pa nato ilansang ang atong kaugalingon, kada higayon nga maningkamot ta sa pag-sunod ni Cristo, moabot dayon si Satanas sa pag-atake nato diha sa atong kahuyangon ug babagan ta niya sa pagsunod ni Cristo pinaagi sa pagpakasala.

Ang atong desisyon sa pag sunod sa Pulong ug pag balibad sa pagpakasala kinahanglan nga lig-on ug dili maglaob-laob kung ganahan gyud tang maka-sinati ug kadaugan ug sa gahom ni Cristo. Aron mahimo nato ni, kinahanglan nga permanente natong pangutan-aon ang atong kaugalingon, “Nag-padayon ba ko sa pag-ampo? Nagabasa ba ko permi sa Pulong? Nakig-hiusa ba ko sa mga magtotoo? Naga-hatag ba ko? Ako bang gipaambit sa uban ang pagtuo nga akong nadawat? Naga-dayeg ug naga-simba ba ko?”

“Parehas nga nagkinahanglan ta nga mokaon ug matulog aron magpabilin nga lig-on sa pisikal, kinahanglan pud nato buhaton ang mga butang nga akong gisulat aron ta magpabilin nga lig-on diha sa Ginoo ug mahimong gawasnon gikan sa sala. Human nga

mahimo na tang gawasnon gikan sa sala, gawasnon na pud ta nga mo-tando sa imbetasyon sa pag apil sa kasundalohan sa Dios isip mga balaan nga mga sundalo!”

Sa dihang namatay na ka sa pagpakasala ug sa imong kaugalingon nga kagustohan, ug ang imong ginatinguha mao lang ang mahimaya ang Dios, makasinati ka ug kabag-ohan sa imong kasingkasing. Sa dihang mag-gahin ka ug panahon nga makig-uban diha sa Iyang presensya, masinati nimo ang klase sa gugma nga naa sa kasingkasing sa Amahansa dihang Iyang gipadala ang Iyang anak aron mag-antos ug mamatay aron lang makakaplag ta ug kinabuhi. Kung permi ta nga makasinati ani nga klase sa gugma nga wala naghunahuna sa kaugalingon, mas labaw pa gyud tang mahimong andam sa pag-biya sa atong kaugalingon nga kahayahay ug kaharuhay aron atong mapaambit ang kaluwasan nga nagagikan Niya para sa mga katawhan nga nagpabilin pa sa kangitngit.

“Sa pagkatinuod ang tanan akong giisip nga kapildihan tungod sa labaw ka bililhon nga pagkaila kang Cristo Jesus nga akong Ginoo. Tungod kaniya nawad-an ako sa tanang butang ug kini giisip nako nga basura aron maako si Cristo ug makaplagn diha kaniya, dili nga nagbaton ako sa pagkamatarong pinasikad sa Balaod, kondili ang pagkamatarong nga pinaagi sa pagtuo kang Cristo, ang pagkamatarong nga gikan sa Dios nga nagsukad sa pagtuo. Buot akong makaila kaniya ug sa gabom sa iyang pagkabanhaw ug sa pagpakig-ambit sa iyang mga kasakit, nga mahisama kaniya sa iyang kamatayon.”

—Mga Taga-Filipos 3:8–10 (ABCEB)

Uban sa masakit nako nga mga kaagi sa akong mga kapildihan, ug sa mga samad nga akong nadawat, ug sa kaguol nga naa dinhi sa akong kasingkasing para sa mga kaigsoonan nga nahulog sa pagpakasala, kinahanglan nga sultihan ko kamo aning butanga.

Kung gusto lang ka nga maluwas ug madawat ang mga gasa ug ang pagpakamaayo sa Dios, okay ra pud na. Pero kung ganahan gyud ka nga mahimong tinun-an ni Cristo ug

makakita ug bunga, kinahanglan imong pas-anon ang imong krus ug makig-ambit ka sa Iyang mga pag-antos.

“Sa nawali na nila ang Maayong Balita didto sa maong siyudad ug nakakabig ug daghang mga tinun-an, mibalik sila ngadto sa Listra, sa Iconio ug sa Antioquia nga naglig-on sa mga kalag sa mga tinun-an, nagdasig kanila sa pagpadayon diha sa pagtuo, ug nagsulti nga kinahanglang mosulod kita ngadto sa gingharian sa Dios latas sa daghang mga kasakit.”

—Mga Buhat 14:22 (ABCEB)

Naay literal nga example sa kasundalohan sa Dios diha sa estorya ni David ug Goliath nga makita sa 1 Samuel 17. Atong mabasa kung giunsa sa kasundalohan sa Israel, nga nag-representar sa mga kasundalohan sa Dios, nga nag-kampo atbang sa mga Pilistihanon, nga nag-representar sa mga kasundalohan sa kangitngit. Kada adlaw, si Goliath mogawas sa ilang kampo aron sa pag-hagit sa mga sundalo sa Israel unya mobalik dayon siya sa ilang kampo. Walay problema ni Satanas ug pasagdaan ra niya ang mga sundalo sa Dios nga mag-kampo unya konohay naa sila sa giyera basta igo ra silang naglingkod sa atbang nga konohay nakig-giyera, tungod kay kabalo siya nga siya karon ang nagagunit sa ila untang panulondon. Kabalo pud siya nga hangtod nga dili sila mobarog uban ang pagtoo sa pagpakig-away niya, magpabili nga siya maoy mag-puyo sa lugar nga gi-andam unta sa Dios para sa Iyang mga katawhan.

“Oh, pagkadaghang mga tawo, apil na ang mga pastor ug ang mga miyembro, nga nalimbongan ug nagdahom nga ang usa ka tinun-an nga dili mo-sukol ug mo-atake sa iyang kaaway magmadaugon gihapon.”

Ang atong obligasyon dili lang mao ang mabalaan ug makasinati sa kadaugan para sa atong kaugalingon, kondili ang pag-palapnag sa gingharian sa Dios diha sa kangitngit niining atong kalibotan karon ug atong kuhaon pagbalik ang ubang mga katawhan nga nanga-salaag. Aron mahimo ta nga epektibo aning pagkig-away sa pagtuo, angay natong masayran nga ang atong pakig-away dili batok sa unod ug dugo, kondili batok ni Satanas ug sa iyang gingharian. Nagpasabot nga wala ta makig-away sa lawasnon nga

pamaagi. Kondili, makig-away ta diha sa Espiritohanon nga teritoryo. Naay daghang klase sa pagpakig away diha sa espiritu ikompara sa atong naandan nga away.

“Kay bisan tuod ug kami nagkinabuhi nga unodnon, wala kami makiggubat sumala sa unod, kay ang mga hinagiban sa among pakiggubat dili man unodnon kondili gambanan tungod sa Dios aron sa paglumpag sa mga kuta.”

—2 Corinto 10:4 (ABCEB)

Ang kadaugan sa atong pagtuo mahitabo kung kita magkinabuhi nga gawasnon sa sala, disiplinado sa pag-tuon sa Biblia, sa pag-ampo, sa pag-bungat sa atong pagtuo, ug diha sa pag-simba.

Gisultihan na mo nako kung unsa ka importante ang pag-ampo ug ang pagbasa sa Pulong. Pero kinahanglan pud ka nga makabalo sa emportansya sa pag-bungat sa atong pagtuo ug sa pag-simba diha sa atong pagpakig-giyera kontra sa kaaway. Sa dihang atong i-bungat ang atong awtoridad nga naa kang Cristo, ang kalibotan, ang mga espirituhanon, ug bisan ang atong kaugaling mapahinumdoman nga kita iya sa Dios ug nagabarog nga madaugon diha ni Cristo. Sa atong pag-ampo ug pag-puasa, kalabanan ang paingnan sa giyera naa diha sa kung unsa ang atong ginapamulong, kung negatibo ang atong ginapamulong, paingon ta sa kapildihan, pero kung positibo ang atong ginapamulong uban ang pagtuo, magmadaugon ta sa away. Sa panahon nga magsugod na tag duhaduha sa Dios ug sa unsa ang Iyang nahimo, ginahimo, ug pagahimoon sa umalabot, kinahanglan atong ipahayag sa atong kaugalingon ug sa uban kung unsa ka gambanan ang Dios nga atong gina-alagaran. Ang mga pulong nga atong ginabungat kinahanglan nga naka-base sa Pulong sa Dios.

“Kay diha sa pag-release sa atong pagtuo pinaagi sa pagbungat sa atong mga baba, atong gitogotan ang Dios nga mahimong atong Dios nga sarang maka himo sa tanan natong gipangayo ug gilauman. Sa dihang ato Siyang ginasimba kung kinsa gyud Siya ug sa Iyang pagka-maayo diri nato, atong gipildi ang mga pangagamhanan sa kangitngit nga nakig-away batok nato.”

Kung atong ibungat sa atong mga baba ang Pulong sa Dios, atong gipahayag ang atong awtoridad diha ni Cristo, ug samtang magkinabuhi ta diha sa pag-dayeg ug sa pagpadayag Kaniya, atong mabuntog ang kaaway ug ang tanan niyang plano batok nato.

Pag-bantay kang bisan kinsa nga nag-gamit sa mga pamaagi sa yawa diha sa ilang pagpakig-uban sa ubang mga tawo. Ang unod maoy ilang target, sayon ra kaayo tang mailad sa kaaway. Mao ni ang mga pamaagi ni Satanas nga iyang gamiton batok nato, pagpangilad, pagpang-hadlok, pagpang-hulga, pag ulog-ulog, pag sol-sol, pagdani pinaagi sa lawasnong kailibgon, pag langay-langay, kaguol (depresyon), ug uban pa. Dili lang siya daotan, andam pud siya nga gamiton ang tanan nga dinaotan nga mga pamaagi ug ang tawo batok nato aron sa pag-pakgang sa tanan nga gitagana sa Dios para nato. Dili siya makig-away nga patas ug dili kaayo halata ang iyang mga pag-lingla samtang siya naninguha sa atong kadaotan.

Maklaro ra ni nimo ug maayo sa kadugayan kong magpabilin ka diha sa pagkinabuhi isip usa ka tinun-an ni Cristo. Imo nalang unyang ma-sayran nga ang yawa dili lang kay sako sa pag-pangitag paagi sa pag-daot sa imong personal nga pagtuo sa Dios, gawas ana, sako pud siya sa pag-pamuhat batok sa iglesia. Atong mailhan si Satanas ug ang mga peke niya nga mga alagad pinaagi sa ilang gawi, sa mga pamaagi nga ilang gigamit, ug sa ilang bunga.

Kining tanan dili angay nga makatarog nato samtang kita nagkinabuhi diha sa gugma pinaagi sa pagtuo. Kabalo ta nga ang Dios maoy nag-pili sa Iglesia, ang lawas ni Cristo, nga parte na ta ani karon, sa pagpadayag sa Iyang himaya ug sa pag-guba sa mga buhat sa yawa. Gipili ta aron magkinabuhi sulod aning espiritohanon nga arena, ug pinaagi sa pagtuo, magapamunga ta ug daghang mga bunga nga magapabilin. Si Ginoong Jesus nag-ingon nga Iyang tukoron ang Iyang Iglesia, ug ang ganhaan sa impyerno/hades dili makapildi niini. Ginahimo na ni Niya karon pinaagi sa mga tawo nga nagkinabuhi diha sa Espiritu ug nakaila sa Espiritu Santo.

Ang maayong balita mao nga naa ta sa madalag-on nga grupo!

ANG DAKO NGA BULUHATON

Sa atong pagsugod sa pagsunod sa Dios, atong ma-realize nga ang relasyon nga atong nakaplagan diha ni Ginoong Jesus mao ang klase sa relasyon nga ginapangita sa tanang katawhan! Dinhi magsugod nga makabaton tag kabog-aton tungod sa dakong panginahanglan nga i-paambit ang mensahe sa Iyang gugma. Mao ni ang naa sa kasingkasing sa Amahan. Karon, gisugo ta ni Ginoong Jesus ug gipadala ta Niya aron himoon ni isip mga miyembro sa Iyang Iglesia.

“Ug si Jesus miduol ug miingon kanila, “Ang tanang kagahom sa langit ug sa yuta gihatag kanako. Busa sa inyong pagpanglakaw himoang mga tinun-an ang tanang kanasoran, nga magbautismo kanila sa ngalan sa Amahan ug sa Anak ug sa Espiritu Santo, nga magtudlo kanila sa pagtuman sa tanan nga akong gisugo kaninyo, ug tan-awa, ako mag-uban kaninyo kanunay hangtod sa kataposan sa kapanahonan.”

—Mateo 28:18–20 (ABCEB)

“Ug kanila nga motuo mag-uban kining maong mga ilhanan: pinaagi sa akong ngalan ang mga demonyo ilang hinginlan, magsulti sila ug bag-ong mga pinulongan, kuptan nila ang mga bitin ug kon makainom sila ug bisan unsa nga makahilo, dili sila maunsa, tapin-an nila sa ilang mga kamot ang mga masakiton ug mangaayo sila.”

—Marcos 16:17–18 (ABCEB)

“Apan kon mokunsad na kaninyo ang Espiritu Santo, makadawat kamog gabom ug mahimo kamong akong mga saksi sa Jerusalem, sa tibuok Judea ug Samaria ug sa tibuok kalibotan.”

—Mga Buhat 1:8 (NIV)

Naa tay obligasyon sa pag-sulti sa uban mahitungod ni Ginoong Jesus, una, kung diin ta karon, sunod, didto sa mga kasilinganan nato, ug unya sa tanang suok sa Kalibotan.

Ang pag-sangyaw sa maayong balita sa Ibanghelyo maoy focus sa Iglesia kaniadto sa panahon sa mga Apostoles.

Ang mensahe ni Cristo gipadayon sa Iyang mga tinun-an human nga Siya nibalik sa langit pagka-tapos sa Iyang ministry diri sa Kalibotan.

“Ug si Pedro mitubag kanila, “Paghinulsol kamo, ug pagpabautismo ang matag usa kaninyo sa ngalan ni Jesu-Cristo alang sa kapasayloan sa inyong mga sala... Ug pinaagi sa daghang mga pulong siya nagpamatuod ug midasig kanila nga nag-ingon, “Luwasa ang inyong kaugalingon gikan niining hiwi nga kaliwatan.” Ug unya gibautismohan kadtong mga midawat sa iyang pulong, ug niadtong adlaw may mga tulo ka libo ka tawo ang nadugang kanila.”

— Mga Buhat 2:38, 40–41 (ABCEB)

“Ug ang mga nagkabulagbulag miadto sa nagkalainlaing dapit nga nagwali sa pulong.”

— Mga Buhat 8:4 (ABCEB)

“Tungod kay, diha sa kaalam sa Dios, ang kalibotan wala man moila sa Dios pinaagi sa kaalam, gikahimut-an sa Dios pinaagi sa kabuang sa atong giwali ang pagluwas kanila nga nagtuo.”

— 1 Corinto 1:21 (ABCEB)

Tanan nga mga magtotuo kinahanglan moapil sa pag-sangyaw sa mensahe sa kaluwasan. Una, ang matag-usa nato, kinahanglan nga andam gyud permi sa pag paambit ug sa pagpadayag sa atong pagtuo sa uban.

Every believer needs to be involved in proclaiming the message of salvation. First, we must always be ready to personally share and give an account of our faith to others. Ikaduha, kinahanglan nga moapil pud ta sa hiniusa nga bulohaton sa Iglesia sa pag-sangyaw sa “maayong balita” sa tibook Kalibotan.

Naghisgot si Apostol Pablo kabahin ani diha sa iyang sulat para sa iglesia sa Roma.

“Apan unsaon man sa mga tawo sa pagtawag kaniya nga wala nila tuohi? Ug unsaon man nila sa pagtuo kaniya nga wala gayod nila madunggi? Ug unsaon man nila sa pagkadungog kon walay magwali? Ug unsaon man nila pagwali kon dili sila ipadala? Ingon sa nasulat, “Katabom gayod sa mga tiil sa mga nagwali sa Maayong Balita!”

—Mga Taga-Roma 10:14–15 (ABCEB)

Dili ta magpailad pinaagi sa pag-too nga gipili nang daan sa Dios kung kinsay maluwas ug kinsay dili. Ang Kasulatan nagsulti nato nga dili na tinood.

“Sa iyang saad ang Ginoo dili langaylangayan, nianang paglangaylangay nga gihunahuna sa uban. Apan siya mapailobon hinuon kaninyo, dili buot nga adunay mahanaw kondili nga ang tanan makakab-ot unta sa paghinulsol.”

—2 Pedro 3:9 (ABCEB)

“Karon, una sa tanan, ako nag-awhag nga ang mga pangamuyo, mga pag-ampo, mga paghangyo, ug mga pagpasalamat kinahanglang himoon alang sa tanang tawo... Kini maayo ug makapahimuot sa panan-aw sa Dios nga atong Manluluwas, 4nga nagtinguha nga ang tanang tawo maluwas ug makaabot sa kahibalo sa kamatuoran.”

—1 Timoteo 2:1, 3–4 (ABCEB)

“Gi-dasig mo nako nga dili mataha sa pagsugod sa pagpaambit sa inyong pagtuo sa tanang higayon!”

Hilig gyud ta nga mangitag rason aron dili ta mosangyaw.

Mao na ni ang panahon!

“Dili ba nag-ingon man kamo, ‘Upat pa ka bulan ug unya mao na ang ting-ani’? Sultihan ko kamo, iyabat ninyo ang inyong mga mata ug lantawa ninyo ang kaumahan nga namuti na sa anihon Siya nga nag-ani nagdawat ug subol ug nagtigom ug bunga alang sa kinabuhi nga dayon”

— John 4:35–36 (ABCEB)

Makapamatuod gyud ko ninyo, pinaagi sa akong personal nga kasinatian, sa dihang nag-matinud-anon mi sa pag-sangyaw sa Maayong Balita, makabantay na lang mi nga daghan na diay kaayo mig napaambitan nga mga tawo kabahin ni Ginoong Jesus. Mag-ampo ko para nimo nga magmalampuson ka ug maayo diha sa pagkab-ot sa mga kalag nga nawala para Niya.

ANG KATAPOSAN

Samtang nag-share ko aning mga butanga nimo, mura gyud kog nabug-atan sa akong kasing-kasing nga unta matabangan tika nga maabot gyud nimo ang *finish-line* sa imong pagtuo kang Jesus.

“Samtang nagkinabuhi ta diha sa nagka-lalom nga relasyon nato diha sa Ginoo, dapat natong mahibal-an nga usa ka adlaw magpuyo na gyud ta diha sa Iyang presensya hangtod sa hangtod.”

Duha lang ka tawo nga atong mabasa sa *New Testament* nga naka-adto sa Langit, si Ginoong Jesus ug si Pablo. Gitawag nilang duha ang Langit ug “paraiso.”

Katingalahan kaayo, dili nato ma-imagine kung unsa ka nindot unya ni.

Ang magpuyo didto sa walay katapusan nga puno sa gugma ug sa presensya sa Dios mao dapat ang makadasig nato ug maoy atong tinguhaon sa tibuok natong kinabuhi. Dili gyud nato walaon sa atong hunahuna ang pag-paabot ani.

Daghan pang mga mahimayaon nga mga panghitabo nga atong masugata samtang nagapadayon ta gikan sa kadaugan ngadto sa kadaugan, pero wala gyuy dapat mulabaw sa atong tinguha nga makauban Siya hangtod sa kahangturan.

“Human niini akong nakita ang usa ka dakong panon sa katawhan nga walay bisan kinsa nga makaihap, gikan sa tanang kanasoran, gikan sa tanang kabanayan ug katawhan ug pinulongan, nagtindog sa atubangan sa trono ug sa atubangan sa Nating Karnero, nagsul-ob ug puti nga bisti nga tag-as ug nagkupot ug mga palwa sa palmera, ug naninggit sa kusog nga

tingog nga nag-ingon, “Ang kaluwasan iya sa atong Dios nga naglingkod sa trono, ug iya sa Nating Karnero!”

—Pinadayag 7:9–10 (ABCEB)

“Kay ang Nating Karnero nga anaa sa taliwala sa trono maoy magbantay kanila, ug magtultol kanila ngadto sa mga tuboran sa tubig sa kinabuhi, ug pahiran sa Dios ang tanang luba sa ilang mga mata.””

—Pinadayag 7:17 (ABCEB)

Ang rason nga kini nahimong usa ka dakong kabug-aton sa akong kasingkasing tungod kay daghan na kong nakita nga mga tawo nga napakyas ug napukan sa ilang paglakaw.

“Apan sigpit ang ganghaan ug lisod ang dalan nga padulong sa kinabuhi ug diyotay ra ang mga nakatultol niini.”

—Mateo 7:14 (ABCEB)

Sa atong paglakaw kauban ang Dios, naay mga panahon nga naa Siyay pagahimoon nga mga butang nga layo ra kaayo sa atong gilauman. Magapamuhat Siya sa mga pamaagi nga dili nato masabtan. Kalabanan, sa atong natural nga panan-aw murag dili gyud mahitabo ang atong gituohan ug gilauman, unya magtoo ta nga dili tinood ang Iyang mga saad.

“Dili nato dapat duha-duhaan ang Pulong sa Dios ug ang Iyang dili-matugkad nga gugma diri nato! Kung ang atong panan-aw maghinay-hinay ug ka-padpad, mao puy mahitabo sa atong paglakaw sunod Niya. Unya ug dili ta mag-bantay, moabot ang kalibog sa atong hunahuna ug magduhaduha na ta sa atong pagkinabuhi sa pagtuo.”

Mao ni hinongdan nga mo-undang ta ug dili na mo-salig. Ang atong pagduhaduha maoy makaingon nga dili na ta motuo, ug ang dili pagtuo nagsdala ug sala. Ang sala nagdala ug kamatayon, ug dili nato makit-an ang tanan nga giandam sa Dios diri nato.

Kinahanglan nga ato gyud nga i-focus ang atong panghunahuna ug ang atong pananawon kabahin sa gugma ug pagkamatitud-anon sa Dios sa Langit.

“Kita nasayod nga diha sa tanang butang ang Dios nagbuhat sa maayo ngadto kanila nga mga nahigugma kaniya ug mga tinawag sumala sa iyang katuyoan.”

—Mga Taga-Roma 8:28 (ABCEB)

“Ang gipangita sa Dios mao ang mga tawo nga nagalakaw sa Pag-tuo!!!”

Kinahanglan nga magkinabuhi gyud ta permi nga naay malungtaron nga panglantaw. Kung mausab na gani ang atong pananawon, mausab pud ang padulngan sa atong mga lakang. Ang atong focus mao dapat ang atongpulo-an nga mao ang Langit kauban sa atong Ginoo.

Ang atong pagkatinun-an diha ni Cristo wala naka-depende kung unsa kalisod ang atong naagian, kung unsa kadako sa atong sakripisyo, o bisan gani sa Iyang mga panalangin karon.

“Busa kay gilibotan man kita sa ingon ka baga nga panganod sa mga saksi, sinalikway ang tanang pagkamalahutayon ug ang sala nga daling mobalikos kanato, managan kita uban sa lahutay sa lumba nga gibutang sa atong atubangan, nga magtutok kang Jesus, ang nagpasiugda ug ang mohingpit sa atong pagtuo. Tungod sa kalipay nga gibutang sa iyang atubangan, giantos niya ang krus sa walay pagsapayan sa kaulaw niini ug karon naglingkod siya diha sa tuo sa trono sa Dios. Hunahunaa siya nga miantos sa maong pagsupak sa mga makasasala batok kaniya, aron dili kamo maluwa o mawad-an ug paglaom. Sa inyong pagpakigbisog batok sa sala, wala pa kamo makigbatok niini hangtod nga nagkadugo na kamo.

—Hebrews 12:1–4 (ABCEB)

Atong makita aning bersikoloha nga ang gihimo ni Ginoong Jesus aron maantos niya ang kamatayon sa Krus, gi-focus Niya ang Iyang pagtuo sa umalabot nga adlaw nga Siya maka-balik pag-usab sa Langit sa presensya sa Iyang Amahan. Gilantaw na Niya daan ang umaabot nga kalipay nga Iyang bation sa dihang ikaw ug ako mudawat Niya isip atong Manluluwas. Kita pud, kinahanglan nga atong i-totok ang atong mga panan-aw sa kalipay nga naghulat nato sa kung magmadaugon ta sa atong paglakat diha sa pagtuo.

“Kung dili ta mag-amping, mahimong mapaundayonan nato ang atong hunahuna sa mga butang nga kontra nato sa pisikal, imbes nga magpabilin ta nga lig-on sa atong pagtuo sa mga butang nga atong nasayran pero dili nato makita.”

Ang akong mainiton nga pag-ampo para natong duha, mao ang maka-sulti ta sa umaabot parehas sa gisulti ni Pablo.

“Kay ako andam na nga ibalad ug ang panahon sa akong pagbiya miabot na. Nakigbisog na ako sa maayong pakigbisog, natapos ko na ang lumba, gituman nako ang pagtuo. Sukad karon adunay gitagana alang kanako nga purongpurong sa pagkamatarong nga niadto unyang adlaw iganti kanako sa Ginoo, ang matarong nga maghuhukom, ug dili lamang kanako ra kondili usab sa tanang mga nahigugma sa iyang pagpadayag.”

—2 Timoteo 4:6–8 (ABCEB)

Kinahanglan nga permi tang naay malungtaron nga panan-aw sa kinabuhi nga sa diin ang Langit mao ang atong tumong. Kay ang dalan gikan diri paingon didto, usahay, dili gyud sayon. Dili kinabuhi nga hayahay ang atong natawhan diri. Kung wala tay klaro nga panan-awon para sa atong kaugalingon nga ugma damlag magluhod ta atubangan ni Ginoong Jesus samtang Siya moingon, “Maayo! Buotan ug kasaligan nga sulogoon,” dili gyud ta magmalampuson. Ang atong panan-awon nakatotok sa walay-katapusan.

“Mao na nga ang kinabuhi wala gyuy pulos kong ato ning lantawon diha lang sa temporaryo nga panglantaw. Kung mas importante pa para nato ang

gihunahuna sa uban mahitungod nimo, ang atong seguridad, ang atong gipoy-an karon, o bisan unsa nga mga butang kaysa sa atong padulngan sa Langit, wala pa gyud nato masinati ang pinaka-maayo nga giandam sa Dios para nato”

Kabalo ko nga medyo sakit ni siya pamation, pero mao ni ang giingon sa Biblia. Kung ganahan ta nga masinati ang tanan nga ganti nga giandam sa Dios para nato, kinahanglan nga mu-barog sa walay paglaob-laob sa atong pagtuo samtang nagkinabuhi ta sa pagkamatimuman hangtod sa katapusan natong gininhawa diri sa Yuta.

Aron nga magpabilin ta nga dili matay-og sa atong pagkinabuhi isip usa ka tinun-an, Angay natong mabal-an nga usa unya ka adlaw moatubang ta sa Dios aron hukman ug gantihan base sa atong kinabuhi diri sa Kalibotan.

“Apan dili kami buot, mga igsoon, nga kamo dili mahibalo mahitungod sa mga nangamatay, aron dili kamo magsubo ingon sa uban nga walay paglaom. Kay kon kita nagtuo nga si Cristo namatay ug nabanhaw, mao usab sila nga mga nangamatay, dad-on ra unya sa Dios pinaagi kang Jesus uban kaniya. Kay kini among ipahayag kaninyo sumala sa pulong sa Ginoo, nga kitang mga buhi nga nagpabilin pa hangtod sa pag-abot sa Ginoo, dili maguna kanila nga mga nangamatay. Kay ang Ginoo gayod mao ang manaog gikan sa langit uban sa pagmando, ug uban sa tingog sa pangulong anghel, ug uban sa tingog sa trumpeta sa Dios. Ug unya ang mga nangamatay diha kang Cristo mouna sa pagpamangon. Ug kita nga mga buhi pa nga nahibilin, sakgawon unya ngadto sa mga panganod uban kanila sa pagsugat sa Ginoo diha sa kahanginan. Ug sa ingon niini kita makig-uban na kanunay sa Ginoo. Busa lipaya ninyo ang usa ug usa pinaagi niining mga pulonga.”

—1 Mga Taga-Tesalonica 4:13–18 (ABCEB)

“Ayaw kamo kabibulong niini kay ang takna nagsingabot na nga ang tanan nga anaa sa mga lubong mamati sa iyang tingog 29 ug ang mga nagbuhat ug maayo manggula sa pagkabanhaw ngadto sa kinabuhi ug ang mga nagbuhat

ug daotan sa pagkabanhaw ngadto sa silot.”

—Juan 5:28–29 (ABCEB)

“Ug ingon nga natakda nga ang tawo mamatay sa makausa, ug human niana mao ang pagbukom.”

—Mga Hebreohanon 9:27 (ABCEB)

Ang Pulong sa Dios nagsulti diri nato nga ang pinaka-una nga pagbukom nga atubangon sa tanan katawhan mao ang ***white throne judgment***. Dinhi hukman ang mga tawo base sa ilang pag-dawat o wala-pagdawat kang Ginoong Jesus.

“Unya nakita nako ang usa ka dakong trono nga puti ug ang naglingkod niini, gikan sa iyang atubangan mipahawa ang yuta ug ang langit, ug walay dapit nga nakaplagnan alang kanila. Ug nakita nako ang mga nangamatay, mga dagko ug mga gagmay, nga nagtindog sa atubangan sa trono, ug dihay mga basahon nga gibukhad. May laing basahon usab nga gibukhad nga mao ang basahon sa kinabuhi. Ug ang mga nangamatay gipangbukman pinasikad sa nasulat diha sa mga basahon, sumala sa ilang mga binuhatan... Unya ang Kamatayon ug ang Hades gitambog ngadto sa linaw nga kalayo. Mao kini ang ikaduhang kamatayon, ang linaw nga kalayo. Ug si bisan kinsa nga wala makaplagnan nga nasulat diha sa basahon sa kinabuhi, siya itambog ngadto sa linaw nga kalayo.”

—Pinadayag 20:11–12, 14–15 (ABCEB)

Ang Biblia nagtudlo nato nga kadtong nidawat ni Ginoong Jesus ug ang ilang mga pangalan nasulat sa Libro sa Kinabuhi sa Nating Karnero, dili na moagi sa *white throne judgment* kondili modretso na sila sa hukmanan ni Ginoong Jesus. Ang mga magtutoo hukman didto aron mahibal-an kung unsa nga klase sa ganti ang ilang madawat, dili sa kung malangit ba o dili. Pamalandongi ni nga mga bersikulo sa ubos.

“Unya ang may kahadlok sa Ginoo nagsulti sa usa ug usa. Ang Ginoo mitagad ug namati kanila, ug ang usa ka basahon sa handomanan gisulat sa atubangan niya alang kanila nga may kahadlok sa Ginoo ug nga nagtahod sa iyang ngalan. “Sila mahimong akoo, nag-ingon ang Ginoo sa mga panon, ang akong linain nga bahandi sa adlaw nga ako maghimo niini ug akong ipalingkawas sila sama sa tawo nga magpalingkawas sa iyang anak nga lalaki nga nag-alagad kaniya. Unya sa makausa pa, inyong mailhan ang kalainan taliwala sa matarong ug sa daotan, taliwala sa nag-alagad sa Dios ug sa wala mag-alagad kaniya. “Tan-awa, ang adlaw nagsingabot, nagdilaab sama sa hudno, nga ang tanang mga mapahitas-on ug ang tanang tigbuhat ug daotan mangahimong tuod. Ang adlaw nga moabot magsunog kanila, nag-ingon ang Ginoo sa mga panon, aron kini dili magbilin kanila bisan gamot o sanga. Apan kaninyo nga may kahadlok sa akong ngalan, ang adlaw sa pagkamatarong mosubang nga nagdala ug kaayohan sa iyang mga pako. Kamo manggula nga magluksolukso sama sa mga nating baka sa toril. Ug tamakan ninyo ang mga daotan kay sila mangahimong abo sa ilalom sa mga lapalapa sa inyong mga tiil, sa adlaw nga akong himoon kini, nag-ingon ang Ginoo sa mga panon.”

—**Malakias 3:16–4:3 (ABCEB)**

“Kay wala nay laing patukoranan nga ikapahimutang pa ni bisan kinsa gawas sa gikapahimutang na, nga mao si Jesu-Cristo. Karon kon may magtukod sa ibabaw niining maong patukoranan ginamit ang bulawan, plata, mga mahalong bato, kahoy, sagbot o dagami, ang buhat sa matag usa mailhan ra unya kay ang Adlaw magpadayag niini nga pinaagi sa kalayo mailhan kini, ug ang kalayo magsulay sa buhat sa matag usa. Kon ang buhat ni bisan kinsa magpabilin diha sa iyang gitukoran, siya makadawat ug ganti. Ug kon ang buhat ni bisan kinsa masunog ra, siya mag-antos sa kapildihan apan siya maluwas ingon nga nakalatas sa kalayo.”

—**1 Corinto 3:11 (ABCEB)**

“Ang nagdawat kaninyo nagdawat kanako ug ang nagdawat kanako nagdawat sa nagpadala kanako. 41Ang nagdawat sa propeta tungod kay siya usa ka propeta, modawat ug ganti nga alang sa usa ka propeta... Ug si bisan kinsa nga mohatag ug bisan usa na lang ka baso nga bugnawng tubig aron ipainom sa usa niining ubos nakong mga tinun-an tungod kay siya usa ka tinun-an, sa pagkatinuod sultihan ko kamo, dili gayod siya kawad-an sa iyang ganti.”

—Mateo 10:40–42 (ABCEB)

“Bulahan kamo sa dihang dumtan kamo sa mga tawo, ug sa dihang isalikway kamo nila ug bugalbugalan, ug isalikway ang inyong ngalan ingon nga daotan tungod sa Anak sa Tawo! Paglipay kamo nianang adlawa ug pagluksolukso kamo sa kasadya kay dako ang inyong ganti didto sa langit.”

—Lucas 6:22–23 (ABCEB)

Sa dihang tun-an nimo ang Pulong sa Dios, imong masayran nga naa pud diay mga espesyal nga mga korona nga gisaad sa kadaghanan, parehas sa mga nagmadaugon, sa mga elders, sa mga martir, ug sa mga matarong. Naghisgot si Apostol Pablo sa iyang tinguha nga sa umalabot mobarog siya atubangan sa iyang Hari ug gantihan ug korona.

“Wala ba kamo masayod nga sa usa ka lumba ang tanang apil sa lumba modagan, apan usa ra ang makadawat sa ganti? Busa dagan aron kamo makadawat sa ganti. Ang matag magdudula naningkamot sa pagpugong sa iyang kaugalingon sa tanang mga butang. Sila naghimo gayod niini aron makadawat ug korona nga madunot ra, apan kita sa dili madunot. Busa ako midagan, dili ingon nga walay tumong, ang akong sinumbagan dili sama sa nagsumbag sa hangin, hinuon gihigpitan nako ang akong lawas ug giulipon kini, kay basin unya ug sa akong pagwali ngadto sa uban, mahimo akong sinalikway.”

—1 Corinto 9:24–27 (ABCEB)

Pagkahuman nato didto sa hukmanan ni Cristo, musulod na dayon ta sa Langit aron makig-uban sa atong Dios sa Iyang presensya hangtod sa kahangtoran.

“Unya akong nakita ang usa ka bag-ong langit ug ang usa ka bag-ong yuta, kay ang unang langit ug ang unang yuta nangahanaw na man, ug ang dagat wala na. Ug nakita nako ang balaang siyudad, ang bag-ong Jerusalem, nga nanaog gikan sa langit gikan sa Dios, inandam sama sa usa ka pangasaw-onon nga gidayandayanan alang sa iyang pamanhonon. Ug nadungog nako gikan sa trono ang usa ka dakong tingog nga nag-ingon, “Tan-awa, ang puluy-anan sa Dios anaa uban sa mga tawo. Siya magpuyo uban kanila ug sila mahimo nga iyang mga katawhan, ug ang Dios gayod mao ang magkig-uban kanila ug mahimo nga ilang Dios. Iyang pahiran ang tanang luha gikan sa ilang mga mata, ug ang kamatayon wala na, ug wala na usab unyay pagminatay o paghilak o kasakit kay ang unang mga butang nangagi na.”

—Pinadayag 21:1–4 (ABCEB)

“Tungod niini anaa sila sa atubangan sa trono sa Dios, ug nag-alagad kaniya sa adlaw ug sa gabii sulod sa iyang Templo, ug ang naglingkod sa trono magbuklad sa iyang tolda ibabaw kanila. Sila dili na gutomon ug dili na usab uhawon, dili na sila mainitan sa adlaw o sa bisan unsa nga kainit.”

—Pinadayag 7:15–16 (ABCEB)

“Pinaagi sa kahayag sa siyudad manglakaw ang mga nasod, ug ang mga hari sa kalibotan magdala sa ilang himaya ngadto niini, ug ang iyang mga ganghaan dili gayod tak-opan panahon sa adlaw kay wala may gabii didto, Ilang dad-on ngadto niini ang himaya ug kadungganan sa kanasoran. Apan dinhi niini walay bisan unsa nga hugaw nga pasudlon, ang naghimo ug mga dulumtanan o bakak, kondili sila lamang nga nasulat diha sa basahon sa

kinabuhi nga iya sa Nating Karnero.”

—Pinadayag 21:24–27 (ABCEB)

“Unya iyang gipakita kanako ang suba sa tubig sa kinabuhi nga tin-aw daw kristal, nagbuswak gikan sa Dios ug sa trono sa Nating Karnero, latas sa taliwala sa kadalanan sa siyudad. Sa matag daplin usab sa suba, diha ang kahoy sa kinabuhi nga may napulo ug duha ka matang sa mga bunga, namunga kini matag bulan, ug ang mga dahon sa kahoy tambal alang sa kanasoran. Ug didto wala nay bisan unsang tinunglo apan atua didto ang trono sa Dios ug sa Nating Karnero, ug ang iyang mga ulipon magsimba kaniya. Sila magsud-ong sa iyang nawong, ug ang iyang ngalan anha sa ilang mga agtang. Ug didto wala nay gabii, ug sila dili na magkinahanglan ug kahayag sa suga o sa adlaw, kay ang Ginoong Dios man ang ilang kahayag, ug sila maghari hangtod sa kahangtoran.”

—Pinadayag 22:1–5 (ABCEB)

“Oh! Ang kalipay sa pag-alagad sa Dios ug ang makauban Siya hangtod sa kahangtoran. Nanghinaut ko nga dili nimo tugotan ang bisan unsang butang nga makapalong ani diha sa imong kasingkasing sa imong pagsunod ug paglakat kauban Niya.”

“Ug gikan kang Jesu-Cristo, ang kasaligan nga saksi, ang panganay gikan sa mga nangamatay, ug ang pangulo sa mga hari sa yuta. Kaniya nga nabigugma kanato ug nagpahigawas kanato gikan sa atong mga sala pinaagi sa iyang dugo ug naghimo kanato nga usa ka gingharian, mga pari ngadto sa iyang Dios ug Amahan, iya ang himaya ug ang paggahom hangtod sa kahangtoran. Amen.”

—Pinadayag 1:5–6 (ABCEB)

PANAPOS

KARON, MAG-AMPO TA!

Ginoong Jesu Cristo, unsaon namo pag-pasalamat tungod sa gasa sa kinabuhing dayon nga Imong gihatag namo? Ang amo lang mahatag diha nimo mao lang ang among pagdayeg ug pagsimba gikan sa kinasuloran sa among mga kasingkasing ug sa among mga ngabil. Karon among nahibal-an nga apil mi ining kahibulongan ug walay katapusan nga paglakaw kauban Ka. Among angkonon nga daghan kaayo mig kakulangan isip Imong mga tinun-an. Ang among dako nga tinguha mao ang mahisama Kanimong sa tanang adlaw ug sa tanang pamaagi. Tabangi kami nga maka-angkon ug relasyon diha Nimo, pinaagi sa Balaang Espiritu, samtang kami naninguha sa pagkinabuhi para Nimo ug para Nimo lang. Hinaot nga kuyogan mo kami sa paglakat, guniti ang among mga kamot, ug bangona kami sa dihang kami mapakyas o matumba.

Among gitugyan ang among mga kinabuhi sa Imong tiilan ug nag-hangyo Kanimong nga mahimong among Ginoong sugod karon ug sa walay katapusan, hangtod nga kami magaluhod sa among mga tuhod atubangan sa Imong trono sa eternidad.

Pinaagi sa Pangalan ni Ginoong Jesus kami naga-ampo. Amen.